


1594

5. VII 7

100

8

1-4



Գ Ի Բ Բ XLV



ԳՐԱԿԱՆ, ՔԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵՐԿՈՒԵՐՈՐԴ ՏԱՐԻ

1907

№ 1—2

ՅՈՒՂԻՍ - ՕԳՈՍՏՈՍ

Բ Ո Վ Ա Ն Դ Ա Կ Ո Ւ Թ Ի Ի Ն

Մեր արիւնքս անցեալից, Խանգաղէ.	3
Թագաւորը պէտք է ճանաչէ բարեկամն ու թշնամին, Սաադիի, պարսկ. թարգմ. Մ. Վ. Մաքսուտեանց . . .	29
Տ. Գաբրիէլ Պատկանեան, Երուանդ Շահազիզ.	33
Միրէյօ, Պրովանսական քերթուած, Ֆրեդերի Միսթրա- լի, ֆրանս. թարգմ. Արշակ Չոպանեան	49
Գիւլասար, Ս. Քամալեանց	62
Իշխ. Կոստ. Բեհբուդեանի յիշատակին, Նիկ. Քարա- մեանց	66
Գրականութիւն և կեանք, Մինաս Բերբերեան.	70
Հայագիտական, Բ. Խալիթեանց	79

ԳԻՏՈՒԹԻՒՆ ԵՒ ԱՐՈՒԵՍՏ

Թոքախտը որպէս սօցիալական հիւանդութիւն, Օր. Նուարդ Ադանեանց	81
---	----

ՆԵՐՔԻՆ ՏԵՍՈՒԹԻՒՆ

Արգի կացութիւնը, Գար. Ննզիրարեան.—Ներքին լուրեր. —Խմբագրութեան կողմից	86
ՍՏԱՑՈՒԱԾ ԳՐՔԵՐ.	
ՅԱՅՏԱՐԱՐՈՒԹԻՒՆՆԵՐ	
ԱԶԴ (կազմի վերայ):	

Landung

1907-8

1-2, 1-4


nach

cluster

(1018)

25

54





ԳՐԱԿԱՆ, ՔԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵՐԿՈՒԵՐՈՐԴ ՏԱՐԻ

1907

№ 1—2

ՅՈՒԼԻՍ - ՕԳՈՍՏՈՍ

ԵԼԵՔՏՐԱՆԱԲ ՏՊԱՐԱՆ ՕՐ. Ն. ԱՂԱՆԵԱՆԻ, ՊՈԼԻՑ., 7.
1907 51

ՄԵՐ ԱՐԻՒՆՈՏ ԱՆՑԵԱԼԻՑ



Մայիսը դեռ նոր էր սկսուել: Դեռ նոր էր Գողթնեաց գա-
ւառի ողջ բնութիւնը զարդարուել, պճնուել և նորահարսի նը-
ման արտաքս բերել իր սքանչելի գեղեցկութիւնը, որը ամենու-
րէք իր փարթամ, իր հարուստ արդուզարդով հիասթափիչ
սպաւորութիւն էր թողնում նայողի վրայ և իր հրաշագեղ
բուրմունքով ասես մի առ մի նկարագրում է քեզ բնութեան
հրաշակերտ գորութիւնը:

Սակայն այդ տարուայ մայիսը խիստ զանազանում էր
նախքան թաց տարիների մայիսից. թւում էր թէ՛ մի դիւակաւ
ստուեր էր անցել գուսանների այդ նուիրական աշխարհի վը-
րայով և իր յետեից թողել մի ինչ որ խորհրդաւոր, ինչ որ մե-
ռելային լուծիւն: Եւ այդ այնքան ակներև էր աչքի ընկնում,
այնքան զգալի ցցում առաջիդ, որ ինքդ էլ ակամայից ստիպ-
ուած էիր լինում դիտել շուրջդ համոզուելու թէ՛ արդեօք լը-
սողներ չ'կան քեզ, և երբ մենակ էիր զգում քեզ, հարցնում էիր
քեզ ու քեզ. «Ի՞նչ դիւակաւ գաւազանի ազդեցութեա՛ր է ար-
դեօք քար կտրել համայն այս բնութիւնը և գերեզմանա-
կան լուծեան կապանքների դիրկը ընկել: Մի՞թէ տարաբաղդ
հողի քաղցրախօս գուսաններն են ոտքի կանգնել և մի սպառ-
նական հայեացքով պապանծեցրել բոլորի լեզուները, ասելով
թէ՛ «մեզանից յետոյ, ո՛վ ապերախ ծննդավայր, դու սուդ
չ'պահեցիր, դու չ'ողբացիր քո հարազատ երգիչներիդ կորուստը,
այժմ արժանի է քեզ պապանծուել և ցաւատանչ երերումների
խոհերով մաշուել, ապա հասկանալ, որ մեր հայրենի ծնծղանե-

րի ծայները անդարձ կորել են քեզ համար... Չ'կային և առօրեայ եռուն շարժումներ: Անցուդարձը վաղուց էր դադարել. նոյնիսկ ամենամօտիկ գիւղից միւսը անցնել խիստ դժուարացել էր և վտանգաւոր դարձել, իսկ քաղաքի հետ յարաբերութիւնները մի շաբաթից աւելի էր, ինչ իսպառ կտրուել էր: Եւ ամենքը սեւ թախիժով լցուած՝ ակնապիշ սպասում էին, թէ ինչ տեղեկութիւն է գալիս քաղաքից: Բայց տեղեկութիւն չբեր ու չկար: Եւ վերջապէս, ո՞վ էր իր գլխից ձեռք վեր առել որ քաղաք անցնէր, և ամեն «խէր ու շառ» իմանար ու վերադառնար մեզ այդ աւետելու: Իսկ ով յանդգնում էր դուրս գալու, որպէս զի քաղաք զնայ և մի բարի «խաբար» բերէ մեզ, այլևս չէր վերադառնում. թուրքերը ամեն ծակ ու ծուկ բռնել էին՝ երեւցողին խփում էին և սպանում: Հէնց այդ էր պատճառը, որ այդ մի շաբաթուայ ընթացքում անհաստական սպանութիւնները օր ցերեկով տեղի էին ունենում, յաճախ նոյնիսկ պաշտօնական անձանց քիթ տակին:

Այսպէս էր մեր դրութիւնը 1905 թ. մայիսի 12-ին:

Այսպէս էր և գրեթէ բոլոր մեր հայ գիւղերի դրութիւնը:

Մենք ընդհատուած էինք քաղաքից, հետևապէս և դրսի աշխարհից և անկարող էինք ստուգելու թէ՛ ինչ է կատարւում մեզանից ոչ հեռու, մի քանի վերստի վրայ, մեր եղբայրների, մեր հարազատների և մեր սիրելիների հետ:

Այսպիսի խորհրդով ծանրաբեռնուած՝ մենք երեկոյեան զանգակների ծայների հետ շաապեցինք եկեղեցի: Այսպիսի դառն ճգնաժամերում հայի պապենական յատկութիւնն է առանձնանալ իր եկեղեցում և աղօթել, երբ յոյսը, ճարը կտրած է լինում ամեն տեղից: Այդ օր եկեղեցում սովորականից աւելի բազմութիւն կար. սակայն բոլորի էլ զէմքերի վրայ պարզ կարդացւում էր մի հոգեկան խորին դառնութիւն, մի ներքին կրքով, որը իր ցաւոտ հետքերը այդ օր աւելի քան ինքնուրոյն զոյներով էր դրօշմել իր զոհերի ճակատներին, ուր անյոյս փութորիկը, ալեժուփ յուզմունքը թանձր շերտերով հեռուից նըշմարւում էին նրանցից իւրաքանչիւրի կնիւնների արանքներից:

Ո՞վ կասէր, թէ եկեղեցու այդ մեծ բազմութիւնը աղօթ-

քի, մաղթանքների խոկումներով է զբաղուած: Ո՛չ, այդ աղօթք
չէր, այլ մի սրտամորմոք հեծկլտանք և խուլ հառաչանք: Ամեն-
քրն էլ կասես բնազդմամբ զգում էին, որ իրանց սպասում է մի
արիւնտա, մի կսկծեցուցիչ ապաղայ, որը պիտի օրհասական նը-
շանակութիւն ունենայ թէ իրանց և թէ ողջ հայութեան հա-
մար: Գեղջուկը յաճախ է լսում իր սրտի ծայնին, նա նրա ըստ-
րունին է. նա չգիտէ՝ ի՞նչ բանէ բնազդը, այլ զրանից աւելի լա-
ւը գիտէ սրբադործւած իր բիւրաւոր փորձութիւններով. նա
այսպիսի պարագանքներում միշտ կրկնում է. «սիրտս վկայում է,
որ մի փորձանք, մի սև օյին պիտի գայ զլիսիս»: Այո՛, գեղջու-
կը ունի սրտի լեզու:

Հէնց այսօր էլ այդպէս էին ամենքը համակուած և ախա-
մայից մրմնջում էին այն, ինչ զուրս էր ցայտում նրանց ներքին
խռովութիւնից:

Տխուր էր և եկեղեցին, ուր միայն մեր տէր Սիմէօնի գու-
րեկան ծայնն էր լսւում, որպէս անապատում փչող քաղցրու-
շունչ զեփիւռի հովերի, որը անկարող է շարժել կեանքը և ու-
րախութիւն սփռել իր շուրջը: Այդպէս էին այդ օր նրա մաղ-
թանքները, շարականները, մեղեդիները, որոնք միայն ասես ե-
կեղեցու պատերին էին լսելի լինում՝ բաղձութիւնը իր ծով
ցաւն ու սև դարձը ունէր:

Եկեղեցուց յետոյ բաղձութիւնը ըստ իր մշտօրեայ սովոր-
ութեան խռնուեց եկեղեցու բազում:

Դուրս եկաւ և քահանան: Ամենքը նրա կողմը զնային:
Տէր Սիմէօնը, տեսնելով իր հօտի վիշաք, ինքն էլ թախծոտ
տեսք առաւ. բայց, որովհետև իր սովորութեան համաձայն պի-
տի մի բան խօսէր, սիրտ տար, ոգևորէր իր հօտին, այդ պատ-
ճառով նախ հազաց, միրուքը շփեց և յենուելով իր գաւազանի
վրայ, որը իրօք հովւի մահակի շատ նման էր և որի մասին նա
լի պարծանքով էր խօսում թէ՛ «հասարակ գաւազան չէ, որ-
դիքս, իմ ձեռնադրութեան տարուանից սա անկորուստ ձեռքիս
է եղել և հետս էլ գերեզման պիտի ստնենմ. քսան և եօթ տա-
րի է հա՛, հե՛շտ է»...

Ժողովուրդ, հիմի՛ ի՞նչպէս է, կ'հաւատասք հօ՛ ձեր տէր-

տէրին. ախր ասած է՝ «մեծի ասած, փոքրի լսած», բայց արդեօք դուք լսել էք ինձ. ոչ երբէք,— նկատեց տէր Սիմէօնը:

— Ի՞նչ է եղել, տէրաւեր ջան, մենք միշտ հնազանդ ենք եղել քեզ. ի՞նչու ես զայրացել.— վրայ բերեց Մելիք Վարդանը:

— Ի՞նչպէս թէ՛ ինչ է եղել, օրհնած. ցասման հոտ է գալիս, հոտ:

— Աստուծոյ կամքն է,— տասց դուքանչի Խաչօն,— տէրհայր, մենք ի՞նչ կարող ենք անել:

— Օրհնած, ի՞նչու չէք կարող անել, եթէ ինձ լսելիք, էսօր, կարելի է, էս օրինը մեր զխին չգար:

— Տէր, տէր ջան, դու մեղանից պիտի գոհ լինիս, մենք միշտ քո ծառան ենք եղել:

— Ճիշտ է, օրհնած, լեզուով միշտ ծառայ էք եղել, բայց գործով ոչ. Խաչֆայ Յաիոր, — որին նա յանախ Խաթեցի Յովնան էր կոչում, — միտք է, որ միշտ բեզ ասում էի՝ «Խաթեցի Յովնան, մեզ խէր չի գալ էդ գեալմաներից» (գաղթականներից). դրանք իրանց համար ինչ եղան, որ մեզ համար ինչ լինին»:

— Էհ, տէրաւեր, դու էլի քո հին գարմանն ես քամուն տալիս. ախր գեալմաները մեզ ի՞նչ արեցին և կամ նրանք ի՞նչ մեղաւոր են, որ էսօր մեր զրուծիւնը էսպէս սեւաւոր է: Մարդը իր աչքը քօռ կ'ուզի. նրանք էսօր մեր մէջն են սուրում, մի՞թէ կ'ուզեն, որ նորից ախանատես լինին արիւն-արցունքի, ցաւ ու տառապանքի»:

— Ձէ, որդի, մարդի ոտն էլ պիտի խէրով լինի: Միտք է, որ նրանք եկան, ես ձեզ, բոլոր ժողովուրդիդ, զօռում էի, թէ դրանց չ'ընդունենք մեր մէջ, դրանք որ կան՝ բուռի նման են, որաեզ որ տան զխին երեսցին, էնաեզ աւերակ կ'գառնայ:

Մինչ սրանք այսպէս խօսում էին, նրանց կամաց-կամաց մօտեցաւ լիսունին մօտիկ տարիք ունեցող մի գաղթական, որը մի տարուց աւելի էր, ինչ եկել էր երկրից և որի կրակոտ աչքերում թաղնուած կար մի ինչ որ խորհրդաւոր, ինչ որ վեհ: Այն օրուանից, երբ նա իր այրիացած հարսի— Մայիկի և մի տարեկան թուռն— Ումրշասի հետ ոտք էր զրել մեր գիւղը, ոչոք նրա ծիծաղը չէր աեսել ու լսել և ոչոք համարձակ խօ-

ասկցութիւն չէր ունեցել նրա հետ: Նրա հայեացքը միշտ խո-
ժող էր ու խոժող: Նա իր նակատի քրտինքով էր փաստակում
իր առօրեայ պարէնը և դրանով ապրում էր պատուաւոր կեր-
պով՝ հեռու մեր գիւղի «խէր ու շառից»: Մեր գիւղացիները
ամենքն էլ քաշում էին նրանից, և նա մեր ժողովրդի ամեն
խաւերում պատկառանքով տեղ ունէր բռնած: Նա այն աներես
զալթականներն էր, որոնք ստէպ-ստէպ յուսահատեցնում էին
տէր Սիմէօնին: Ոչոք նրա լուրթեան, արտմութեան պատճա-
ռը չէր իմանում, և ամենքը կարծում էին, որ այդ բանը ա-
ռաշ է եկել հէնց այն ժամանակից, երբ երկրից գաղթելու մի-
ջոցին նանապարհին քրդերը սպանում են թէ նրա կնոջը և թէ
մինուհար որդուն, Մաղկայ ամուսնուն, և այդ պատճառով
թողան անունը Ումրշատ է դրել, որ զոնէ դրա «ումրը» շատ
չինի:

Եւ այդ մարդը Բուլանխցի Յունօն էր:

— Իզուր է, իզուր, տէր հայր, քո կասկածը, նկատեց
դարձեալ Խուրթեցի Յովնան:

— Ո՛չ, ո՛չ, օրհնած, գեալման ու բաղուշը մէկ են, մէկ,
ինձ չէս կարող համոզել, չես...

— Ձեր դուռը բլի, ձեր,—յանկարծ նշաց Յունօն, որը
ուղիղ տէրտէրի աչքերին նայելով, շարունակեց,—խրշմը մզնից
չէ, չէ. մենք չինք ընդոր պատճառը, յորի վրը մրդի կ'ըւաք,
բւացէք վրը ձգի, օր ծուռ նամպով բւտուցիք ձեր ըռեալթը:
Ըսինք, թէ յուրա մենք ինք գիւնաքեար, բա՞ էն քամբախ, էն
աւեր էրկիրը ո՞րնա մեղաւոր. էլի մե՞նք, հա՞: Ի՞նչա, մենք մըր
աչքը քեօռ կ'ուզինք: Ձէ՞ էլի մըր վերան փաթան ձեր չուռէքն
էին, օր մղի շարդեցին-բրդեցին: Ընդոնք լէ զբղի պէս յուրանց
աչքի դերան թողած՝ զուրիշի աչքի չօփ կ'տեսնին. աւեսաւան
թարս հասկցուցուն զմղի ու մզնից մըր ասպապ-մասպապ ա-
ռան ու խունարհ մանեկնիր դուրս բերին մղի: Տօ, տէր բա-
բա, դու օր յուղէնէք մզնից ազնաւուրնիր կ'շինէիք, համա մրդ-
նից դուք քօռ աղշիկ շիքիք, թէ չէ յնչի՞ պտի դու ու քու
մամլաքեալթը մկայ դարդանդ քաշէք թուրքերաց: Ընդոնց Աստ-
ւած քա՞նի հողի ա տուել. մէ հողի մերնա, մէկ՝ ընդոնց. աօ՛

մղնից արուն կէտայ, ըզոնցից՝ ջո՛ւր: Մէկ օր էղիլինք, մէկ օր լէ կ'մեռնինք, հմա թասիբով պտի մեռնինք: Ձէ թէ գալսի, բէգախի ցախաւեղնի չամռտիք ու գեպմաների վզին դարկիք: Էկայ էս էրկիր... հարամ էղնէր զէն գալը, ինչ ազիզ ունէնք, ճամպին թաղեցի... Մկայ յիմցար, օր դուք իք գիւնաքար մըր յուրչա գալուն...

Յունօյի ծայնը երերուեց. անցեալի դառնագին լիշողութիւնները խորտակեցին նրա հսկայական կորովը, և նա անզգայ զըլուխը կորացրեց, իր հնամաշ չուխի փէշով սրբեց այն երկու կաթիլ խոշոր արցունքները, որոնք լուծեամբ զլորուեցին նրա թախծալի աչքերից, որից յետոյ նա դարձեալ շարունակեց. — Տէս տէր բաբա, զիդայ շարթուց մի յէւելա, օր իրշմ բռնելա մըր սար ու ձոր, հմա ձգնից սիրա մի էրող չ'կայ, օր էթա շհար, յիմնա, թէ ինչ օրի, ինչ դուլի մէշին յուրանց ազգական-բաւր եկամները, ես չէ առաջնորդին տեսնա, խօսա զըմէն բան Դուք զէլ չ'էրիք, հմա ես կէնիմ, ես վճռեցի էս գիշեր էթամ սաղսալամաթ տեղ հասնիմ, բալի խէր խաբար մի բերիմ...

— Մինչ բազմութիւնը խորին հետաքրքրութեամբ և ամօթով լսում էր նրան, նա շուռ եկաւ ու հեռացաւ նրանից: Ամենքն էլ զիսէին Յունօյի բնաւորութիւնը, զիսէին, որ նա այս գիշեր պիտի քաղաք անցնի և մի լուր բերի իրանց: Ժողովրդի յարգանքը առաւել ևս զօրացաւ դէպի նա: Յունօն այլեւս հասարակ գեպմայ չէր նրա աչքում, այլ անձնուրացութեան հսկայական մի տիպար:

Ահ ու դողով լի գիշեր վրայ հասաւ: Ամեն մարդ ժամ առաջ անապարեց իր տունը մանել ու փակուել այնտեղ: Յունօն էլ նեքսե զնաց, փոքր ինչ հաց ու պանիր կերաւ առանց մի բան տսելու հարսին, որը իր Ումրչատին նոր էր քուն դրել և օրօրոցի կողքին նստած ծանր ու դաժան խոհերի տակ հալումաշ լինելով ու անպապար երերուելով, լուիկ-մնչիկ կար էր անում:

Ընթրիքը վերջացնելուց յետոյ Յունօն դարձեալ անխօս վերկացաւ, իր զէնքերը բերեց, փորձառու մի հայեացքով տնդդեց նրանց, ապա իւրաքանչիւրը իր օրոշ տեղում կապեց վրան, յետոյ դարձաւ դէպի Մաղիկը:

—Ծաղիկ լաօ, մկա ես կէթամ շնար. դուռ ու մուռը զպրազ կ'փակիս ու արխալին կքնիս. ես քաւոր Ղզրօյին թամբէ երէրիմ, օր մուղաթ եղնի մըր դուռ ու երթիսին, չուրի ես իզամ. լուսուն ինչ կայ, չ'կայ էնտեղ կիմնան, մէկ էլ զիշեր լէ կ'դառնամ, ասաց ու դուրս գնաց:

Ծաղիկը չ'խօսկան էր սկէսրարի հետ, հենց դրա համար էլ չ'կարողացաւ հարցնել նրան թէ՛ ռժ, ի՞նչու համար է գնում: Երկար նա լուռ մնաց նստած, վերջապէս որ զգաց, զիշերից բաւականին անցել է, առանց հանուելու, պարկեց քնելու, չ'մոռանալով նախօրօք դուռը ամուր փակել:

Զարտուղի ճանապարհներով մերթ խորին զգուշութեամբ առաջ ընթանալով, մերթ կանգ առնելով, գետնի վրայ պարկելով և ոտքից զլուս լսելիք դառած ախանջ գնելով այս ու այն նոյնիսկ թէթե շշուկին, շարունակեց Յունօս իր ճանապարհը մինչև հասաւ քաղաքի այգիներին մօտ: Այստեղ նա դարձեալ մարագ մտած կատուի նման պարզուեց գետնին, երկամր-երկամր ախանջ դրեց՝ հեռուից թուրքերէն խօսելու փափսուկի ձայներ էր ախանջին զարնուում. սակայն, զժրախտաբար, անկարող եղաւ մի բան որոշել այդ խօսակցութիւնից. միայն եկաւ այն եզրակացութեան, որ թուրքերը այնտեղ խիստ հակողութիւն էին նշանակել, ուրեմն այն անշից քաղաք մտնելու յոյսը ապարդիւն էր: Նա նոյնպիսի զգուշութեամբ անցաւ քաղաքի միւս ծայրը, դարձեալ պահապանների հանդիպեց: Այստեղ նրանց թիւը աւելի շատ էր, որովհետեւ այդ մասումն էին դառնում խանի ապարանքը: Անցաւ մի ուրիշ ծայր՝ դարձեալ պահապաններ: Վերջապէս, ուր որ գնաց, հանդիպեց պահապանների: Թուրքերը, որպէս զի արգելէն հայ զիւղերից քաղաքի հայերին օգնութեան դալը, վաղօրօք բռնել էին ամեն մի ծակ ու ծով: „Թֆու, փնթփնթաց Բուլանխի հսկան, - գներ հօր դաղար սնիծուի. խմալ են փաթիլ զչորս կողմը. հմա չէ, իշու դաւկներ, ես ճրն եմ, ես ձեր զէրկթէ բադաններուց լէ կ'ընցնիմ. ընձի Բուլանխցի Յունօ կ'ըսին Յունօ...“

Ասաց թէ չէ, ոտքերի չշաւերն ու վարտիկը հանեց, կապեց մէջքին և մտաւ մօտակայ տառուակը, որը անցնում էր քաղաքի միջով:

Այսպեղ նա կռացաւ, դրեթէ հաւասարուեց ջրի մակերևութին, որի բարձր եղերքները պաշտպանում էին նրան դիտող աչքերից, և այդպէս կուղէկուղ շարունակեց իր ճանապարհը մինչև հասաւ քաղաքի հայկական թաղը: Փոքր ինչ շունչ առնելով ջրի մէջ, նա դարձեալ իրան յատուկ զգուշութեամբ նստեց առուակի եկերքին, հագաւ իր չշտերն ու վարտիկը և պատերի ստուերների մէջ կորչելով, որ նշմարողներ չլինեն, շարունակեց իր ճանապարհը: Այսպէս քիչ առաջ անցաւ թէ չէ, մէկ էլ հեռուից տեսաւ դէպի իրան եկող մի քանի մարդկանց: Ծառի արագութեամբ նա ցատկեց մօտակայ ծառի վրայ և կորսւ նրա սաղարթախիտ սերունների մէջ: Այլ ևս ուրիշ ելք չկար: Բարեբախտաբար, նրան նշմարել անկարող եղան անցնող թուրքերը: Որքան նա ուղեց իջնել և առաջ շարժուել, անկարելի եղաւ, ամեն անգամ փողոցով անցնում էին թուրքեր և ինչ որ բաներ էին նշանակում հայերի թէ անների և թէ խանութների դռների վրայ, որ հեշտութեամբ իրանց գաղանային ծրագիրը իրագործել կարողանան և չշփոթեն նրանց թուրքերի անների հետ: Այսպէս մինչև առաւօտ նա մնաց իր ծածկավայրում աննշմարելի:

Առաւօտեան նա փողոցում ոչ մի հայ չտեսաւ: Նրանք մի քանի օր էր, ինչ փակուած էին իրանց աներում: Բայց մի քանի միամիտներ հալած իւրի տեղ ընդունելով տեղական խաների և փոխդնդաւաւեռի գլխովին երաշխաւորութիւնները, դիշերհանայ գնացել էին շուկայ և խանութ էին բաց արել: Մինչ Յունոս անապարտում էր առաջ ընթանալ դէպի յաջորդարան, յանկարծ խաների ապարանքից լսուեց չարագուշակ հրացանի որոտը - ազդանշանը և շիկացած արմիքը սուլելով ու վզգալով անցաւ քաղաքի մի ծայրից միւսը. դրան իբրև պատասխան որոտաց երկրորդ հրացանը մէջիւկից, որից լետոյ միաժամանակ քաղաքի հազարաւոր անկիւններից լսուեցին բազմաթիւ հրադէնների որոտումներ և զաղանացած թուրք խուժանը սկսեց շուկայում ելած մի բռն խաղաղ հայերի կենսքը ամարդաբար կարնել, կոտորել ու այրել առանց որևէ արդելքի պատշաճաւոր իշխանութեան կողմից: Սպանութիւնների հետ միաժամանակ սխտուեց և հայկական շուկայի տղան-թաղանը և հրդեհը:

Յուճօն մնաց քարացած. յարձակումը այնքան անսպասելի էր նրա համար, որ նա չ'իմացաւ թէ՛ ինչի պիտի ձեռնարկէր: Այլ ժամանակ նրան ուշքի բերեց թուրք ամբօխի մոլեղին և զիւսչին բրբիջը, որը հարսւյ-հրոցով շրջապատել էր աեղական հայ հարուստներից մէկի տունը, ուր պատսպարուել էին քսանից աւելի ընտանիքներ քաղաքի հայ աղքատ խաւերից, և գերմարդկային ճիղեր էին թափուժ ներս խուժել և կողոպուտի ենթարկել նրա ունեցած-չունեցածը ու առւանգել այնաեղ պատսպարուած հայ հրաշապեղ օրիորդներին, որոնց հմայիչ զեղեցիկութիւնը խելացնոր էր արել երիտասարդ արիկայ թուրքերի ուշ ու միտքը: Տարաբախտ պատժուածների զիմայրութիւնը այնքան էլ զօրեղ չէր, այլ պատանաւով եթէ օգնութեան չ'պարմի հղօր ոյժ, դռների խորտակումը անուրանալի էր: Մինչ զժոխային ցնորքներով հարբած խուժանը „եա Այի“ էր ճշուժ և ուժեղացնում յարձակումը, որաեղից որ էր ոչ հեռուից, մի կիսախարխուլ շինութեան աւերակներից որոտաց հրացանը, և երկու թուրք զետին գլորուեցին: Ունենալով ուժեղ դիրք՝ որոտը կրկնուեց մի քանի անգամ, խլելով պաշարողների սառաւ շարքերից զոհեր: Մի քանի ըուպէ ևս . . . և թուրք կատաժ խուժանը իրար վրայ թափ-թփուելով զիմեց փախուստի: Տրացանաւորը իր ծածկաւայրից դեռ էլի երկար նրանց լեւեւից շարունակեց իր գործը, մինչև փողոցը իսպառ մաքրուեց այլ վրր-փրոտած ամբօխից: „Ըհր, ձեր թարեղնի անիծիմ, դէ՛հ մի փախէք, էհ, վիրն իք ըռասաւ էկէ“: Տրացանաւորը Յուճօն էր, որին ամբօխի քրքիջ ուշքի բերեց, և նա դիրք մոնելով մօտակայ տան աւերակներում փրկեց պաշարուածներին անխուսափելի մահից և թերևս խայտառակութիւնից:

Մինչդեռ այլ ժամին քաղաքի շուկայում թուրք տարրը աչնպիսի չ'տեսնուած ու չ'լսած գաղանութիւններ էր գործ դնում իր ճանկը ընկած դժբախտ հայերի գլխին, որի մի առ մի նկարագրելը երբեք պատիւ չէ բերում մի ազգի, որը կոչւած է ազրելու և որը կապուած է ընդհանուր մարդկութեան հետ անխղիճ կապերով և նրա օղակներից մէկն է կապմուժ: Նրա կատարած մոլեղին սխրագործութիւնները աններելի է և այն

կառավարութեանը, որի հզօր հովանու ներքոյ իրականութեան հողի վրայ են դրուել այդ արիւնդուշտ ազգի նոյնքան արիւնոտ երեւակայութիւնները: Այն ինչ մենք և մեզ հետ շատերը, որոնք լուրջ ուսումնասիրած են թուրք ազգի հոգեբանութիւնը, կասեն, որ բաւական էր կառավարութեան մի անկեղծ սպառնական հայեացք, և հաղարաւոր թուրք փրփրոտած ամբոխը մկան ծակը մտած կ'լինէր և երբէք երեւան չէր բերիլ իր գազանային լի բռնկումներով հակումները, որին, զժախտաբար ականատես եղանք: Իրանք թուրքերն են այժմ ասում «մի կազակի անկեղծ ներկայութիւնն էլ բաւ էր սարսափ ազդելու մերոնց վրայ, բայց այդ չ'կար»: Սակայն, ցաւօք սրտի, պէտք է ասել, որ հայի համար անցել են վաղուց այն երջանիկ ժամանակները: Եւ այժմ նա զրեթէ տէր չէ համարուում ոչ իր անձի, ոչ իր սեփականութեան և ոչ իր պատուին:

Դառնանք զէպի մեր պատմութիւնը:

Թուրք փրփրոտած և խաժամուժ ամբոխը, ինչպէս շեշտեցի, նպատակ էր դրել նախ՝ որքան հնարաւոր է, կոտորել հայ մեծամեծներին, իշխաններին և հարուստներին, ապա թալանել նրանց ունեցածը: Եւ այսպէս, նրանց մի ստուար փոհմակ շրջապատեց քաղաքի առաջնակարգ հայի՝ Պ. Աբաւմեանի խանութը: Թուրք խաները և փոխգնդապետը ամենից առաջ այս բարեպաշտ հային էին համոզել ու երաշխաւորել, որ սա անպատճառ բաց անի իր խանութը, հաստատ իմանալով, որ նրան կ'հետեւեն տասնեակ ուրիշ վաճառականներ: Եւ իրօք այսպէս էլ եղել էր: Այժմ էլ այս միամիտ ծերունին էր ամենից առաջ զոհ գնում նրանց դաւադրութեան:

— Գեղ ասում ենք, բայց դուռը—ճշում էր թուրք մոլեգին ամբոխը:

— Իսէր Ալիին, 'ի սէր Մուհամէդին և վերջապէս 'իսէր մեզ ու մեզ ստեղծող Ալահին՝ ձեռք վերցրէք ինձանից. ջանմ, փող էք ուղղում, ահա՛ մեզ փող՝ երեք հազար միայն նաղդ ունեմ, եթէ դա քիչ է, ամբողջ խանութս մեզ կ'տամ, վէկսէլ կ'տամ, որ փաղը որքան ուզէք ստամ, միայն թէ խնայէք մեզ. ախր ինձանից ի՞նչ վատութիւն էք տեսել դուք, չէ՞ մեզ համար բարեխնամ հայր եմ

եղել, — հերսից նուազած ծաղնով աղերսում էր Աղամեանը:

— Քեաւթառ շուն, ասես չ'ասես, էդ բոլորը մերն է. ի՞նչի պիտի քեզ հիքան լինի, իսկ մեզ՝ ոչ:

— Այ դարդաշներ, խօս՛ չ'եմ գողացել, ճակատիս քրտինքով եմ փստակել, միթէ դուք չէք իմանում, որ կեանքումս մի ճանճ էլ կոխ տուած չ'կամ:

— Սուս, անգիտ, — աւելի զայտնացած գոռում էր ամբար, դուռը բաց:

— Երգուէցէք Այրի գլխով, բաց անեմ:

— Տօ շուն, դու մեր գլխի աէրը դարձար, որ երդում ես պահանջում. քեզ բան չ'ենք անում, մեզ փէսէդ Յովսէփն է պէտք, Թանգիովն օղլի:

— Իսէր Այահի, ինձ սպանէք, նրան՝ ոչ. նա ջահել է, կին-երեսաներ ունի, աղերսում էր դառնաղին ծաղնով Աղամեանը:

— Տօ քեօպակ, մեզ հենց ջահիլներն են պէտք. կնոջ համար դարդ մի արա. նրան տանելու ենք, մեզ հենց էնպիսի խանձներն են պէտք:

— Այ ամօղլիներ, որ էդպէս է, չ'եմ բաց անիլ, սոված ծարաւ էստեղ կ'մեռնեմ և ձեր ձեռքը չ'եմ ընկնիլ:

— Հա, լաւ . . . ճչաց խուժանը, հաչի, — դիմեց նա իրանց ղեկավարին — այրենք խանութը:

«Այրել» բառը մի սոսկում յառաջ բերեց թշուառ պաշարուածների վրայ, և նրանք փոքր ինչ յետոյ եկան այն եղրակացութեան, որ կամայ-ականայ պիտի դուռը բաց անեն, այդ պատճառով Աղամեանը շարունակեց:

— Այ քիրվաներ, միթէ դուք իմ աղ ու հացը չ'էք կերել, ի՞նչու էք էդպէս անում. խոստացէք մեզ աղաա թողնել, ես դուռը բաց անեմ, մանաւանդ, որ Յովսէփը էստեղ չէ, — Յովսէփին նա ուղեց պահել տախտակների տակ, ենթադրելով, որ քաղցած խուժանը ապրանքի վրայ կ'պրծնի և ձեռք չի տալ տախտակներին, իսկ Յովսէփը կ'աղասուի և գիշերը տուն կ'փախչի:

— Խոստանում ենք, դէհ, բաց, — աղաղակեց ամբարը:

— Հայրիկ, մի բաց, կ'խաբեն, ես էդ խարդախ շների հողին փաղուց եմ փորձել, — նկատեց Յովսէփը:

— Ա՛խ, ծեր աղուէս, բա է՞ք ու՛մ փսփսոցն է, ճչաց հա-
ին, — ա՛յ տղերք, հաւթ ածէք դռան վրայ:

— Ձէ, հաշի, լաւ կ'լինի շարդենք դուռը լոծով — ասաց
միւսը:

— Դէհ, լաւ... համածայնեց հաշին:

Սկսեցին դուռը շարդել: Դժբախտ Ադամեանը արտա-
սուքը աչքերին սկսեց աղօթել. սակալն Յովսէփը ըռպէական
լուսթիւնից յետոյ ձեռքը գրպանը ստորաւ և իր ատրճանակը
դուրս բերեց. «պիտի մեռնեմ մարդավայել մահով. իմ նախնիքը՝
Սիւնեաց քաջերը, ամեն անգամ այդպէս են դիմաւորել մահին
և այդպիսի մահով կնքել իրանց վախճանը,» — ասաց ու խա-
նութի փոքրիկ լուսամուտից պարպեց ատրճանակը դէպի ամ-
բոխը: «Վա՛յ, վա՛յ,» — աղմկուեց խուժանը և վայրկենաբար ցաք
ու ցրիւ եկաւ ու սկսեց փախչել, — ա՛յ, քո լիրբ հաւատն անի-
ծուի՝ հաշուն սպանեց, Ալաքպարն էլ վիրաւորուել է. աս,
անամօթներ, ո՛ւր էք փախչում, սրանից յետոյ մի՞թէ դրանց պի-
տի սալ թողնել, — կշտամբեց ամբոխին Մաշալին: Խուժանը
դարձեալ խռնուեց դռան մօտ և սկսեց շարդել դուռը: Ներ-
սից ատրճանակը դարձեալ որոտաց, դարձեալ հարուածը ան-
շեղ էր: Երկու ժամ այդպէս շարունակուեց անընդհատ կռիւը:
Բայց աւա՛ղ, Յովսէփի փամփուշտները վերջացաւ: Այս անգամ
նա խանութի արագին մուրճը ձեռքն առաւ և կանգնեց դը-
ռան մօտ: Մի քանի ըռպէից յետոյ դուռը խորտակուեց և կա-
տաղած ամբոխը ներս թափուեց: Առաջին մանողը դո՛ւ գնաց
մուրճի շեշտակի հարուածին: Երկրորդը՝ նոյնպէս, երրորդը՝ նոյն-
պէս: Տեսնելով բանն ինչու՞մն է, խուժանը գրո՛ւ տուեց և
միանգամայն նեքսւ և խուժեց: Դժբախտ երիտասարդը ընկաւ
այդ անհաւասար կռոււմ. ընկան և միւս երկու-երեք պրիկաշ-
չիկները: Ադամեանին դեռ չէին սպանել: Բոլորից յետոյ նրան
խանութի մէջ տեղը բերին:

— Քեզ, ինչպէս խոստացել ենք, չենք սպանելու, եթէ մի-
այն մեր պահանջը կատարես, նկատեց Մաշալին:

Ադամեանը լուռ էր:

— Ի՞նչու չես խօսում, կրկնեց իւր հարցը Մաշալին:

Դարձեալ նա լուռ մնաց:

— Ի՞նչու չես խօսում, դեռ լեզուդ չենք կտրել:

— Ախր էլ ինչ խօսեմ, ինչ ուզում էք արեք, մըմնչաց Աղամեանը, որին հետգհետէ սկսեց խօսեցնել Մաշալին:

— Մի վախիր, ոչինչ չենք անի, եթէ մեր պահանջը կատարես, որը ոչ թէ մեր պահանջն է, այլ մեր խանի:

— Ինչ է, ինձ համար այսուհետեւ բոլորը մէկ է, մեռնելը լաւ է:

— Սուս, հերիք է դուրս տաս. դու մի նամակ գրիր կնոջդ, որ նա վերցնի իր հետ իր երեխաներին, աղջիկներին և մեզ հետ զնայ խանի տունը. խանին միայն քո մարտ աղջիկդ է պէտք, իսկ մնացածներին անվորձ և անվտանգ կ'պահենք. քեզ էլ՝ նամակ գրելուց յետոյ կ'տանենք դարձեալ խանի տուն, ձերոնց ձօտ:

Աղամեանի տունը լինելով հայկական մասում, թուրքերը չէին կարող ապաշխարայ չարձակուել նրա վրայ, որպէս զի նրա գեղանի աղջկանը կորզէին, այլ դիմել էին այս միջոցին:

— Սրիկայ Մաշալի, եթէ մաս-մաս կտորելու էլ լինէք, նկատեց հաստատամիտ ծայնով Աղամեանը, — ես այսքանից յետոյ չեմ ցանկանայ, որ իմ ապականուած շունս էլ կեանք զրտնի այդ խանի յարկի տակին: Ես նզովում եմ մարդկային նզովքի անհուն դառնութեամբ և զղուանքով այդ խանի ալ ու հաջը, որ պատճառ դարձաւ այսքան անմեղ արիւնների: Ես քրիստոնէական անշեղ հաւատով զուշակում եմ, որ կգայ մի օր, մի ժամանակ, երբ նա իր պատճառաւ այս ծովարիւն-արտասուքի պատճառով պատասխան կըտայ երկնքի արդարադատութեան և իր արժանի պատիժը կ'ստանայ. այժմ այս քամբալդ աշխարհում, այս խարդախ, այս նենգամիտ լուսնի տակին, նրա համար պատիժ չկայ. նա ազատ է իր սխրագործութիւնների մէջ. նա կատարում է այն, ինչ նրան թելադրում են, ինչ նրան հրամայում են... նրա ծայնը բերանում մնաց՝ դաշոյնի անխնայ հարուածը բոպէաբար գետին թաւալեց նրան: Մահը վայրկենական էր:

Սրա վիճակին ենթարկուեցին եղբ. Խալաթեանները, որոնց խանութները կողոպտելուց յետոյ դիակները այրեցին: Այս-

պէս այդ օրը քաղաքում 50—56 տնմեղներ և ամբողջ հայկական շուկան զոհ գնացին թուրքերի զագանութիւններին:

Հետեւեալ օրը խանի մուստափէնը կայծակի տրագու-թեամբ թուան շրջակայքի թրքական զիւղերը աւելի խաւարածիւ թուրք զեղջուկին ոտքի կանգնեցնելու, որից յետոյ սկսուեց հայկական զիւղերի շարդը, պան-թալանը սոսկալի հրգեհներով և եկեղեցիների սրբապօծութիւններով, որոնք ժամանակին մանրամասն լոյս են տեսել մեր պարբերական մամուլի էջերում:

Յունոս տեսնելով քաղաքի բարբարոսական շարդը, անհամբեր սպասում էր գիշերուան, որ կարողանայ մի կերպ իրան գրցել իրանց զիւղը:

III

Գիշերային մթաշաղ խաւարը մերթ-մերթ փոփոխում էր իր սրտամաշ երեսը և լուսաւոր տեսք ստանում. երբեմն էլ այնքան էր թանձրանում, այնքան վիատեցուցիչ դառնում, որ կամայ-ականայ ամբողջ էութեամբ փշաքաղւում էիր ու սոսկումների, երերումների գիրկը ընկնում: Գիշերուայ այդ տագնապալից պահուն ոչ թէ ծաղիկի նման սև դարձով լի պանդուխտ կանայք, այլ նոյն իսկ աժդահա տղամարդիկն էլ չէին սիրտ անում դուրս մնալ և մանրազնին հետաքրքրութեամբ ուշքի առնել թէ՛ ինչ է կատարւում իրանց շուրջը և կամ դեռ ինչ է կատարուելու: Վաղուց, շատ վաղուց նախազգուշութեան ցտեկալի ոգին մրափել, մեռել էր մեր թշուառ զեղջուկի գիտակցութեան մէջ, և նա իր սեւաւոր ճակատագիրը, բաղդը գիտակից աչքերով տնօրինելու, որոշ հիմքերի վրայ դրնելու ընդունակութիւնից զրկուել էր: Պէտք էր մի ուժեղ հարւած, մի ուժեղ ցնցում, որ նա իր բնածին ինքնուրոյն թափով ոտքի կանգնէր և իր աւարեգրուած բաղդի զեկը իր ձեռքը առնէր և ըստ այնմ չափեր ու ծնէր իր հալածուած կամքը, իր բռնադատուած, ոտքի տակ տրուած և անսասան անզգայութեամբ ցեխերի մէջ շաղախուած դարաւոր իրա-

ւունքը: Եւ այժմ զանազան մթին ու չարոզի ինտրիգանների ստոր դաւադրութեամբ պատրաստուել էր այդ սնխնայ, այդ անսիրտ հարուածը, որը միանգամայն սթափեցրեց թէ մեր բրոնակալ հակառակորդներին և թէ մեզ, որ հայ ազգը այնքան էլ հեշտ կուլ տալու պատառ չէ: Դարեր էին կռել-կռփել այն աարաքաղզ ազգի ճկուն և դիմացկունութեան ոգին, որը այն սև ու մութ դարերի ընթացքում անցել էր մարդկային յոժից բարձր հալածանքի բովից և ճաշակել էր արիւն-արցունքով լի բաժակի զառնութեան լեղին: Պէտք էր պահուած մոխրի կոյտների տակից դուրս բերել ազգային ինքնազիտակցութեան դարերով սրբադործուած ոգին, որի համար քիչ եղան մեր ճառերն ու քարոզները, և այն արեց մեր ստորաքարը ոստիւր:

Եւ այսպէս, ահեղ փոթորիկը դիզուել էր համայն հայութեան գլխին, որին, աներկբայ եմ, գիտակից էր և կառավարութիւնը: Միայն ինքը, տարաբաղդ հայութիւնն էր անտեղեակ, միայն նա էր վստահ, որ Թաթարական, Լէնկ-թիմուրական արշաւանքները ու պան-թալանը անդարձ կորել էին:

Սակայն այսպէս չէր դժբաղդ Մաղիկը: Նա ասես զգում էր, որ օգուտ մի ինչ որ արաստովոր իրարանցում է աիրում. լուում են հազար ու մի շշուկներ, փսփսուկներ, լուիկ-մնչիկ պատրաստութիւններ, և այդ բոլորից նրա անարատ, նրա չքանաղ, բայց դարդով լի սիրտը փշաքաղուում էր ու տալն ու վրայ լինում: Նա այն վերան վաթանում շատ էր նման արիւնալի տեսարանների ականատես եղել. շատ էր նրա կարմիր հորիզոնում վիրաւորանքների ենթարկուել նրա կանացի թոյլ ու նուզանքով լի սիրտը. շատ էր նա արիւն արտասուք քամել իւր սևորակ աչերից և այժմ նա, ասացի, փշաքաղուում էր, երբ զգում էր, որ միևնոյն ծով, միևնոյն անտակ վիշտը, ցաւոտ իրականութիւնը պիտի կրկնուէր և այստեղ: Էլ ի՞նչու թողեցին հայրենի այն նուիրական վայրերը, էլ ի՞նչու անարդուած անտէրութեան մասնեցին հայրենի երկրի դարաւոր օջախը, երբ այստեղ էլ մի հզօր քրիստոնէայ զահակալի նոյնքան հզօր հովանու տակ պիտի նոյն արիւնը, նոյն ցաւ ու տանջանքը, վիշտ ու տառապանքը և պատուի անարգանքը կրկնուէին: Այսպիսի պարագաներում անհատի սիրտը լցւում է աննկարագրելի միզառնութեամբ և կամաց-կամաց փնտռում է իր նման մէկին, որ-

պէսզի բաժանի նրա հետ իր չարքաշ մտատանջութիւնները: Բայց մի՞թէ զիշերուայ այն պահուն այդ բաղդից հալածուածը կարող էր իր նման մէկին գտնել ու խօսել նրա հետ: Եւ մե-
նակութիւնը ճշող էր ու սոսկալի: Յաճախ լինում էին նոյն
իսկ այնպիսի բոպէներ, որ նա ախ ու վախով էր նայում իր
շուրջը: Վերջապէս, սարսափով լցուած մօրը այդ անել զրու-
թիւնից, այդ սաղտկալի անհարութիւնից դուրս բերեց նրա
Ումըշատը. նա զարթնեց, ծիծ էր ուղղում: Սիրելի զաւակի
քաղցրիկ ճիւղը ցրեց մօր ուղեղից այն սև մշուշը, որի սառ
նա տանջւում էր: Նա ամեն բան մոռացաւ և սկսեց գուրել
գուրգուրել իր սիրուն զաւակին և ծիծ տալ: Ծիծ ուտելուց
յետոյ, նա չքնեց, խեղճ մայրն էլ հէնց այդ էր ուղղում. նա իս-
կոյն հազգրեց իր աննման զաւակի շորերը և սկսեց զբաղուել
նրանով: Որդու իւրաքանչիւր ճիւղը, ուրախ ծիծաղը որքանու-
րախութիւն էր սփռում դարպաս մօր սրտի վրայ, նոյնքան ա-
ւելի ցաւ էր պատճառում նրան. չէ՞ որ որդու ներկայութիւ-
նը յիշեցնում էր նրան իր թառլան, իր բէմուրազ ամուսնուն,
որին նա հայրենի երկրի նահապետական պարզ սիրով սիրել ու
առել էր: Այո՛, այդ որդին շատ բան էր դժբաղդ մօր համար.
երբ նրան տեսնում էր, ասացի, որ նրա կրակաւ յիշողութեան
մէջ պատկերանում էր իր սրտի պաշտած «եարը» իր առնական
տեսքով, որի հետ և շաղկապուած էր նրա անուշ հոգ ու ջու-
րը, հայրենի դրախտանման սար ու ծորը, իրանց հմայիչ, իրանց
աննման երկինք-գետինով. մի խօսքով, նրա ներկայութիւնը յի-
շեցնում էր նրա սգով լի արիւնով տուն-տեղը՝ Բուլանխը. էլ
ի՞նչ կայ անհատի համար այնքան պաշտելի, քան սիրած «եարը»
և հայրենի-երկիրը: Եւ այն երկու բարոյական բարձր գոացմունք-
ների ներկայութիւնը նա տեսնում էր իր փորձիկ Ումըշատի
մէջ: Չկար այժմ իրբէզի նման կորած «եարը», չկար և իւր սե-
ւաւոր Վաթանը: Չէ՞ որ ամեն անգամ երբ նա յիշում էր Բու-
լանխը, անցած կեանքի նուիրական պատկերների մի անսպասելի
օդակ շարան-շարան զալիս էին ու անցնում նրա փորվուռ ե-
րեւակայութեան մէջ: Էլ ի՞նչեր չէր տեսնում այդտեղ թշուառ
կինը, անդարդ անմեղ իր մանկութիւնը, երբ ինքը գառների

չեստին սիգսւէտ, հազար ու մի բուրմունքով լի ծփացող հովիտն էր անապարտւած ու թռչում-թռչկոտում նրանց յետեից, տպա խմբական խաղեր սարքում իր ընկերուհիներէ հետ:

Ո՛րքան քաղցր ժամեր էին դրանք...

Կամ, երբ կուժն ուսին, ինքը շրի էր գնում, հաւատացած լինելով, որ «նրան» անպատճառ աղբիւրի գլխին մարաղ մտած կրտեսնի. էլ ի՞նչ հոգեկան խորունկ բերկրութեան հովերով չէր բուրում չէր համակուած նրա կուսական չքնաղ սիրտը և կամ ի՞նչ գերադոյն կրակով չէր տապակւում, չէր այրւում-խորովւում նրա նաղելի էութիւնը... Մէխ, որքա՛ն երջանիկ ժամեր էին... Եւ կամ Բուլանխի այն նահապետական հարսանիքը, երբ ինքը զուգուած, զարդարուած Գեօնդի մէջ պարում էր ու աչքի տակով թամաշ անում, թէ «նա» ի՞նչպէս է շրինդ տալիս, զլուխ-կօնծի կանգնում ծիան վրայ և այդ բոլորը դարձեալ իր սիրու համար:

Այժմ ո՛ւր են այն բոլորը...

Անցեալի նուիրական պատկերները որքան էլ գողտրիկ օրօրներով ու շնչով են բուրում, դարձեալ նրանք մի ինքնուրոյն հիասթափութեան ու դառնութեան են մատնում անհատին, երբ նա չիշում է այդ բոլորը:

Այսպէս էր և Մաղիկը: Նա տխրեց և թախծոտ լի մաղծը իր խռովայոյզ նաւի վրայ նրան շատ հեռու տարաւ, ուր նրա սիրտը իր ամբողջ էութեամբ պէկոծւում էր և մրրկածովի շառաչիւն արձակում: Եւ նա ակամայից սկսեց դնդնալ Բուլանխի իր մանկութեան երգերից.

Երկինքն ամպելա ամպով,

Եարիս թաղել եմ ճամբով,

Չմեռայ քեզի յապով,

Ումրօ, լուրիկ, գառմ լուրիկ...

Ումրչաղը ակնապիշ եղած ասէս հասկանում էր բառ առ բառ մօր երգը: Տեսնելով Ումրչաղի այդ դրութիւնը, Մաղիկը մէկ խօսում էր որդու հետ, մէկ իր երգն էր երգում:

«Բա՛, Ումրօ շան, ի՞մ ումր ու արեւ քղի յապովա, լաօ, ի՞մ խոզի»:

Որդին ծիծաղեց:

Մայրը շարունակեց,

Բուլանխ ծուխ ու մուխ էր.

Իմ սիրածը շատ թուխ էր.

Սպասոս, մահը կանուխ էր...

Ումբո լորիկ, ջանմ լուրիկ...

Ընկայ չօլէջօլ սէյրան,

Պատուեցի հազիս դէյրան

Ես ու էն քզի հէյրան,

Ումբո լուրիկ, դառմ լուրիկ, ջանմ լուրիկ...

«Ախ, լաս, Ումբո ջան, հա, հա, բալայ, ես ու էն, էն սեւաբաղդ հէրդ, քզի ղուրբան, քզի հէյրան: Օր դու չիղնէր, ես մկայ շուտուց էնք մեռեր»:

Որդին լուռ էր, թուում էր, թէ նա ղղոււմ էր դժբաղդ մօր հողեկան դրութիւնը և թախծոտ աչքերով նայում էր նրան:

«Այ, էն ջանիդ մեռնիմ, կ'սիս թէ կրխասկնայ, թէ ինչ կսիմ»:

Ումբո, լաս, ջօջացիր,

Մօրդ դարդեր հասկըցիր,

Սրտիս եարէն իմացիր,

Դարդիս դարման, լաս, ցաւիս դարման, Ումբո, լուրիկ...

Դժբաղդ այրին սկսեց հեկեկալ. արտասուքը լուռթեամբ ղլորուում էր նրա սեռրակ աչքերից, որոնց պղտոր տեսքը արտայայտում էր նրա հողու անհուն տաղնապը և խռով դրութիւնը: Այդ ըոպէին նրա փոքրիկը լիշեցնում էր նրան շատ բան, հետեւապէս և նա դառնութեամբ լցուած, իր ալեծուփ նաւի վրայ գնում էր հեռու, շատ հեռու: Սակայն այն անորոշ դրութիւնը տեղական չէր, հէնց այդ որդու իւրաքանչիւր հայեացքը, շարժուածքը լցնում էր նրա սիրտը անսահման բերկրութեամբ, ուր նա տեսնում էր իր միակ մխիթարութիւնը: Նա սիրող մայր էր: Նա կռացաւ, ջերմազին շրթունքներով համբուրեց որդուն, ապա շարունակեց իր երգը, իր լուրիկը.

Էրնէկ, լաս, էն օրուան,

Քեզի բերի մեր թովլան,

Ուտեցուցի տաք շորուան
 Ումբո, լուրիկ, գառօ, լուրիկ...
 Ի՞նչ եղան էն օրեր՝
 Սրտիս սաւգէնա կորել,
 Սիրտս էրիր սե հորել.
 Ումբո, լուրիկ, ջանօ լուրիկ...
 Ե՞րբ կիգայ էն դարուն,
 Էլիկս տեսնիմ անարուն,
 Ծաղկով ծաղկած դարարուն,
 Ումբո, լուրիկ, գառմ լուրիկ...

Յանկարծ հարկւրաւոր հրացանների որոտը ընդհատեց թըշ-
 ւառ կնոջ ծայնը, և նա սարսափահար եղած՝ ոտքի թռաւ և
 որդուն ամուր գրկած՝ շանթահար եղածի նման մի քանի բուպէ
 ֆնայ անշարժ կանգնած: Հրացանները շարունակեցին անընդ-
 հատ որոտալ, և հազարաւոր գոռում-գոչիւնների, լայց ու ա-
 զաղակի ծայները թնդացրին օդը իրանց դառնադին սուգ ու
 շիւանով:

Մէկը ճշում էր. «վա՛յ, էրեցին»։ միւսը «վա՛յ, վա՛յ, աղչ-
 կաս տարան»։ Երրորդը՝ «աման, մի՛ մորթէք, մի՛ սպանէք»:
 Այդ ընդհանուր խառնաշփոթութեան մէջ մերթ-մերթ լսուած
 էր թրքական խաւար ամբոխի ռգւորիչ աղաղակը՝ «Եա Ալիիի...»
 Վերջին բաղձածայն կոչը ասես պարզեց Ծաղկան թէ՛ բանը
 ինչումն է, և նա իւր Ումբշադին ամուր կպցրած կրծքից դուրս
 թռաւ, որ ինչպէս և ինի իրան հասցնէ քաւոր Ղզրօյենց տունը:

Դեռ նա բապի դռան չհասած՝ «բում», լսուեց հրացանի
 որոտը, և տարաբաղդ կիներ, ստանալով մահացու վէրք գլխից,
 վայրկենաբար փռուեց գետին: Փոքրիկ Ումբշադը մի սուր ճիչ
 արծակեց ու լռեց. նա ամուր բռնել էր մօր պարանոցը և
 պոկ չէր գալիս...

Փոքր ինչ յետոյ, ողջ գիւղը հրդեհի մէջ էր: Բնակիչները,
 որը սպանուեց, որը փակուած ֆնայով իր սեւաւոր յարկի տա-
 կին՝ կրակի ճարակ դարձաւ, որը մի կերպ փախաւ և ապագան
 գտաւ մեր հարկան բաղձամարդ հայ Շ... գիւղում, որից յետոյ
 ալան-թալանը իր սոսկալի գոյնով շարունակուեց:

Մի բանի ժամից յետոյ, այդ շէն գիւղը ներկայացնում էր աւերակների և կրակի մի ահուելի կոյտ:

Կեանք ասած բանը այլևս զոյուլթիւն չունէր այնտեղ:

IV.

Մարդկային անիրաւութիւններով յղփացած լուսինը մերթափի դուրս էր բերում իր վախլուկ երեսը խոժոռած սև-սև թուղպերի շերտերի արանքից, անփոյթ աչքերով դիտում այն ամեն չարիքը և արիւնոտ պատկերները, որոնք անխնայ բռնել էին մեր սար ու դաշար, ապա նոյնքան ցաւոտ ցոլքերով խորասուզում ամպերի թանձրութեան մէջ, որից յետոյ դարձեալ անվերժանելի աղշամուղշը իր գիրկն էր առնում մեր տնքացող, մեր արիւնլուտ սար ու ձորը: Ոչ մի ծայն, ոչ մի ծպտուն չէր խանդարում խաւարի դաժան իշխանութիւնը, որը ասես ծրգտում էր աննշմարելի պահել զթոտ հայեացքից մարդկային եղեռնագործութիւնների այդ չարաշուք տեսարանները: Բայց և այնպէս, եթէ անցնէինք դէպի մեր քաղաքը տանող խորդ ու բորդ ճանապարհը, անշուշտ կարող կրլինէինք նկատել, որ այնտեղ մի մարդ խորունկ վշտի խոցերով լցուած՝ պաշտպանելով տանջանքների և հազար ու մի փորձութիւնների մէջ եփուած մարդի անվիճելի զգուշութիւններ, լուռ շարունակում էր ճանապարհը դէպի մեր գիւղը: Որքան նա մերձենում էր մեր գիւղին, այնքան նրա զէմքը ծածկւում էր դարդլու մարդի ցաւոտ կնճիռներով: Ահա՛ նա մօտեցաւ գիւղի կալերին, որոնք գիւղերում յանախ ընկած են լինում ծայրերից էլ զրեթէ փոքր ինչ հեռու, և յանկարծ շանթահար եղածի նման կանգնեց. մի ինչ որ մանկան ծայն գիշերուտայ այդ պահուն աւելի քան գրաւեց նրա ուշադրութիւնը:

Գիւղի ընդհանուր տեսքը, որը աակաւին ծխում էր կրակի մէջ, այնքան երերող ցնցումներ յառաջ չբերեց նրա կրծքում, որքան այդ ծայնը: Ծխացող գիւղի և այդ մանկան դառնադին ճիւղ տարբեր տեղեր ունէին բռնած նրա ապառաժ կրծքում:

Մանկան ճիշդ կրում էր իր մէջ այն նուիրական զգացմունքը, որը յատուկ է հարազատ սրտերին. իսկ գիւղի սեւացած, խանձուած ու հրդեհուած պատկերը բորբոքում էր նրա վառ հայրենասիրութիւնը և վրէժ պահանջում:

Որքան վերջինն էր այնչոժում նրա ողջ էութիւնը և խրուով զրութեան մէջ դնում, այնքան հզօր թափով առաջին զգացմունքն էր սեւացնում նրա վիրաւոր սիրտը: Այստեղ նրան կանչում էր օգնութեան ընկած ու թոյլ հարազատի ճիշդ, իսկ այնտեղ անարգուած հայրենի հողի ածխացած և խամրած երեսը:

Երկար նա կանգ առաւ. թւում էր, թէ նա ճիգեր էր թափում հէնց այստեղ ստուգելու, թէ արդեօք այն աղիողորմ ճիշդ իրան այնքան ծանօթ ու պաշտելի մանկանն է, թէ մի ուրիշի: Վերջապէս, կասես նա մի բան որոշեց և. մի սուր ոստիւնով շարժուեց գէպի սուռը: Այժմ նրա յուսած, սպասուած, նրա անչափ ու կշիռ փութկոտութիւնը պարզ ստում էին, որ նա կորցրեց մինչև այդտեղ գործ դրած զգուշութիւնը և ջրնորուածի նման թռաւ մեր գիւղի այնքան ծուռ ու մուռ փողոցներով, ուր բիւրաւոր սրտամաշ անսարաններ կային՝ այրուած մոխրի կոյտեր դառած աներ, իրանց շէմքի վրայ մորթոտուած խանձուած դիակներ ոչ մի սթափեցուցիչ տպաւորութիւն չէին թողնում նրա վրայ:

Վերջապէս նա կանգ առաւ այն տան դռան, ուր ապրում էր Բուլանխիցի Յունօն: Լացող, հառաչող մանկան ճիշդ լսում էր այն տան բաղից, որը միակ կենդանի մահկանացուն էր այժմ այդ սեւաբաղդ գիւղում, որը գիշերուայ այդ ժամին ասես սգում էր մեր երկրին հասած ծով վիշաք:

Լուսինը տակաւին շարունակում էր իր հապճեպ ընթացքը: Ահա՛ նա կասես դիտմամբ դուրս եկաւ դարձեալ ամպերի թանձրութիւնից, և անծանօթի աչքերին երևաց հետևեալ տղեսարշ տեսարանը՝ ողջ տունը դեռ ծխում էր կրակի մէջ և կործանուած էր. իսկ բազի ուղիղ մէջտեղ ընկած էր վերքերով լի և արիւնով ներկուած կանացի մի դիակ, որի կրծքին ընկել էր լացող մանուկը, որը և ճչում էր, և ծծում էր

աչն կարծիր հեղուկը, որ ծոր-ծոր թափւում էր նրա վերքերից:

Անծանօթը քար կտրածի նման տեսաւ այդ ամենը, ապա յանկարծ նրա լեզուի կապանքները արծակուեցին, և նա «Մաղօ, լաօ» ճչաց ու ընկաւ դժբաղիւ գիակի վրայ:

Սարսափահար եղած մանուկը վայրկենաբար դադարեց լաց լինելուց և անդդող աչքերով ոտից մինչև գլուխը նայեց անծանօթին: Նա ճանաչեց իր թշուառ պապին և նրա պարանոցովը փարուեց «պա», «բի», «հու» մոմոսլով:

Ուշաթափուած պապին ուշքի եկաւ, հարազատի քնքշութեամբ գրկեց իր մատաղ թոռան և երկա՛ր-երկա՛ր համբուրեց նրա երեսը. սակայն յանկարծ զարհուրածի նման մնաց ապշած՝ նա իր աչքերին չէր հաւատում. մանկան, իր սիրելի Ումբոյի քիթ ու պոօշը ողջ արեան մէջ էր: Նա փոքր ինչ մանրազրնէին նայելուց յետոյ համոզուեց, որ թոռը վիրաւորւած չէ. բայց երբ անսաւ խեղճուկ Մաղկայ կուրծքը, իր տմբոզ էութեամբ սարսեց, նրա ծծերի պտուկները կարած էին, որից տակաւին թափւում էր կարմիր աղիւն, որը քիչ առաջ ծծում էր անբաղդ մանուկը, որից և կարծեւ էր նրա զէմքը:

Զայրոյթի դառն կրակով լցուած՝ այդ եղկելի պապին թոռան գէպի երկինք բարձրացրեց և մի խորհրդաւոր ու մի հառաչող ծայնով աղաղակեց.

«Երկինք, քար, կռապաշտ, ապառաժ երկինք, էլ յնչի սաղ կրմնաս, չքս փլիլ. ի՞նչես տուիլ զիս, չքս կռնաս առնիս: Էնտեղ, էն վերան երկիր դու արուն ու վարամ կերցուցիր մղի, փախանք, օր պրծնինք քու արնխում ճանկերուց, հմա էլի չարայ չ'եղաւ: Երկինք անիրաւ երկինք, կորսուցինք թագ, պսակ, կորսուցինք տուն-տեղ, կնիկ-ճիժ, արուն-աղրաբայ, մէկ գլօխ դնելու տեղ լէ խիանաթ կէնիս: Մըր ուտածն ա արուն, մեր խազածը՝ սև, մըր կողինքը չոր գետին, էլ ի՞նչ կուզիս, դու հըլա բօլ չեղաւ, անգութ, անխիղճ երկինք»...

Յետոյ ոտքի ելաւ, ման եկաւ աւերուած տան շուրջը, գտաւ բահր, բազի պատի տակին մի խոր փոս փորեց, ուր և դրեց սևաբաղդ Մաղկայ մարմինը, ապա Ումբոյին կռացրեց

մօր կրծքին ու նկատեց նրան այնպէս, որպէս թէ նա բան է հասկանում:

«Տես, լաօ, դքու մօր պատուկները անօրէնները կտրած տարած են յուրանց ջօշերուն շանց տալու խմար. թրխ ես Բուլանխի Յունօն չեղնիմ, որ մէկին տաս հալիֆս չհանիմ. էն վախտ տէս քդի ինչ կիտամ փէշքաշ: Դու էլ ուխտ երա, լաշ, թէ իմ թողնիս»... Ասեց և թաղեց հարսի մարմինը: Յետոյ շալակեց թողան ու ընկաւ ճանապարհ:

Հետեւեալ առաւօտ նա Սահունու մօտ էր:

«Տես, պ. Սահունի¹⁾, իդա գիմ թողնա, շները զիտոր մօրը սպանածին, պատուկներ լէ կտրած տարածին իրանց ջօշերուն փէշքէշ: Դու զիտոր պաի պահիս, խնամիս, չուրի ես քէնս առնիմ: Թէ կրմեռնիմ, թէ զիս կսպանին, դու էղնիս քու ճրժերու արեւ-Աստուածը, զիտոր պաի ջօշըցուս ուրսիս թէ՛ յնչի մեռայ: Ես կորած, ցրուած ընկերներ ունիմ, պաի գանիմ ու էլման մըր յառչուայ փէշաք բանցունք: Մէկն օր՝ Դարբնինց Սահրաւը²⁾ յուգա եա: Մնացածին լէ կըգանիմ»...

Ասաց, թողան համբուրեց ու գուրս եկաւ:

V.

Անցաւ վեց ամիս:

Սիւնեաց լեռների մէկի զազաթին հանգստանում էին մի խումբ մարդիկ, որոնք բոլորն էլ սպառազինուած էին և խորունկ հետաքրքրութեամբ յառել էին իրանց հայեացքը դէպի Գ. տանող ճանապարհը, ուր հաղիւ-հաղ նշմարւում էր մի հասիկ ճանապարհորդ, որը դէպի լերան զազաթը, դէպի խումբն էր ընթանում:

— Տղերք, եկողը կասես Մկօն լինի:

— Ձէ, Սահրաւ, Մկօն զիդայ տեղրանք ի՞նչ կշինա, ես գէնոր թողուցի էրկիրը:

1) 2) Տես իմ յօդ. 1906 թ. «Լումայի» մէջ:

— Մկօն է, Յունօ, թէ՛ և դու շատ անգամ պարծենում ես քո բոլանխցու հեռատեսութեամբ, բայց ես հաստատ քեզ ասում եմ, որ Մկօն է,—նկատեց Սահրատը:

— Ենի, ի՛նչ ըսի՞մ, դրուստ կրսիս թէ՛ Մկօն եղնի:

Մինչ սրանք այսպէս խօսում էին, ճանապարհորդը մօտեցաւ նրանց այնքան, որ բոլորն էլ ճանաչեցին իրանց նախկին ընկերին, և նստողներից մէկը վազեց ընդառաջ՝ աւելի շուտ զրկելու իր հայրենակցին:

— Տօ, բարեւ, Մկօ,—ասաց նա,—երկրէն կուգա՞ս:

— Խա վաղա, օղորմի քեօ խէր:

— Ի՛նչ կայ, ի՛նչ չկայ, Մկօ, դրուստ՝ մըր ջօջ եղ կըմնա՞յ:

— Խատաւ:

— Յօրի:

— Քեար կըքաշին վրը քո պապուն, քեար ոտ կօտեց, խատաւ:

— Եա՛, զի՞մ պապ մեռա՞ւ:

— Վեց շաբաթ ինչ, քեօ խէր:

— Եա՛, զի՞մ խէրն էլ մեռա՞ւ:

— Յեապա քեօ մօր կսկի՞ծ զինոր սպանեց:

— Եա՛, զի՞մ մէրն էլ մեռա՞ւ:

— Երկու շաբաթ, ինչ քեու աղբրտիք:

— Տօ, աղբրտինքս էլ մեռա՞ն, տալ ի՞մ տուն ախօլաւ:

— Ախօլաւ չը՞մ գինայ, Սըր Կարապետ, չի՛նչ կրսիս, հա՛մա ես գալուն ծեր տան տեղ կոնափի արտեր...

— Տօ հէրիք է դպտարկաբանութեամբ պարապէք. դրանք թաղա խաբարներ չեն արիւնոտ երկրից. թող Մկօն գա՛, տեսնենք ի՛նչ հալի է,—նկատեց Սահրատը:

Մկօն եկաւ և բոլոր ընկերներին բարեկեց չետոյ, յայտնեց նրանց իր ուրախութիւնը, որ լաւ ժամանակ է հասել:

— Տօ՛ աղբէր, ըսի մըր քամբախ էրկիրը դժոխքա, կորի՞մ ըռատ եղնի՞մ. հմա հոս դհա դէշա դարծել: Յէրիկ հասայ Սահունու մօտ, էն զիս հասկցուց ծեր ո՛ւր էղնելը, ես լէ ճամպա ընկայ: Մկայ փա՛ռք Ասու, յօր գտայ զձզի սաղսալամաթ:

— Զէ, չէ ուշ ես հասել Մկօ,—նկատեց նրան Սահրատը:

— Ինչ որ սա, Սահրատ, լաւ վախտա էկել, կրսիս Սա-
տուած ճամպած էղնի՝ զիդա շաբաթ մի կեղնի, ցեցը մտերա
զիս, կսիս թէ կրբրդա՛յ, թէ՛ «գնա՛ Ումրոյիդ տես»։ Սրբ Կա-
րապի լաւ վախտ ա հասել՝ էդ թը՛ղ ֆնա՛ զիմ տեղ, ես խը-
լըսուն կէթամ Սահունու մօտ Ումրոյիս տեսնելու և զծղի թա-
զալ խաբարներ բերելու։ Հոն մէկ օրից յէվէլ չըմ ֆնայ։

— Շատ լաւ, Յունօ, որ էգքան ուզում ես, գնա։

— Հա՛, դու բբանիմ գըղի։

Միւս օր երեկոյեան Յունոն Սահունու մօտն էր։ Նա եր-
կար նրա հետ առանձնացած խօսեց, մինչև Ումրչատը զարթ-
նեց, ապա նա իր վթոտ ձեռքերով գրկեց, համբուրեց նրան և
մի խորհրդաւոր լռութեամբ դուրս բերեց գրպանից մի «տէր
ողորմեա»։

Սահունին ֆնաց քարացած՝ «տէր ողորմեան» իր ողջ հա-
տիկներով կաղձուած էր մարդկային պտուկներից, որոնք մի ա-
ռանձնակի խնամքով չորացրած և ինքնուրոյն ձև էին ստացած։

Սահունին քար կտրածի նման դիտում էր, թէ ի՛նչ է ա-
նում լուսահատ վրէժխնդրութեամբ լցուած ծերուկը։ Նա այդ
«տէր ողորմեան» մի ուրոյն ձևով գցեց թոռան պարանոցով ու
արտասուտթոր աչքերով նկատեց։

— Լաօ, Ումրօ, իմ խողի, անօրէնները զիս գազան դար-
ծուցին, հմա զիմ գազանութէնը ընդոնցի չափը չէ՛ ես կտրել
իմ զէնոնց էն ազամարդոց պտուկները, որոնք տնմեղ մարդկանց
խեղճերի, թոյլերի անմեղ արուն կըթափէին. ես կտրել եմ էն
շներու անօրէն պտուկները, որոնք մայրերի, կնիկների էին սպա-
նում, ու ճժերուն առանց ծծի թողնում. քղի լէ, լաօ, առանց
ծծի թողին, հմա, տե՛ս քղի ի՛նչ յիշելիք եմ բերի էդ սև օրե-
րից. շատ զին, դուհիս 54 խատա. հմա քանի Յունօն չմտե գե-
րեզման, էս ճամպի թարդ չիտայ. մեղքը առչի էրողի խողուն
էղնի։


Խոստացի՛ր, լաօ, դու էլ պապուդ ճամպով էթաս, թէ
չէ անէծք ու նղովք կրկարդամ։ Քանի սաղիս, լաօ, զիդա «չի-
շելիքը» չափտի վղիցդ խանիս. էդտեղ մի լեղայ նաղ պատ-
մութէն կայ հայի սև օրերից. անտէր խայի սաղ վիճակնա էդ-

տեղ: Զէդ մըր ներկան է և անցեալը, տեսնանք ապագան ինչազ կէզնի: Էս պատուէրներս դռնիս շատ վախտ կունենամ քզի ըսելու, հլա ջօջիւր, լտօ»—Ասաց ու խեղսուած ծաշնով դուրս ելաւ իր սրտի դառնութիւնը, մաղծը թափելու, որը կրակի նման այրում էր նրա ամբողջ հոլթիւնը:

Սահունին սառածի, շշմածի նման երկա՛ր-երկա՛ւ ոչինչ չէր խօսում. միայն, երբ ծերունին դուրս դնաց, հազիւ կարողացաւ մռմռալ.

«Խոտորնակին խոտորնակ»:

ԽԱՆ-ՉԱԴԻ



ԹԱԳԱԽՈՐԸ ՊԵՏՔ Է ՃԱՆԱԶԷ ԲԱՐԵ- ԿԱՄՆ ՈՒ ԹՇՆԱՄԻՆ

Ս Ա Ա Դ Ի Ի

Մի օր Դարեհը երբ գնաց որսի,
Բանակից հեռու մնաց մեկուսի.
Դէմն ելաւ նախորդն յանկարծ փախն ի փախ
Ասաց Դարեհը սրտումն ահ ու վախ.
Էս եկողն անշուշտ թշնամի է ինձ,
Նետս հանեմ իսկոյն ու խփեմ կրծքից.
Ու լարեց թէ չէ արքունի աղեղն,
Ահից չքացաւ ինքն էլ տեղն ու տեղ:
(Ամայի դաշտում թշնամուց վախիւր.
Անփուշ վարդն եկ մեր ծաղկոցից քաղիւր.)
Հովիւն արձակեց սրտանց աղաղակ,
Թէ չեմ թշնամի,—մի ջնջիր իմ կեանք:
Ասաց. «Ո՛վ արքայդ Իրան Թուրանի,
Որ այդքան վատ ես ինձ մտիկ տալի,
Այստեղ ես Շահիդ ձիերն եմ պահում,
Անգործ, անզբաղ զուր չեմ թափառում»:
Սրտաբեկ արքան սիրտ առաւ կրկին,
Ժպտաց ու ասաց. «Ո՛րդեակ իմ անգին,
Երկնուց հրեշտակն եղաւ քեզ սատար,
Որ հէք գլուխդ չեղաւ նետահար»:
Զիապանն ասաց սիրալիւր ժպտով.
«Թոյլ տուր՝ Տէր արքայ, որ անկեղծ սրտով
Ասեմ քեզ որն է կարգը մեծութեան,—
Ճանաչել փոքրին՝ արդեօք ո՞վ է այն:

Թագաւոր ասածդ պէտք է որ ճանչէ,
 Թէ ո՞ւմ բարեկամ ում ոսոխ կանչէ,
 Այսքան ժամանակ քեզ ծառայում եմ,
 Ամեն հրամանդ ես կատարում եմ,
 Այժմ էլ ընդ առաջ եկայ քո սիրուն,
 Իսկ դու դէպի ինձ սլաքդ ես սրում:
 Ես պահում եմ, Տէ՛ր, մեր հարիւր հազար,
 Ձիերի ամբողջ հաշիւն անվթար.
 Թէ ինձ պէս հովին հարկ է խելք ու միտ,
 Ո՞րքան աւելի քեզ, հովապետիդ»:

Դարեհն երբ հովից լսեց այս խրատ,
 Կարմրեց, թէն շոայլեց դրուատ.
 Ապա դառնալով մտածեց ինքնին,
 «Դրեմ այս խրատն իմ սրտի խորքին.
 Անկումից գատ ինձ չկայ ուրիշ ելք,
 Երբ հովուի չափ էլ չունիմ միտք ու խելք:
 Ե՞րբ եմ ես լսել բողոք, աղաղակ,
 Մինչ բարձրում է գահս որպէս Երևակ.
 Այնպէս պառկիր, որ լացն աղանջդ հասնի,
 Երբ հպատակներդ գան դատաստանի:
 Երբ կան զրկողներ իմ սահմանից ներս,
 Նոյնն է թէ լինիմ զրկողը միշտ ես:
 Թէ չը լինէին տգէտ շանտէրեր,
 Ձէր հաջիլ, անցորդ, շունն երեսդ ի վեր:
 Կեցցէս դու, Սաադի, անվախ խօսքի տէր,
 Բաց պահիր սուրբդ ձեռումդ անվեհեր,
 Այն ասա, ինչ որ կարծում ես արդար,—
 Ոչ կաշառ կեր դու, ոչ էլ տուր կաշառ:

Դեռ ուժեղ բազկի համս առած չէի,
 Տկարների սիրտն ես կը տանջէի.
 Կերայ մի բռունց ուժեղի ձեռից,
 Է՛լ ոյժ չտեսաւ տկարն իմ ձեռից:

Պարսկ. Թարգմ.

Մ. Վ. Մարտոտեան.

ՏԷՐ-ԳԱՐՐԻԷԼ

ՊԱՏԿԱՆԵԱՆՑԸ⁴⁾

Գլուխ Ա.

Տէր-Գարրիէլը ծնուել է 1802 թուի փետրուարի 26-ին Թիֆլիզում, որտեղ նորա հայրը Սերովբէ Պատկանեանցը ապրում էր իւր կնոջ Մարիամի և զոքանչ Թամարի հետ: Պատկանեանց ընտանիքը Պոլսեցի էր և իւր հայրենի քաղաքում կոչւում էր տանկական բառով «Մինասիբ», որի Թարգմանութիւնն է Պատկանեանց աղբանուէր: Սերովբէի պապը Տէր-Գարրիէլը և նորա հայրը Տէր-Պետրոսը քահանայ էին Պոլսի հայաշատ Ղաթիթիա թաղի եկեղեցում²⁾: Տէր-Գարրիէլ աւագ քահանայի օջախը յայտնի էր ամենին, զա մի չայ նահապետական ընտանիք էր շատ հիւրասէր և դոնաբաց և վայելում էր ամենքի սէրն ու յարգանքը: Ամենքի առաջ բաց էին այդ «օրհնեալ օջախի» զրօնները, նա ժանաւանդ աղքատների և օտարականների, չենք խօսում արդէն Պոլսի վերայից Երուսաղէմ, չնդկաստան և ուրիշ տեղեր անցնող, գնացող-եկող նշանաւոր հայերի: Եփրեմ կաթուղիկոսը դեռ իւր արքեպիսկոպոս եղած ժամանակ չնդկաստանի նուիրակութիւնից վերադառնալիս, գտնում է մեծ հիւրասիրութիւն Տէր-Գարրիէլի տանը և ծանօթանում է այդ ընտանիքի անդամների հետ: Ներսէս Աշտարակեցին իւր պատանեկութեան օրերում, երբ դեռ ուսանում էր Թագւոր վարժապետի դպրոցում, ընդունւում է իբրեւ հարազատ որդի Միւնասիբների օջախում և ծանօթանում է Տէր-Գարրիէլի թոռան Սերովբէի հետ:

Սերովբէն, որ ծնուել էր 1760 թուին, մի ժիր, աչքաբաց

խելօք մասնակ է լինում. նա դարձնում է իւր վերայ յայտնի Զմիւռնացի Խօջենց Մարգարի ուշադրութիւնը, որ լաւ ծանօթ էր Տէր-Գաբրիէլ Միւնասիբին, և նորա հոգացողութեամբ ուղարկւում է Վենետիկ Ս. Ղազարու վանքը ուսանելու: Աչքարաց Սերովբէն մտնում է վանքի դպրոցը և լիակատարօրէն իւրացնում է հայկական գրաբառագիտութիւնը, կրօնագիտութիւնը, դառնում է ճարտար քերականագէտ և վերադառնում է Տրիեստի վերայով Պօլիս, Գնալով ընդամենը Վենետիկում և Տրիեստում 7 տարի:

Պօլսում Սերովբէն բաց է անում իւր սեփական դպրոցը և սկսում է վարժապետութիւն անել և նորա հռչակը իբրև հմուտ քերականագէտի և լեզուագէտի կամաց-կամաց տարածւում է մայրաքաղաքի ստուար հայութեան մէջ: Ամենքը շտապում են իւրեանց որդոցը սույ նորա դպրոցը և զլիսաւորապէս հարուստ վաճառականները և ամիրաները: Նորա յաջողութիւնը սակաչն շատ երկար չի տևում. «Մարգարէ յիւրում դաւառի պատիւս ոչ ունի»: Մի քանի տարի գոյութիւն ունենալուց չետոյ, նորա դպրոցը փակւում է և իւր կեանքում մի «սլէկոծութեան» հանդիսելով, թողնում է Պօլիսը և 1794 թուին ընկնում է Թիֆլիս:

Այստեղ Վրաստանի մայրաքաղաքում ևս Սերովբէն ձեռնարկում է իւր վարժապետութեան գործին. նա բաց է անում մասնաւոր դպրոց և հաւաքում, ուսուցանում Թիֆլիսի ամենալաւ և առաջնակարգ ընտանիքների մանուկներին: Նորա լաւ վարժապետ լինելու հռչակն այստեղ ևս հասնում է մինչև իսկ Յովսէփ Արղութեանի ականջը, որ Յովհաննէս Լաղարեանին մի մասնաւոր թոշակ է կապել տալիս նորան և կոչում նորան «վարժապետ հայոց», և այնուհետև Սերովբէ Մինասիբը ուրիշ պէս չի կոչւում, բայց եթէ «Սերովբէ վարժապետ»: Սերովբէն իւր վարժապետութեան հետ միասին պարապում է գրականութեամբ. նա գրում է գրաբառ տաղեր, որոնց բովանդակութիւնը առնում է Աստուածաշնչից և կապում հայոց կեանքում տեղի ունեցող զանազան երեւոյթների և դործող անձանց գործունէութեան հետ: Եփրեմ կաթողիկոսը այդ երգերը, ո-

որոնք յետոյ հրատարակուած են մի առանձին հատորով, համարեա թէ ծայրէծայր բերանացի է իմանուած եղել, երգերից մի քանիսն էլ Ներսէսի խնդիրքով և պատուէրով են գրուած յինուած, Ներսէսի, որ 1802-ի վերջին և 803-ի սկզբին ամբողջ 8 ամիս անց է կացրել նորա տանը Թիֆլիսում և Գաբրիէլ մանուկին շատ անգամ գրկել ու սիրել:

Եփրեմ արքեպիսկոպոսը, ինչպէս յայտնի է, իւր նուիրակութիւնից էջմիածին վերադառնալուց յետոյ, նշանակուեց Ռուսաստանի առաջնորդ, որ Յովսէփի մահից յետոյ քնացել է թափուր: Նա Հաշտարխան դնալիս, հանդիպում է Թիֆլիս, հիւր է լինում Սերովբէի տանը, վերանորոգում է իւր ծանօթութիւնը նորա հետ և հասնելով իւր տեղը, գրում է նորան, որ նա ևս երթալ այնտեղ վարժապետութեան պաշածով: Հաշտարխանում այդ ժամանակները յայտնի էին մի քանի շուղալեցի գերդաստաններ, որոնք ժամանակակից, հայրենակից և ճանապարհակից էին եղել Լազարեաններին, — Գալստեանք, Արզումանեանք, Աղաբաբեանք, Ասկարխանեանք, Դելանեանք և միւսները, և որոնք յաջող առևտրական ձեռնարկութեամբ մեծ հարստութիւն էին դիզել և հասել բարօրութեան: Նշանաւոր էին մանաւանդ երկու եղբայր Աղաբաբեանք՝ Նիկողայոս և Յակոբջան, Յովհաննիսի որդիք, որոնք իրանց կարողութիւնը ձեռք էին բերել Մոսկուայում և վերադարձել, ապրում էին Հաշտարխանում: Եփրեմի տեղ հասնելու ժամանակները յանկարծակի մեռնում է Յակոբջանը և նորա եղբայր Նիկողայոսը, որ ունէր երեք որդի՝ Յովհաննէս, Պետրոս և Յակոբջան, կամենալով իւր եղբոր չիշատակը վառ պահել, խոստանում է իւր համաքաղաքացիներին ի չիշատակ հանգուցեալին հիմնել մի վարժարան և այդ մասին յայտնում է նոր միայն քաղաքը ժամանած առաջնորդին: Սորանով նա կամենում է, բացի իւր եղբոր չիշատակը անմահացնելուց, և մխիթարած լինել Հաշտարխանցւոց, որոնք Յովհաննէս աղա Լազարեանի մահուամբ, որ խոստացել էր մի ուսումնարան բանալու Ռուսաստանի առաջնորդանիստ քաղաքում և չէր կարողացել իրագործել իւր խոստումը, անմխիթար էին քնացել:

Ահա այդ Աղաբաբեան բացուելիք դպրոցի համար էր, որ դրել էր Եփրեմը Սերովբէին և յորդորել, որ նա թողնէ Թիֆլիսը և երթայ Հաշտարխան. նա նոյն բանի մասին գրել էր և Ներսէսին և խնդրել, որ նա ևս իւր կողմից համոզէ նորան և ստիպէ ընդունելու իւր առաջարկութիւնը: Սերովբէն, որ արդէն բաւականին մեծ ընտանիքի տէր էր և բաւական իւր վիճակով, թէև չէր կամենում քանդել իւր տունը և իւր ընտանիքը եւթ թարիկէլ այգիքան հեռաւոր տեղ տեղափոխուելու գրկանքներին, բայց վերջ ի վերջոյ ստիպուած է լինում կատարել իւր բարեկամների՝ Եփրեմի և Ներսէսի ցանկութիւնը և մի առժամանակ իւր ընտանիքը թողնելով Թիֆլիսում, դնում է մենակ, մինչև որ կարողանայ տեղեկանալ բոլոր հանդամանքներին և ամեն բան պատրաստել իւր ընտանիքի համար: Նա հասնում է Մոլդովի 1805 թուին և հրաման է ստանում Եփրեմից, որ այդ ժամանակները դուրս էր եկել իւր վիճակը շրջադաշտու և զոհուում էր Ղզլարում, զնայու պնտեղ: Ղզլարն էլ այդ ժամանակները շատ առաջ էր զնայել, ծաղկել ու բարգաւաճել. նորա մէջ էլ առաջ էին եկել մի քանի գերփաստաններ, որոնք քաղաքի իշխանների դեր էին կատարում և իրանց ուղածի պէս կառավարում հասարակութեան գործերն և ընթացք տալիս քաղաքացւոց կեանքին,— Բուրչալեանք, Փառակեցեանք, Թանդոյեանք, Երուսաղիմեանք, Բաղքաչեանք, Իդմիրեանք, Սերբբրակեանք, Էյդարեանք և ուրիշները: Սոքա ծանօթանալով Սերովբէի հետ և հաւանելով նորան, հաւաքուած են առաջնորդի մօտ և խնդրում, որ նա թողնէ նորան Ղզլարում վարժապետութիւն անելու համար, բայց առաջնորդը չի համաձայնում, ասելով, որ ինքը խոստացել է Հաշտարխանցւոյ և չի կարող խոստմնադանց լինել: Սակայն որպէսզի բոլորովին անկասար չթողնէ քաղաքացիների խնդիրքը, նա թողնում է նոցա վարժապետ Սիմէօն կաթողիկոսի եղբայր գիանական Գէորգ Խուբեանին, որ եկել էր զոյն իսկ ժամանակները Ղզլար Եփրեմի մօտ քարտուղար լինելու նպատակով:

Եփրեմն և Սերովբէ վարժապետը դուրս գալով Ղզլարից, հասնում են Նոր-Նախիչևան 1805 թուի վերջին Խազէզ Կա-

րապետի քաղաքադլխութեան վերջին օրերը և իշխանում Յովսէփի առաջնորդարանում: Նախիջևանի աղաները գնում զալիս են առաջնորդարան, տեսնւում, ծանօթանում են Սերովեէի հետ: Նորա էլ Ղզլարեցւոց նման շատ հաւանում են նորա հեղքնաւորութեան և քաղցր ձայնին և միտքներն են գնում խնդրել առաջնորդին, որ նա անպատճառ նորան թողնէ Նախիջևանում, թէև լսած են լինում Ղզլարեցւոց անյաջողութիւնը: Նախիջևանում այդ ժամանակները կար մի Յովհաննէս սարկաւազ, որ եկել էր Պօլսից, զրազխութիւն և եկեղեցական երգեցողութիւն էր սովորեցնում և յայտնի էր «Յովհաննէս վարժապետ» անունով: Բայց այդ Յովհաննէսը գրութիւն չգիտէր. նորան պահում էին Նախիջևանում, որովհետև կար մի կուսակցութիւն, ձեր հոգեւորականներից ու ձեր մարդկանցից քաղկացած, որոնք կամենում էին վերականգնել Պօլսի երգեցողութեան եղանակը Նախիջևանի եկեղեցիներում, որ խանգարուել էր Յովսէփի մայրած Էջմիածնի եղանակով: Հներին հակառակ էին նոր մարդիկ և նոր հոգեւորականները, որոնք Յովսէփի աշակերտներն էին: Առաջին կուսակցութիւնը սիրում էր Յովհաննիսին, երկրորդն աւանդ էր: Վարժարանն էր «Խօնախը», որ մի հասարակ նախակրթարան էր և որտեղ Յովհաննէսը սովորեցնում էր շարականներ, մեղեդիներ և շատ քիչ զրազխութիւն: Այդ խօնախը Պատեօմկինի Եկատարինէ կայարուհու համար շինած նախկին պալատն էր, որտեղ պիտի իշխանէր Թադուհին Ղրիմ գնալու ժամանակ: Երբ կայարուհին ուրիշ ճանապարհով գնաց և Նախիջևան չմտաւ, նոյն պալատը ընծայուեց Յովսէփ Արղութեանին, որ նորա մի մասը գործրեց առաջնորդարան, իսկ միւս մասը յատկացրեց վարժարանի ³⁾: Ապարանքի շինութիւնը, որ եղել էր Միքայէլ Գէորգեան Կողբէթլեանի երկրորդ անգամ քաղաքադլխ ընտրուելու միջոցին, Նախիջևանի հիմնարկութեան երկրորդ եռամեակի—1782,83 և 84-ի ընթացքում, միջավայրում փայտակերտ էր, երկու անկիւններում քարաշէն: Արեւմտեան անկիւնի քարաշէն մասը տեղի հետ միասին 1801 թուին Յովսէփի մահից յետոյ, խառնակութեան ժամանակ, գնել էր Բայազետցի Կարապետ վարդա-

պետից, որ Ս. Խաչ վանքի վանահայրն էր և Նախիջևանի յաջորդը, նշանաւոր Մահաեսի Յովհաննէսի անդրանիկ որդի Մարկոս աղա Տէր-Մարկոսեանը, իսկ արեւելեան անկիւնի տանը բնակւում էր Եփրեմի Թարգման Յակոբ աղան-Եակոբ Մինայիչը:

Եփրեմ առաջնորդարան հաւաքուած Նախիջևանի աղաներին, որոնք խնդրում էին Թողնել Սերովբէին, խոստանալով տալ նորան ռոճիկ և քաղաքի հաշուով վարձած բնակարան ու վառելիք, պատասխանեց նոյնը, ինչ որ Ղզարեցւոյց, և աշխատեց համոզել նոցա շատանալ Յովհաննէս վարժապետի գիտութեամբ: Բայց Նախիջևանցիք, որ ժառանգել էին Անեցւոց կամակորութիւնը, պնդեցին և իրանց խօսքն առաջ տանելու համար, սկսան զանազան արտասեր զնել Յովհաննէսի վերայ, ուրանալով միանգամայն նորա եռամեայ աշխատութիւնը: Սակայն այդ բոլորը զուր էր. Յովհաննէսն եթէ ունէր պակասութիւն, այդ էլ այն էր, որ նա, բացի ժամկարգութիւնից, շարականից և մեղեդիներից, ուրիշ ոչինչ չգիտէր: Բայց այդ էլ շատ քչերն էին հասկանում, ինչպէս Թուֆիկեան Մանուկ ու Մարտիրոս աղաները, Մահաեսի Յարութիւն Արարաւեանը, Ստեփան աղա Փէնլէվանեանը, որոնք ժամանակի ուսեալ մարդիկն էին Նախիջևանում և ճանաչում էին նորա գիտութեան չափը: Յովհաննէսի պաշտպանն էին աղա Յարութիւն Խաթրանեանը, որի Թոռը Գէորգ Պօղոսեանը սովորում էր նորա մօտ այբուբենը, աղա Պետրոս Մահաեսի Եղիազարեան Բաբապինեանցը, որի աներծազը պատանի Յարութիւն Պօղոսեան Խալիբեանը յաճախում էր խօնախը, և միւսները:

Տեսնելով, որ աղաները պնդում են, իսկ առաջնորդը չի համաձայնում, Տուֆիկեաններն առաջ գալով, ասում են. «Սրբազան, շնորհակալ ենք, Յովհաննէս վարժապետն ինչ գիտէ, լաւ է սովորեցնում. մեր երեխաները քահանաների չափ ժամակարգութիւն գիտեն, բայց նոքա քահանայ լինելու չեն, այլ վաճառական, որոնց հարկաւոր է գրութիւն, որ կարողանան իւրեանց գործի նամակները գրել. Թո՛ղ Յովհաննէսը զայ այստեղ, և դուք նորան մի նամակ սուէք գրելու. եթէ հաւանէք նորա գրածին, մենք յօժար ենք շատանալու նորա գիտութեամբ,

իսկ եթէ ոչ, Պատկանեանցը մնայ Նախիջևանում»։ Յովհաննէսը զալիս է և ինքը խոստովանում, որ զիր չզիւտ է և իւր անունը հազիւ է գրում և գրածն էլ ինքը չժողարանում է կարդալ։ Եփրեմը մնում է անպատասխան։ Վիճաբանութիւնն երբ երկարում է, ժամանակի քաղաքագլուխ Խաչերես Հալաշեանը, որ ընտրուել էր Խաղէզ Կարապետից յետոյ տասներորդ եռամեակի—1806,7,8-ի համար, ասում է. «Սուրբազան, եթէ զուներ խօսքը ոտքի տակ կրնես, զիտցիր, որ Նախիջևան առաջնորդ ըլլալու չիս. շտէ Գիրգորը, շինարի ծիաւոր կիսաւրինք և հոս տաւէթ կանինք, ան տաւն ինչ խաւար կամենաս, պաղ չուր զարկ»։ Մէջ է մտնում Տուֆլիկեան Մանուկ աղան և ասում է. «Հարցնենք իրան Պատկանեանցին. նա ստուշ է, ինչպէս կամենայ, այնպէս էլ կլինի»։ Գնում են միւս սենեակ, որաւդ Սերովբէ վարժապետը նստած՝ Եփրեմի հարկաւոր նամակներն էր գրում, և համոզում են նորան, որ նա մնայ և տարածայնութեան պատճառ չլինի հասարակութեան և առաջնորդի մէջ և բորբոքուի Եփրեմի և Գիրգորի առաջնորդութեան խնդիրը։

Այդ Գիրգորը Սրղութեանի Զաքարեան Գրիգոր վարդապետն էր, որ Յովսէփի ծագից յետոյ, Դաւթի կողմն անցնելով և Յովսէփի սուա կտակը ցոյց տալով ս. Էջմիածնի միաբանութեան, համոզել էր ամենքին նորա կողմն անցնելու և ինքը ևս այդպիսով Դաւթի աչքը մանելով, Եպիսկոպոս էր ձեռնադրուել և Ռուսաստանի առաջնորդ կարգուել։ Այս հանգամանքի ժամին Յովհաննէս Գեղարդակիր արքեպիսկոպոսը, որ բանտից ազատուելով, ս. զեղարդն առել, փախել էր Թիֆլիս, մի նամակ էր գրել Սերովբէի ձեռքով Եփրեմին և ամեն բան իմաց տուել։ Եփրեմն էլ չորդել էր Ռուսաստանի հայերին գրել Դաւթին, որ Գրիգորին առաջնորդ չուղարկեն։ Գրիգորը զուրս գալով ս. Էջմիածնից և դալով Ռուսաստան, ամեն տեղ էլ անարգանքով էր ընդունուել։ Դորանից յետոյ էլ շուտով Եփրեմի խնդիրքով կայսերական հրաման էր արժակուել Պետերբուրգից, որ Գրիգորն արգելուած մնայ Ռուսաստանի սահմաններում։ Ահա՛ այս

Գրիգորի առաջնորդութեան ձգտելու հանգամանքի մասին էր ակնարկում քաղաքագլուխ Հալաշեանը:

Սերովբէ վարժապետը յօժարում է մնալ Նախիջևանում այն պայմանով միայն, որ Յովհաննէս վարժապետն էլ մնայ երգեցողութեան ուսուցիչ: Նախիջևանցիք էլ թէև ընդունում են նորա առաջարկութիւնը և մի առ. ժամանակ թողնում են այդ Յովհաննէսին խօնախում, բայց լեսոյ ճանապարհ են ձգում նորան Պոլիս: Այսպիսով Նախիջևանցիք Սերովբէի ձեռքով 1806 թուին վերսկսում են այն կանոնաւոր դպրոցը, որի հիմքն առաջին անգամ դրել էր Ս. Սաչ վանքում Յովսէփ արքեպիսկոպոսը և որ դորանից տաս տարի առաջ, կորցրել էին նաքա, հաշտարխան փոխադրել տալով թէ դպրոցը, թէ աշակերաններին, թէ տպարանը և թէ «Քիտապիւտան» կոչուած Թաղէոս Մարուզեան վարդապետ վարժապետին ¹): Սերովբէն ստանձնելով վարժապետութեան պաշտօնը խօնախում, խնդրում է, որ վարժարանն ունենայ մի տեսուչ, որ, գոնէ, շարաթն երկու անգամ զայ դպրոց և վերահասու լինի, թէ ի՞նչ են անում և թէ արդեօք աշակերանները կանոնաւորապէս յանախում են դպրոց, թէ չէ, բայց աղա Մանուէլ Շահինեանը պատասխանում է, թէ նորան են յանձնում դպրոցը, որովհետև ինքեանք մի այնպիսի մարդ չունեն, որ կարողանայ տեսչութիւն անել: Սերովբէն խնդրում է, որ իրան արուի, գոնէ, մի ցուցակ, որ իմանայ, թէ ի՞նչ պէտք է սովորեցնել, կամ թէ ի՞նչ են ուզում, որ նա սովորեցնէ: Աչակովսկի Սիմէօն աղան պատասխանում է, թէ գիտցածի պիտի սովորեցնես: Սերովբէն ասում է, թէ օգուտ չի լինիլ, եթէ ինքը սովորեցնէ այբուբեն և հինգ կանոն սաղմոս. նոքա պիտի տան իրան քիչ շատ զրազէտ աղայք, որ կարողանայ քերականութիւն սովորեցնել: Մարտինեան Մարկոս աղան հարցնում է. «Քերականութիւն նէ մանի դրը»... Մահաեսի Յարութիւն Արարատեանը պատասխանում է, թէ քերականութիւն բիր էօլէ քիթաք դրը... Եփրեմը ծիծաղելով ասում է հայոց վարժարան էք հիմնում, հայերէն խօսեցէք: Մանուէլ Շահինեանը պարծենում է, թէ ինքը տեսել է քերականութիւնը. «Էփէի մեծկակ թուղթ է, Երեմիա Զէլէ-

պին մէկհամ ունէր»։ Առաջնորդը կամենալով Սերովբէ վարժապետին հանել այդ ծիծալելի դրութիւնից, ասում է նրան. «Հա, ես լսել եմ, որ Երեմիա Չէլէրին քո աշակերտն է եղել»։ Սերովբէն երբ վերադարձել էր Տրիեստից, Ստեփան ամիրան առաջինն էր եղել, որ իւր որդուն տուել էր նորան աշակերտութեան։ Քերականութիւնն էլ հէնց այն տարին էր տալագրուել, երբ Սերովբէն գնացել էր Ղաղարու փոնքը. տալագրութիւնը այդ ժամանակ գեո. շարունակում է եղել և նա սովորել էր անկազմ թերթերի վերայ։

Գլուխ Բ.

Սերովբէ վարժապետը Նախիջևանում ունենում է 350 աշակերտ, բոլորեքեան էլ բորոտ. նա բժշկում է նոցա, մարութեան ընտելացնելով և զանազան դեղեր տալով նոցա, որ մատակարարում էր Նախիջևանում այդ ժամանակ յայտնի ճէքիմ Կարապետը։ Առաջին անգամ նա է շինել տալիս նստաբաններ, որոնց վերայ նստեցնում է աստ-տաս աշակերտ. երկու ծայրին նստողները լինում էին զրազէս և ուսուցում էին իրանց մօտ նստած չորսին։ Աշակերտների հետաքրքրութիւնը զարթեցնելու, նոցա դադեցնելու և նոցա մէջ սէր յարուցանելու համար գէպի ուսումը և դպրոցը, Սերովբէ վարժապետը իւր դաստառութիւնն անում էր հեքեաթի ձևով. նա ս. Գրքից, Հայոց, Հռովմայեցւոյ և Յունաց պատմութիւններից դաստիարակ հետաքրքրական դէպքեր էր պատմում և աշակերտները սիրով լսում էին, աշակերտները միմեանց հարցեր էին տալիս և վիճարկանութիւն էին անում. ով որ լաւ էր պատասխանում, վեր էր նստում, ով որ վատ — վար։ Առաջին անգամ Սերովբէ վարժապետն է մտցնում Նախիջևանցւոյ մէջ միասին կարգալ գրելու եղանակը, մի խօսքով, նա մտցնում է ուսուցման այն ձևն ու ոճը, որ ինքը տեսել էր Վենետիկում և Տրիեստում։ Սակայն նորա գործը շատ դժուարութեամբ էր առաջ գնում, որովհետեւ աշակերտները կանոնաւորապէս չէին յանախում դպրոց, ուսումնական պիտոյք չէին բերում և, որ գրելաւորն է, աղաներն ամենքն էլ պահանջում էին, որ Սերով-

բէն իրանց խնջոյքների ժամանակ իւր աշակերտներով դայ երգէ նոցա աներում: Նա ստիպուած է լինում այս պահանջին բաւականութիւն տալու համար, ընարել 12 ծայնաւոր աշակերտ և սովորեցնել նոցա իւր, Մխիթար արքայի և Բաղդասար զրպրի երգերից. նա շարադրում է ուրիշ երգեր էլ, որոնց բովանդակութիւնն առնում է Նախիջևանի կեանքից, ինչպէս բարեկենդանի երգը, որ նա գրում է 1807 թուին և որ սկսւում էր «Սիրով Սուրբ Հոգւոյն կապակցեալ Նոր-Նախիջևանցիք» խօսքերով և «Աստուած հղօր» երգը, որի մէջ գովաբանւում էին քաղաքի բոլոր նշանաւոր աղաներն անուն անուն: Այս վերջին երգը մեծ խռովութեան պատճառ է լինում, որովհետեւ բոլորեքեան էլ պահանջում էին, որ երգն անվերջ շարունակուի և ամենքի անունն էլ մէջը յիշուի, մինչև խսկ և նոցա անունը, որոնք ոչ մի արժանի յիշատակի գործ չէին արել հասարակութեան համար:

1807-ին, երբ Եփրեմը դարձեալ եկել էր Դախիջևան, գալիս է Նախիջևան և Ներսէս Աշատրակեցին, որ այդ ժամանակ դեռ վարդապետ էր, և իջևանում է առաջնորդարանի արևելեան անկիւնի քարաշէն բնակարանում Մահմետի Աղաբէկեանի տան հանդէպ, որի վերնայարկն հասարակութիւնը վարձել էր Սերովբէի համար, իսկ ներքնայարկում բնակում էր իւր գաւալիների հետ Աղբիւրմանցի Տէր Յովհաննէսի մատաղահաս այրի երիցուհի Բահալը, որ Մարտիրոս Տուֆլիկեանի քենին էր: Նա բերել էր Դանիէլ կաթուղիկոսի կոնդակը Ռուսաստանի Հայերին, ինչպէս նոյնպիսի մի կոնդակով Պօլիս էր գնացել և Յովհաննէս Գառնակերեան եպիսկոպոսը: Այստեղ բնակնաւ պէս վերանորոգւում է նորա և Սերովբէի հին բարեկամութիւնը. նա լսյանում է իւր անբաւականութիւնը թէ նորան, որ խաբուելով «մեծ զգակ» Նախիջևանցիների մեծաբանութիւնից, մնացել էր նոցա մէջ և սկսել էր իւր երդերով գովաբանել նոցա, այն ինչ նոցա մէջ չկար մէկը, որ կարողանար ազդի օգուտը, կամ փաստը հիշող որոշել, և թէ առաջնորդին, որ մոռացել էր իւր առւած խոստումը Հաշտարխանցուց և համածայնել էր թողնել նորան Նախիջևանում: Եւ որովհետեւ նա իւր

այս դժգոհութիւնը յայտնում էր շատ անգամ դպրոցում իւրը աշակերտների, որոնց մէջ այդ ժամանակները ծաղկել էին մի քանիսը՝ Մելքոնեանը, Տիւլպէնեանը և տիրացու Կարապետ Խալփաճեանը, և իւրը դպրոցի մշտական այցելուների՝ Տուֆ-լիկեանների, Պետրոս Բարսախեանի և Պօղոս Խաթրանեանի, թէ Սերովբէն և թէ այդ աղաները շատ վշտանում էին, վախենալով, որ չլինի թէ այս բոլորը հասնի քաղաքագլուխ Հալաչեանի ականջը և խռովութեան պատճառ լինի:

Սորանից յետոյ շուտով պատահում է մի դէպք, որ մի կողմից արդարացնում է Սերովբէ վարժապետի երկիւղն ու կասկածը, միւս կողմից էլ սառնութեան առիթ է լինում նորա և Ներսէսի մէջ, սառնութեան, որ յետագայ հանգամանքների աղդեցութեան հերքոյ գնալով անում ու զարգանում է, փոխուելով թշնամութեան ու ատելութեան, որ յետոյ անցնում է և նորա որդի Տէր-Գաբրիէլի վերայ ու այնքան դժբաղդութեան պատճառ լինում նորա համար: Ասում են, որ մի անգամ առաջ-նորդը, Ներսէսը և Սերովբէն հրաւիրուած են լինում խնջոյքի Զորայ Սահակ աղայի տունը: Հացկերոյթի ժամանակ Ներսէսը կամենում է իմանալ, թէ կա՞ն արդեօք և ո՞ք են Քէֆէջի նշանաւոր Տէր-Բարթոլղիմէոսի և Եւպատրիսոյի նշանաւոր Տէր-Մարկոսի ժառանգները, որոնց այնքան սէր ու յարգանք է ցոյց տուել Յովսէփի Արղութեանը զաղթականութեան ժամանակ: Նորան պատասխանում են, թէ Տէր-Բարթոլղիմէոսի որդին լինում է համանուն Տէր-Բարթոլղիմէոս քահանայն Քէֆէջում, նորա որդի Մահաեսի Թորոսը, որ դալիս է Նախիչևան, տեսնում է Յովսէփին և սէր ու պատիւ վայելում նորանից, և դորա որդին Տէր-Յակովբ, որ գնացել է Մոսկով. իսկ Տէր-Մարկոսի որդին լինում է համանուն Տէր-Մարկոս քահանան Եւպատրիսայում, դորա որդին էլ Մահաեսի Յովհաննէսը, որ դալիս է Նախիչևան և Մահաեսի Թորոսի հետ տեսնում Յովսէփի հետ և զրա որդին Մարկոս աղան, որ ապրում է առաջնորդարանի արեւմտեան անկեան քարաշէն տան մէջ և հէնց այժմ էլ գտնւում է այստեղ: Ներսէսն իւր զարմանքն է յայտնում, թէ ի՞նչպէս է եղել, որ պալատի մի մասն անցել է օ-

տար մարդկանց ծեռքը, և ի՞նչ իրաւունք ունէր Բայազիտցի Կարապետ վարդապետը ծախելու այն տունն ու տեղը: Մարկոս աղան շատ բարկանում է, բայց չի պատասխանում. նորա տեղ անպատում է ներսէսին քաղաքապետի հալաչեանը, մասը 3 անգամ զարնելով սեղանին և ասելով. «Վարդապետ, դու հոս էլիլիս մէջերս կռիւ կուզիս ծղել. բարի եկար, գնա՛ վանք, հոն ինչ գուլիս, մամշէ, հոս ծանրդ չելլէ»: Մէջէն մրտնում և հաշտեցնում, և քաղաքապետը ի նշան հաշտութեան միւս օրն առաջնորդին և ներսէսին իւր տունն է հրաւիրում և այդ առթիւ մեծ հացկերոյթ սարքում: Այգետեղ պատեհ րոպէ գտնելով, Մարկոս աղան ասում է ներսէսին, որ եթէ նա չի հաւատում, թէ տունը գնուած է Կարապետ վարդապետից, թող գայ իւր մօտ և նա «քուփչիները մէմէկ-մէմէկ նորա աչքի պէպէքը կրխօթէ»:

Ներսէսը դորանից յետոյ իբրեւ թէ գնում գալիս է Մարկոս աղայի տունը, որ ամրագիրը տեսնէ, և ծանօթանում է աղախնի հետ, որ նկատում են Մարկոս աղան և Բահայը երիցունին, որի հետ իբրեւ թէ նոյնպէս մօտ ծանօթութիւն է կապած լինում վարդապետը: Մարկոս աղայի տան և առաջնորդարանի մէջ լինում է մի դռնակ: Այս դռնով մի օր ներսէսն իբրեւ թէ գնում մտնում է բաղանիս, որտեղ այդ ժամանակ լուացք է անում եղել աղախինը: Մարկոս աղան այդ նկատելով, գնում փակում է վերան դուռը և ինքը շտապով վազում է առաջնորդի մօտ, որ բերէ ցոյց տայ նորան: Բահայը, որ քննում է եղել ներսէսի ամեն մի քայլափոխը, տեսնելով, որ ներսէսն անժամանակ մտաւ Մարկոսի տունը և Մարկոսն էլ շտապով դուրս եկաւ և գնաց առաջնորդարան, կոտկոծում է և գնում իմաց է տալիս Սերովբէ վարդապետին, որ գալիս բաց է անում դուռը և ապաստում ներսէսին: Այդ օրուանից ահա՛, ասում են, ընկնում է սառնութիւն ներսէսի և Սերովբէի մէջ, որովհետեւ զա իմացել էր նորա կեանքի գաղանձներից մէկը, և Սերովբէի և Մարկոս աղայի մէջ, որովհետեւ նա խանդարել էր նորա գարանակալութիւնը: Թէ որքան նշմարտութիւն կար այս կանացահետք վիպասանած և պատմութեան մէջ, — մենք

չենք կարող ասել, բայց որ մի բան պատահած պէտք է լինի և ստանութիւն ձգած նոցա յարաբերութեան մէջ հէնց այդ ժամանակները, այդ ստոյգ է: Տէր-Գարրիէլը, զոնէ, որ այդ պատմութիւնը իր հօրից պէտք է լսած լինի, հաւատում էր զորան և այդ համարում սկզբնական պատճառ Ներսէսի տաժած ատելութեան դէպի ինքը և դէպի նորա հայրը:

Բանի որ Եփրեմը Նախիչևանումն էր, Սերովբէ վարժապետը տեսնելով դպրոցի տխուր վիճակը և համոզուելով, որ այդպիսի հանդամանքներում ինքը չպէտք է կարողանայ շատ բան անել, խնդրում է նորան, որ տանէ իրան Հաշտարխան, բայց այս անգամ արդէն ինքն առաջնորդը խնդրում է, որ նա մնայ, մինչև որ ինքն երթայ Հաշտարխան և ամեն բոն պատրաստէ: Սերովբէն տեսնում էր, որ Նախիչևանում խօսողը շատ է, քան թէ լսողը, իսկ հասկացողը ևս աւելի քիչ: Թէև այն չորս այցելուները սիրտ էին ապրիս նրան և լուս համբաւ տալով իր զգրոցի մասին, բայց նա չէր կարողանում հաշտուել: Գերականութիւն սովորելու համար պատրաստի աշակերտներ չկային. 300 աշակերտներից, որոնք հաւաքուած էին մի դահլիճի մէջ, կէսից աւելի գիրք չունէին: Ով պէտք է նոր միայն այլուբենը սովորէր, նա բերում էր մի մեծ նարեկ, որի վերայ վարժապետը պիտի նորան զրկեր ճանաչեցնէր, միւսն աւարտում էր գրեւը և գիրքը վաճառում էր ընկերին և ինքն առանց գրքի էր մնում, մինչև որ Երուսաղէմ գնացողները վերադառնային և Պօլսից գրքեր բերէին: Գրքերը բերում էին, բայց ոչ քերական և ոչ քերականութիւն: Բերում էին Ագաթանգեղոս, Պղնծի քաղաքի պատմութիւն, Էփիմերաէ, Տօնացոյց, ռմանք ութ կանոն Սաղմոս, ռմանք էլ ժամագիրք: Ագաթանգեղոսի վերայ մէկը առուերի հեղեղն էր սովորում, միւսը զրաւարժութիւն Էփիմէրաէի վերայ: Երեսմաները մինչև իրանց հասակի 11 տարին այսպէս ժամանակ էին կորցնում, յետոյ ծնողներն առնում, տալիս էին իրանց որդոցը վաճառականների մօտ. նոցա ստացած ուսումը հէնց այն էր լինում, ինչ որ նոքա լսել և ուսել էին ուսուցչի արած պատմութիւնից: Յուսահատութեան մէջ էր Սերովբէն:

1808-ին զալիս հասնում է Նախիչևան և Սերոբէի ընտանիքը — կինը՝ Մարիամ, որդիքը՝ Գէորգ, Գարրիէլ և Պետրոս և

գործանչո՛ր՝ Թամար, որ իւր դպրու քառասներորդ օրը մեռնում է և թաղուժ համարժման եկեղեցու սրահի գերեզմանատանը։ Վեց տարեկան Գաբրիէլը մեծանում է Նախիջևանի վերոյիշեալ խաւար կեանքի խաւար մթնոլորտի մէջ, որտեղ ոչ ճրսիւ էր երևում, ոչ լուսատու աստղ։ Նորա հայրական տունը միակ օվաղիսն է լինում մեծ անապատի մէջ, որտեղ նորա մանկական հոգին զովանում է, միաքը պարարւում։ Նորա հայրը լինում է նորա համար միակ լուսատու աստղը, որի նառագայթներով զեռ. այդ վաղ հասակից առաջնորդւում է նա և Նախապատրասաւում ապագայ տառապալից կեանքի ու գործունէութեան համար։ 1808 թուի հոկտեմբերի 9-ին մեռնում է Դանիէլը և ընտրւում է Եփրեմը, որ 1807-ին, Ներսէսի մեկնելուց յետոյ, ինքն էլ գնացել էր հաշտարխան։ Նա այնտեղ տեսնելով, որ Աղաբաբեան դպրոցը բոլորովին պատրաստ է, 1809 թուի Սեպտեմբերին նորից գալիս է Նախիջևան, որտեղ և կնքահայր է լինում Սերովբէի նորածին աղջկան, անունը դրնելով Կատարինէ և ինքն անձամբ շքեղ հանդիսով բերելով եկեղեցուց տուն։ Հէնց այդ ժամանակն էլ նա պախարակելով Նախիջևանցւոյ անհոգութիւնը և անփութութիւնը դէպի իրեանց որդիների ուսման գործը և դէպի իւրեանց ուսումնարանը, առաջարկում է Սերովբէին տեղափոխուել հաշտարխան և ստանձնել Աղաբաբեան վարժարանի հայոց լեզուի վարժապետութեան պաշտօնը, իսկ ինքը իբրև ընտրեալ կաթողիկոս գնում է Պետերբուրգ կայսեր տեսութեան։ Երբ որ նա Պետերբուրգից վերադառնում է հաշտարխան, արդէն դառնում է Սերովբէին պաշտօնի մէջ Աղաբաբեան դպրոցում։ Նա Ս. Էջմիածին մեկնելուց առաջ, երբ վերջին պատարագն էր մատուցանում Պօղոս Պետրոս եկեղեցում և պիտի վերջին հրաժեշտը մատուցանէր հաշտարխանցւոյ, քարոզ է խօսում և կանչելով ստեան աղա Նիկողայոս Աղաբաբեանին, ասում է, թէ ինքը նորա խնդիրով քանդել է Սերովբէի տունը Թիֆլիսում և բերել Ռուսաստան. ճանապարհին նա բնկել է Նախիջևանցւոյ ձեռքը, և այնտեղ Նախիջևանում կրկին տուն շինել։ Երբ նորա վարժարանը պատրաստուել է, այս տարի յատկապէս ինքը գնացել է Նախիջևան և կրկին քանդել նորա տունը և բերել հաշտարխան, և ահա այդ կարճ ժամանակամիջոցում ամենքն էլ վայելում են զորա երե-

խայրիքը այնպիսի կարգերով ու ժամասացութեամբ, որ Հաշտարխանը երբէք տեսած չէ: Սերովբէն միայն երգեցողութեան վարժապետ չէ, նա Պոռմեթէոսի պէս զնացել է և Արրայու-թիւնից Հայոց լեզուի լոյսը դուրս եկել, որ ազգի տան ճրագը վառէ: Նորա պաշապանը ինքն է, Ս. Էջմիածինը, յաջորդ կաթողիկոսները և առաջնորդները: Մինչև նորա դպրոցից մէկը ուսման վկայական չունենայ, առաջնորդը համարձակուի նորա գլխին ձեռք դնելու, և թող նշովեալ լինի այն իշխանը, որ կ'համենայ տգէտ քահանայ ձեռնադրել տալ: «Ահա՛, վերջացնում է նա իւր խօսքը, ես իմ հայրապետական իշխանութեամբ բոլոր հրապարակով տալիս եմ նրան աւագ քահանաներին միայն կրելիք թասակը և գաւազանը եկեղեցուց դուրս բռնելու ձեռքին և իմ մատի մատանին»: Եւ հանում է մատանին մատից և դնում է Սերովբէի մատը, ծոցից թաւշեայ թասակը և հազցնում նորա գլուխը և բերել տալով գաւազանը, տալիս նորա ձեռքը, Սերովբէի, որ այդ պատարագին դպրապետութեան պաշտօն էր կատարում ⁵⁾:

Առաջնորդ Եփրեմի տեղ 1811-ին ընտրւում է Յովհաննէս Գառնակերեանը կամ Յակոբեանը: Այդ Յովհաննէսը մի ազգաւ, բայց հեղահոգի մարդ էր, նորա ընտրութիւնը եղել էր Ներսէսի հանութեամբ, որ կարողանայ նորա միջոցով իւր ձեռքին պահել Ռուսաստանի կարևոր թեմը: Նոր առաջնորդը, որ «ճոխաբան» անունն էր ստացել, որովհետև Եփրեմի ձեռնադրութեան օրը մի լաւ քարոզ էր խօսել, որ շարադրել էր Ներսէսը, հրահանք էր ստացել կաթողիկոսից, որ Հաշտարխանում ամեն բանում ղեկավարուի Սերովբէ վարժապետի խորհուրդներով, բայց նա տեղ ժամանելով, ընկնում է Ս. Աստուածածնի եկեղեցու երեցփոխ մոմշի Սարգիս կամ Սալլահ Սարգիս կոչւած Բենպերցեանի ազդեցութեան տակ, և ոչ թէ միայն չի լսում Սերովբէի խորհուրդներին, այլև շատ բանում և շատ անգամ իսպառ հակառակ է գնում նորան: Երբ Յովհաննէսը առաջին անգամ գալիս է Նախիչևան, քաղաքացիք ընդառաջ չեն դնում նորան, և նա ստիպուած է լինում ուղղակի գնալ ս. Խաչ վանքը, յետոյ միայն նոքա բերում են նորան Խաչերես Ալաշապետի տունը, որ վարձել էին նորա համար: Նա ազաների ցանկութեամբ անուս քահանաներ է ձեռնադրում և ամեն-

նին հաճոյ լինելու համար, յանախ այցելութիւն է անում ապաներին, ներկայ է դրնում նոցա սարքած խնջոյքներին և սովորութիւն է արած լինում խաչահնքելու դինու բաժակների վերայ. նորա միակ լաւ դործը Նախիջևանում լինում է այն, որ հաշուեմաստեաններ է մոցնում եկեղեցիների մէջ, որոնք սակայն մնում են անդործադրելի: Նախիջևանիք նորա մասին ասում են եղել. «Սուրբազանը աղէկ մարդ է. որուն համար կը խնդրենք, չէ չի ասիր, կ'ձեռնադրէ, զրել-կարգալ գիտէ-չիտէ, չի հարցունուր. ինքնալ մեղի պէսնակ սայէն կըքալէ, մեղի ալ անկէ աղէկ վարդապետ ինչերո՞ւս է պէտք. Աստուած իրեն կեանք տալ»:

Հաշտարխանում էլ առաջնորդն առաջինն է լինում, որ խանդարում է կաթուղիկոսի տուած պատուէրը ազէա քահանաներ ձեռնադրելու վերաբերմամբ. նա Բենդերցիեանի ցանկութեամբ քահանայ է ձեռնադրում նորա եղբորորդուն Յովհաննէսին և կնոջ ազգական Սարգսին, որոնցից առաջինը կարող էր լինել լաւ աւագակապետ, իսկ երկրորդը զուրկ էր թէ խելքից և թէ պատկառանքից: Ժողովրդի մէջ շփոթ է ընկնում, և Բենդերցիեանն ու նորա սիրելի Տէր-Սարգիս քահանայ Բերեժանեանը հասկացնում են առաջնորդին, թէ այդ աղմուկի պատճառն ու ժողովրդին դուրսը Սերովբէն է, իսկ ժողովրդի մէջ տարածում են, թէ Սերովբէն է կաշառքով սուտ վկայական տուել, թէ Սարգիսն ու Յովհաննէսն ուսել են դպրոցում, այն ինչ դռա երկունս էլ ազա Նիկողայոս Աղարաբեանի հրամանով դուրս էին արուած դպրոցից, որովհետեւ «բրուս» բառը հոլովելիս, աղայի առաջ ծիծաղելի հնչիւններ էին հանել բերաններից: Այս բոլոր կատարուածի համբաւը հասնում է կաթուղիկոսի ականջը. նա մի նամակ է գրում այդ առթիւ Սերովբէին և գնում Յովհաննէսին գրած թղթի մէջ բաց, որ նա էլ կարգայ: Այդ բաց նամակի մէջ Վահագաւոր զրել էր Սերովբէին, թէ «Ոչ բարեռք զաստիարակես», այսինքն լաւ չես խրատում առաջնորդին: Բայց այս էլ խրատ չի լինում առաջնորդին. նա 1814 թուին գնում է Մոսկով և Լազարեան Յովակիմ աղայի խնդիրքով քահանայ է ձեռնադրում Հաշտարխանցի բաշմաղչի Մանուկի որդուն Գէորգ Ալամդարեանին, անունը փոխելով Յարութիւն, որին Եփրեմը դեռ իւր առաջնորդութեան օրով հրամայել էր հոգեւոր կոչումից հանել ⁶⁾:

(Յաջորդ թուով)

ԵՐՈՒԱՆԻ ԶԱՅԱԶԻՉ

Փ Ր Ե Դ Ե Ր Ի Մ Ի Ս Թ Ր Ա Լ

ՄԻՐԷՅՕ

Պրովանսական քերթուած

ԵՐԳ ԱՌԱՋԻՆ

ԼՏՏԵՆԻՆԵՐՈՒ ԱԳԱՐԱԿԸ

Կ'երգեմ աղջիկ մը Փրովանսի:
Իր մատաղատի տարփանքներուն մէջ,
Մեր Բրօին մէջէն, ցորեններն ի վար, ու դէպ-ի ծովը,
Խոնարհ աշակերտ մեծ Հոմերոսին,
Կ'ուզեմ էնոր հետեիը:
Որովհետեւ ագարակի աղջիկ մ' էր լոկ,
Քիչ է խօսուած էնոր մասին Բրօէն դուրս:

Թէպէտ էնոր ճակատը կը փայլէր միայն
Երիտասարդութեամբ, թէպէտ և էն չունէր
Ոչ ոսկի ապարօշ, ոչ դամասկեան լօղիկ,
Կ'ուզեմ որ փառքի մէջ՝ Թագուհիի մը պէս
էն բարձրանայ, և փայփայուի արհամարհուած մեր լեզուովը,
Վասըն զի մենք ձեզի՝ համար միայն կ'երգենք,
Խաշնաւածներ 'ւ ագարակի բնակիչներ:

Ո՛վ Տէր Աստուած իմ հայրենիքիս,
Դուն որ ծընար հովիւներուն մէջ,
Բոցավառէ խօսքերս ու շունչ տուր ինձի.
Կանանչներուն մէջ, դուն գիտես,
Յօդերուն ծոցն, արեւուն տակ,
Երբ հասուննան թուզերն, անկուշտ գայլի պէս՝
Մարդը կուգայ և պողաթափ կ'ընէ ծառը:

Բայց ծառին վրայ որուն ոստերը կը կոտրէ,
Դուն նորէն ճիւղիկ մը կը բուսցընես
Որուն անկարող կ'ըլլայ անյագ մարդն իր ձեռքն հասցընել,
Գեղեցիկ ընձիւղ մը վաղափութիթ,

Անուշահոտ, և կուսական,
Որ յուլիս ամսուն կը դառնայ աղւոր պըտուղ մը հասուն,
Ուր կուգայ իր քաղցը յագեցընել թռչունն օդաչու:

Կը տեսնեմ ահա այդ ճիւղը քնքուշ,
'Ի անոր թարմութիւնն հոգիս կը մոգէ.
Կը տեսնեմ հովուն տակ երկնքին մէջ օրօրուիլն անոր
Տերկներուն՝ անմահական պըտուղներուն:
Ո՛վ աղւոր Աստուած, բարեկամ Աստուած,
Թոյլ տուր ինծի որ փրովանսեան լեղուին թևով
Թռչուններու ճիւղին հասնիմ:

Ռոնի ափին վրայ, կաղամախներուն
Եւ ուռիներու շարքերուն միջև,
Ջուրէն կըրծուած խեղճ հիւղի մը մէջ,
Կողովագործ մը կը բնակէր
Որ ագարակէ ագարակ կ'անցնէր
Իր որդիին հետ ու կը նսրոգէր
Քակուած կողովներ, ծակած սակառներ:

Օր մ' որ արտերէն այդպէս կ'երթային
Իրենց ոգորի մորճերու երկայն տրցակներովը,
—Հայր, ըսաւ Վինսեն, արեւ նայէ.
Կը տեսնեմ հունա, Մակլոնի վերև,
Ամպի սիւներն՝ որ գայն ահա կը պաշարեն.
Եթէ այդ պատնէշն այսպէս կուտակուի,
Հայր, տուն չըհասած՝ թերեւս թըրջինք:

—Ծովու հովն է որ կը շարժէ տերկները,
Չէ, անձրև չի գար, ըսաւ ծերունին.
Ա՛, տարբեր բան՝ եթէ փըշողն
Արեմտեան հովն ըլլար:
—Հայր, ռըքան արօր կը բանեցընեն
Լըտտենիներու ագարակին մէջ:
—Վեց, պատասխանեց կողովագործը.
Քրօի ամենէն մեծ կալուածներէն մէկն է անիկա:

Նա, չի տեսներ հոն՝ ձիթենիներու իրենց մեծ այգին.
Անոնց մէջը կան քանի մը շարքեր որթետունկերու
Ու նշենիներու... Բայց էն աղւոր բանն, ըսաւ՝ իր խօսքը
Կտրելով (և այս կողմերն ատոր պէս երկու հատ չըկայ)
Սա է որ այնքան ծառուղի կայ հոն
Որքան օր ունի տարին, և անոնց ամէն մէկուն մէջ

ձիշդ այնքան ծառ կայ՝ որքան ծառուղի:

— Բայց, ըսաւ Վինսեն, զարմանալի բան,
Ո՛րքան հաւաքող պէտք է ունենալ՝
Քաղելու համար ձիթապլտուղներն այդքան ծառերու:
— Օ՛, այդ բոլորն ալ կ'աւարտի դիւրաւ.
Պօի աղջիկներն, Ամենայն Սրբոց տօնը երբոր գայ,
Կարմիր կամ նըշագոյն ձիթապլտուղներով
Կը լեցնեն ինչքան տոպրակ կայ ու սաւան...
Երգելով երգելով, աւելի ալ ըլլար՝ պիտի հաւաքէին:

Եւ Ամպրուա կ'շարունակէր դեռ խօսիլ...
Եւ ահա արեւն որ կ'անհետանար բլուրներուն ետին,
Ամենէն աղւոր գոյներով կ'երփնէր ամպերը թեթեւ.
Եւ երկրագործները՝ զոյգ զոյգ լծուած ջորիներուն վրայ,
Կը դառնային, յամր, իրիկուան ճաշին,
Խըթանը ցըցած...
Եւ գիշերը մութնալ կը սկըսէր հեռաւոր ջրամարգերուն մէջ:

— Ահա արդէն կ'ընդնշմարուի կալին մէջ
Յարդի դէզին կատարը,
Ըսաւ Վինսեն, ալ վախ չունինք անձրեւէ:
— Այդտեղ կ'աճին ոչխարները.
Ամառը, անտառն ունին շոճերու
Եւ ձմեռը՝ դճաւը գայլախաղուտ,
Յարեց ծերունին... Հոգ ամեն բան կայ.

Եւ ծառի բոլոր թաւուտներն այդ մեծ
Որ կղմինտըրներուն վըրայ շուք կը ձգեն,
Ո՛ւ այդ աղւոր աղբիւրն որ ձկնարանի մը կը հոսի,
Եւ մեղուի այդ փեթակները բոլոր
Որ անձնիւր աշնան կը կողոպտուին
— Եւ երբ մայիսը հասնի,
Լըտտենիներն ի վար հարիւր պարս կըկախեն.

— Բայց այս ամբողջ կալուածին մէջ՝
Ինծի համար Էն հաճելին, ըսաւ Վինսենը յանկարծ,
Ագարակին աղջիկն է.
Եւ եթէ դեռ կը յիշես,
Էնիկա մեզ անցեալ տարի շինել տըւաւ
Ձիթապլտուղ հաւաքողի երկու կողով,
Ու երկու կանթ դընել տըւաւ իր սակառին:

Խօսուըտելով այսպէս՝ հասան

Դըրան առջև.

Աղջիկը կերը տըւեր էր շերամներուն,

Ու սեմին վրայ, ցօղին տակ,

Հիմա կուգար կարժ մ' ոլորել.

— Բար' իրիկուն ամենուդ,

Ըսաւ ծերունին գետին նետելով մորճերն ոգորի:

— Աստուծու բարին, Ամպրուս վարպետ,

Ըսաւ Միրէյօ. տեսէք, իլիկիս ճոթը կ'անցընեմ.

Բայց դուք ինչո՞ւ այսպէս ուշ էք մընացեր.

Ո՞ւրկից կուգաք, վալապրեկէն:

— Այո. և մեր ճամբուն վըրայ պատահելով ագարակը

Լըտտենիներուն,

Ուշ է՝ ըսինք, երթանք գիշերն յարդի դէզին տակ պառկինք:

Եւ կողովագործն իր որդիին հետ

Գընաց տափանի մը վըրայ նըստաւ.

Պօսիլն ալ ձըգած, երկուքը մէկէն

Կիսկատար մնացած կողով մը սկըսան

Հիւսել եռանդով,

Եւ իրենց խուրճը քակելով,

Կ'ընդելուզէին ու կը պրկէին ոգորներն հըլու:

Վինսեն տասնըվեց տարեկան չըկար.

Բայց մարմինով ինչպէս դէմքով՝

Աղւոր կտրիճ մըն էր, հուժկու շինուածքով,

Ճիշդ է՝ բաւական թուխ երեսներով,

Բայց սև հողը միշտ

Ազնիւ ցորեն կը բերէ,

Ու սև խաղողէն կը հանուի գինի մ'որ պարել կուտայ:

Ինչ կերպով պէտք է ոգորը

Պատրաստուի ու գործածուի,

Շատ աղէկ գիտէր. ըսել չէ թէ նուրբ

Գործերու վերայ կաշխատէր ան սովորաբար,

Այլ կը յօրինէր գրաստի զամբիւղներ,

Ամէն ինչ որ ագարակի մէջ պէտք է,

Շէկ հողնոցներ ու յեսանի պատեաններ,

Ճեղքուած եղէգէ սակառներ, շուտով ծախուելիք բաներ,

Կորեկէ աւելներ,

Եւ դեռ ուրիշ ասոնց պէս շատ մ' իրեղէններ

Արագ արագ կը շինէր, լաւ, շնորհալի,

Վարպետի ձեռքով...:

Բայց հանգչած արտէն ու տափաստանէն
Արդէն մարդիկն աշխատելէ դարձած էին:

Դուրսը, զով օդուն,
Մէրէյօ, քնքուշիկ ագարակապանուհին, քարէ սեղանին վրայ
Բանջարեղէնի աղցանը դրեր էր.
Բեռնաւորուած լայն պլնակէն,
Իւրաքանչիւր ծառայ՝ տօսախէ զըզալի խոշոր հարուածներով՝
Բակլաններն արդէն կը խլէր կը քաշէր:
Ծերն ու իր որդին դեռ կը հիւսէին:

—է՛, չէ՞ք գար ընթրել, Ամպրուա վարպետ,
Ըսաւ Ռամոն վարպետն՝ ագարակին տէրը,
Իր քիչ մը վէս ձեռով.
Ա՛լ մէկդի դրէ՞ք կողովը.
Չէ՞ք տեսներ, աստղերն ահա ծագեցան:
Միւրէմ, շուտով ըսկուտեղ մը բեր.
Սեղանին քով եկէ՞ք, յոգնած ըլլալու էք:

Ահ կուգանք, ըսաւ Ամպրուա վարպետը.
Ու քարէ սեղանին դէպի մէկ անկիւնը
Եկան մօտեցան ու հաց կտրեցին.
Միւրէյօ, գողտր և աշխոյժ,
Չէթով համեմեց պլնակ մը բակլայ,
Յետոյ վազն ի վազ բերաւ զայն ձեռքովն անոնց հըրամցուց:

Տասնհինգ տարու էր Միւրէյօ.
Կապոյտ գետնափ Փօն-վիէօի,
Եւ դուք, Պօի բըլուրներ,
Եւ դուք, ռվ Բրօի դաշտեր,
Անկից ի վեր այլ ևս էտոր նըման աղւոր չըտեսաք:
Ջըւարթ արեւ հասուցեր էր զէնիկա.
Ու թարմ, անմեղուկ,
Դէմքն այտերուն վըրայ երկու փոսիկ ունէր:

Էնոր նայուածքը ցօլ մըն էր
Որ ամէն ցաւ կը փարատէր...
Նըւազ անուշ, նըւազ մաքուր է աստղերուն ճաճանչը.
Մագերը, վերէն վար խոպոպաւոր,
Սև կը փայլէին.
Եւ կուրծքը կըլոր
Դեղձ մըն էր կրկին՝ դեռ ոչ շատ հասուն.

Եւ խօլագուարթ ու կայտառ,
 Ու քիչիկ մ' ալ վայրենի...
 Գաւաթ մը ջուրի մէջ՝ տեսնելով այդ բոլոր շնորհը՝
 Մէկ ումպով խրմել պիտի ուզէիք:
 Յետոյ, երբ անձնիւրն՝ ըստ սովորութեան՝
 Իր գործին վերայ ըսելիքն ըսաւ,
 (Ինչպէս, վախ, վախ, վախ, հօրկանս օրով՝ մեր ագարակին
 մէջ),

— Նայինք այս գիշեր, Ամպրուան վարպետ,
 Ի՞նչ պիտի երգես,
 Ըսին, ասիկա քընացողներու ընթրիքն է կարծես:
 — Սոս եղէք, տըղաք. ծաղրողին վերայ,
 Ըսաւ ծերունին, Աստուած կը փըչէ
 Ու հոլի նըման գայն կը դարձնէ.
 Դձուք ինչու չէք երգեր, դուք որ երիտասարդ էք և ուժով:

— Ամպրուան վարպետ, ըսին մըշակներն,
 Իրաւ, կատակով չէ որ կը խօսինք.
 Տես, Քրօի գինին հիմայ գաւաթէդ դուրս պիտի յորդէ.
 Բաղինքնք բաժակնիս, հայրիկ, ու կոնծենք:
 — Ա, իմ ժամանակս երգիչ էի ես,
 Ըսաւ այն ատեն կողովագործը.
 Բայց ի՞նչ ընենք, հիմայ՝ ճաթած են հայլիներն*):

— Ամպրուան վարպետ, զըւարթացնելու համար մեզ,
 Կըտոր մը երգէ, ըսաւ Միւրէյօ: խնդրեմ,
 — Աղւոր աղջիկ, պատասխանեց Ամպրուա,
 Նըման է իմ ձայնս հատաքաղ հասկի,
 Բայց քեզ հաճելի ըլլալու համար պատրաստ է արդէն:
 Եւ անմիջապէս սա երգն ըսկսաւ,
 Պարպելէ ետք իր գինիի գաւաթը:

Ա.

Սուֆրեն պայլն բը ծովու վըրայ կը հըամայէ,
 Նըշանը տուաւ նաւհանգըստին մէջ Թուլոնի.
 Ահա Թուլոնէն կը մեկնինք մենք՝ հինգ հարիւր փրովանսցի:

*) Հայլիները ձաթում են (Li mirau soun creba): Փրովանսական լեզուին մէջ, mirau (հայելի) կը կոչուին այն երկու փայլուն ու հնչուն փոքրիկ թաղանթները զոր ճպուռներն ունին իրենց փոքրին տակ և որոնք՝ շփումով՝ յառաջ կը բերեն այն աղմուկը որ իրենց երգը կը համարուի: Երբ մէկը ծերանալով՝ ձայնը մարի, առածի կարգ անցած է ըսել՝ «Հայլիները ճաթել են»: Ծ. Հ.

Անգլիացւոյն յաղթելու մեծ էր փափաքնիս.
Ա՛լ չէինք ուզեր մեր տունը դառնալ՝
Անգլիացիին կորակոր փախչիլը դեռ չըտեսած:

Բ.

Սակայն առաջին ամիսը որ մենք կը նաւարկէինք,
Ոչ մէկը տեսանք բայց եթէ միայն
Թեքափայտերուն մէջ հարիւրներով թաչող որորներն:

Բայց երկրորդ ամսուն,
Փոթորիկ մը մեզ բաւական տանջեց,
Գիշեր ցերեկ կը պարպէինք նաւուն ջուրը.

Գ.

Բայց երրորդ ամսուն, ալ կատաղութիւն եկաւ վըրանիս,
Արիւննիս կ'եռար՝ մարդ չըգտնէինուս
Որ կարենայինք մեր Թնդանօթովն աւելի ու սրբել:

Այն ատեն Սուֆրեն՝ «է, տըղաք, կայմին թակաղանդն
ելէք»,
Հսաւ, և յանկարծ, սարապանը՝ վար ծըռելով՝ հեռուն
Արաբական ծովափին կողմը կընայի:

Դ.

— Է՛, աչքերնիս լոյս, գոչեց սարապանն, ահա երեք
Խոշոր նաւ շիտակ մեր վըրայ կուգան: հատ
— Շուտ, տըղաք, պատրաստ, շուտ, Թնդանօթները տեղն
անցուցէք,

Պոռաց իսկոյն ջոջ նաւազը.
Թող Անտիպեան թուզերը նախ շօշափեն,
Յետոյ մենք անոնց ուրիշ կողովէ մը կըհրամցընենք:

Ե.

Խօսքն աւարտած չէր տակաւին, և բոց մ' ահա կերևայ.
Քառասուն ուսմը մէկէն կերթան փայլակի պէս
Անգլիացւոյն ծակել նաւերն արքայական...

Նաւերէն մէկուն հոգին լոկ մընաց:
Ա՛լ ուրիշ բան չի լըսուիր բայց Թնդանօթի ձայնը խռպոտ,
Տախտակներու ձայնիլն ու մոռնչը ծովուն.

Զ.

Բայց թշնամիէն հիմա մենք հազիւ մէկ քայլ հեռու ենք.
Ի՛նչ երջանկութիւն, ախ, ինչ հեշտութիւն.
Սուֆրեն, անվախ ու գունատ,

Եւ որ ծածքին վըրայ անշարժ կը կենար,

—Տղաք, պոռաց վերջապէս, ալ կրակ մի ընէք,
եւ էքսի իւզով զանոնք լաւ մ'օծենք:

Է,

Խօսքը դեռ բերանն էր, և ահա մեր նաւուն մարդիկը
կ'առնեն գեղարդ, սուրն, տապար:

Ճանկը բռնած, փրովանացիները խիզախ

կը գոչեն՝ «Սըւոնց նաւերը մտնենք».

Ու մէկ ոստումով անոնց նաւերուն մէջը ցատկեցինք,

Ու այն ատեն ըսկըսաւ մեծ կոտորածը:

Ը.

Ի՞նչ բուռն հարուածներ, ի՞նչ սարսափելի արիւնհե-
ղութիւն.

Այն ի՞նչ շըռինդ կը հանեն կայմն որ կը կոտորի,

Ու ծածքը նաւուն որ նաւազներուն ոտքին տակ կը փլի:

Քանի քանի Անգլիացի ծովը կ'թափին,

Մերոնց շատերն Անգլիացի մը կոկորդէն կը բռնեն

Ու թաթերնուն մէջ զայն սեղմած կը սուզուին խորը ջուրին:

—Անհաւատալի կերեան ասոնք ձեզի, այնպէս չէ՝

Ըսաւ բարի ծերուկն իր երգն ընդմիջելով.

Սակայն ճիշտ այնպէս եղած է ինչպէս երգը կը պատմէ.

Ճշմարիտ, կրնանք աներկիւղ խօսիլ,

Ես ինքս հոն էի, դեկն էի բռնած.

Ահա ինչու, հազար տարի ալ ապրիմ,

Ատիկա մըտքէս պիտի չելլէ բնաւ:

—Ի՞նչ, դուն մասնակցե՞ր ես այդ մեծ կըռուին.

Բայց ինչպէս մանգաղ մը մուրճին ներքեւ որ զայն կը ծեծէ,

Մէկի դէմ երեք՝ անոնք յաղթեցին ձեզ անտարակոյս:

—Ո՞վ, ըսաւ՝ զայրոյթէն ծառացած՝ ծեր նաւազն, Անգլիա-
Յետոյ՝ ժպտելով ցինները...

Ընդհատուած երգը խրոխտաբար շարունակեց:

Թ.

Արիւնի մէջ ոտնաթաթախ, այդ պատերազմը տևեց
Ժամը երկուրէն մինչև գիշերը:

Ու երբ վառօդն ալ աչքերնիս կուրցընելէ դադրեցաւ,

Հարիւր հոգի կը պակսէր մեր ցոկանաւէն,

Բայց երեք նաւ, երեք, ծովուն տակը գացին,

Երեք աղւոր նաւ Անգլիոյ թագաւորին:

Ժ.

Յետոյ երբ քաղցր հայրենիքնիս կը դառնայինք,
 Հարիւր հատ ոււմբ տանելով մեր նաւուն կողերը մխուած,
 Առագաստակալը կըտոր կըտոր, և առագաստները բըզիկ
 Պայլն անուշբրան, կատակի ձևով, բըզիկ,
 —Ընկերներ, ըսաւ, դուք հոգ մի ընէք,
 Ես Փարիզի Թագաւորին պիտի խօսիմ ձեր մասին:

ԺԱ.

—Ո՛վ մեր ծովակալ, քու խօսքդ անկեղծ է,
 Պատասխանեցինք, Թագաւորն անշնչտ քեզ մըտիկ կընէ,
 Բայց մեզ պէս խեղճուկ նաւաստիներու ինչ պիտի շնորհէ:

Զըգեցինք մեր տունն ու մեր ծովափը,
 Եւ իրեն համար վագեցինք կռուիլ ու զինք պաշտպանել.
 Կը տեսնես սակայն որ պէտք եղածին հափ հաց իսկ չունինք:

ԺԲ.

Բայց օր մ' երբ երկինք երթաս, դուն յիշէ,
 Երբ խոնարհին պիտի ամենքը փառաւոր անցքիդ շուրջը,
 Յիշէ որ ոչ ոք քու նաւազներուդ պէս քեզ կը սիրէ:

Դառնալէ առաջ մերին գիւղերը,
 Ո՛վ բարի Սուֆրէն, եթէ կարելի ըլլար ատիկա,
 Թագաւոր ըրած քեզ ձեռքի վըրայ կը պտըտցնէինք:

ԺԳ.

Մարթէկցի մըն է, որ՝ իրիկուն մը՝
 Ուռկանը ձգելով՝ այս հրգն յօրինեց.
 Սուֆրեն Պայլն ելաւ Փարիզ մեկնեցաւ:

Ու կըսեն թէ անոր փառքին
 Նախանձեցան մեծամեծներն այդ երկրին,
 Եւ իր նաւազներն ալ անոր երեսն երբէք չը տեսան:

Ճիշտ ժամանակին ծեր կողովագործն
 Իր ծովային հրգն աւարտեց,
 Վասնզի քիչ մընացեր էր որ արցունքէն ձայնը խըղղուէր.
 Բայց մըշակներուն համար շատ շուտով էր ան աւարտած,
 Որովհետեւ անխօս, մըտքերնին արթնցած
 Բերաննին կիսաբաց,
 Երգն աւարտելէն յետոյ դեռ երկար մըտիկ կընէին:

— Եւ ահա, ըսաւ, մին այն հրգերէն

Որ կ'երգըւէին երբ Մարթա կ'մանէր *),
 Գեղեցիկ էին, տըղաք, այդ երգերն ու քիչ մ'երկնկէկ,
 Եղանակն հինցած է, սակայն ինչ փոյթ.
 Հիմա կ'երգեն նոր նոր երգեր
 Փրանսերէն լեզուով, ուր կը գտնուին
 Աւելի նուրբ բառեր, բայց ո՞վ կը հասկընայ:

Եւ ծերունիին այս խօսքին վըրայ
 Երկրագործները՝ սեղանէն ելլելով՝
 Գացած էին իրենց զոյգերը տանելու
 Աղւոր հոսուն ջուրին մօտ,
 Եւ կախ ոստերով արիշին ներքե
 Վալապրեկցի ծերուկին երգը մըմալով,
 Զորիններնուն ջուր կը խըմցընէին:

Բայց Միրէյօ, միս-մինակ
 Մընացեր էր, ծիծաղկոտ,
 Ապրուա վարպետին որդւոյն Վինսենին հետ.
 Երկուքը մէկտեղ կը խօսակցէին
 Եւ իրենց գլուխները կըհակէին իրարու վըրայ
 Ինչպէս երկու ծաղկափըթիթ քապրիտէլ **)
 Զոր զըւարթ հովիկ մը վար կը ծռէ:

— Վինսեն կըսէր Միրէյօ,
 Երբ քո ժըժանդը շալկած՝
 Կը թափառիս հոս հոն՝ կողով նորոգելու,
 Ո՞վ գիտէ ռըքան, ռըքան տեսած ես՝ պըտոյտներուդ մէջ,
 Հին հին դղեակներ, վայրենի տեղեր, գեղեցիկ վայրեր,
 Աղւոր հանդէսներ, ուխտատեղիներ:
 Մենք աղանոցէն դուրս ելած չունինք:

— Ծիշտ է ըսածդ, օրիորդ,
 Հաղարջներուն թըթու համէն
 Ծարաւն այնքան կ'անցնի որքան ամանէն ջուր խըմելէն.
 Եւ գործ գտնելու համար եթէ պէտք է ենթարկուի
 Օդին խստութեանց,
 Ծամբորդութիւնն իր հաճոյքներն ունի նորէն,
 Եւ ճանապարհին շուքը տաքութիւնը կը մոռցընէ:

*) «Երբ Մարթա կը մանէր», առածաձև ասացուածք որ կը նշանակէ «աւելի երջանիկ ժամանակի մը մէջ, հին բարի ատենը»:

**) Քապրիսել, տունկ մը որ շատ տարածուած է հարաւային Ֆրանսայի ջրամարգերուն մէջ:

Այսպէս, բիշ օրէն երբ ամառը գայ,
 Զիթապըտուղի ծառերն երբ ծաղկի
 Ողկոյզներով ծածկըւին,
 Ծեփ-ճերմակ դարձած այգիներուն մէջ,
 Հացիներուն վրայ, քըթերնիս հովուն,
 Յովհաննաճանճն որսալ կ' երթանք՝
 Երբ՝ էն տաք օրերուն՝ կափ-կանաչ կը շողայ:

Սանուկալաններն՝ յետոյ մինէ ծախու կառնեն զանիկա:
 Թըզուկ-կաղնիներով ծածկըւած դաշտերուն մէջ որգան
 կարմիրը
 Կը քաղենք, ու մերթ կընթանք լըճերուն մէջ տըզրուկ
 Ա՛խ, ի՜նչ սիրուն ձկնորսութիւն.
 Ոչ ուռկանի պէտք կայ և ոչ ալ խայծի.
 Կը բաւէ ոտքով զով ջուրը տրորել,
 Ու ազրուկն ինքնին կուգայ կը փակչի մեր սըրունգներուն:

Բայց, խեղճ աղջիկ, գացած չեմ բնաւ Մարիամներուն
 ուխտատեղին.

Հոն է որ կ' երգեն. այնտեղ հիւանդներ
 Ամէն կողմէ կը բերեն.
 Մենք այնտեղ էինք տօնին ատենը:
 Իրաւ է՝ փոքրիկ էր եկեղեցին,
 Բայց որքան ճիշեր, ու որքան ուխտի նըւէրներ այնտեղ.
 — Ով սրբուհիներ, զօրքերնուդ զուրբան, գըթացէք մեզի:

Մեծ հրաշքին տարին է... ա՛խ, տէր Աստուած,
 Այն ի՜նչ տեսարան...
 Տըղայ մը կուլար, գետինը փըռուած,
 Վըտիտ բայց աղւոր՝ սուրբ Յովհաննէսին պէս. ու ողբագին՝
 «Ո՞վ սրբուհիներ, դարձուցէք ինծի աչքերուս լոյսը,
 Կըսէր, ու ձեզի բերեմ իմ գառնուկըս եղջերաւոր:

Անոր շուրջն ամենքը կ'արտասուէին.
 Եւ նոյն ատեն դանդաղօրէն, նշխարապահ արկղերը
 Վար կիջնէին ժողովրդին վրայ ծնկաչոգ,
 Եւ երբ չըւանը կը թուլնար, ամենքը մէկ՝
 Ինչպէս մեծ հով մ' անտառին մէջ, կը գոչէին,
 «Ազատեցէք մեզ, չարխափան սրբուհիներ»:

Բայց իր կնքամօր բազուկներուն մէջ,
 Երբոր իր փոքրիկ բարակ ձեռքերով
 Տըղան կրցաւ դռչիլ երեք երանելի

Մարեամներուն մասունքին,
 Հըրաշագործ այն արկղերուն կառչեցաւ
 Փարումովն ուժգին նաւաբեկեալին
 Որ ծովուն մէջ կը փաթըթւի տախտակի մը:

Բայց հազիւ իր ձեռքը գորովագին
 Սրբունիներուն մասունքը բռնեց,
 —Աչքովըս տեսայ—յանկարծ գոչեց ան՝
 Ըսքանչելի հաւատքով մը.
 «Հրաշագործ արկղէն ահա կը տեսնեմ,
 Կը տեսնեմ մեծ-մայրս արցունքներու մէջ.
 Շուտ, շուտ, երթանք, բերենք գառնակս եղջերաւոր»:

Եւ քեզ ալ, օրիորդ,
 Աստուած պահէ թող աղւոր ու երջանիկ.
 Բայց օր մ'օրանց՝ եթէ շուն, գայլ, մողէս կամ օձ մ' ահագին
 Կամ մէկ ուրիշ թափառական անասուն մը
 Քեզ իրեն սուր ակռաներովը խայթէ,
 Դժբաղդութիւնն եթէ ուժերդ քամէ,
 Սրբունիներուն զընն աղօթէ, և շուտ կը բուժուիս:

Այսպէս ժամերը կանցնէին գիշերունան.
 Սայլակը՝ թափուր՝
 Անիւներուն կ'արձակէր շուքն ոչ շատ հեռու.
 Զրամարգերուն մէջ կը լսուէր մերթ հընչելը
 Բոժոժի մը.

Եւ բուհճակն երազուն
 Սոխակներու երգին իր ողբը կը խառնէր:

—Բայց քանի որ այս գիշեր լոյսը լուսնակին
 Ծառերուն ու ջրկոյտներուն վրայ է զարկեր,
 Կուզե՛ս, ըսաւ Վինսեն, արշաւ մը պատմեմ՝
 Ուր քիչ մընաց որ մրցանակն ես առնէի:
 —Սիրով, ըսաւ պատանուին միամիտ.
 Եւ աւելի քան երջանիկ, շունչը բռնած,
 Վինսենին մօտեցաւ:

—Նիմ քաղաքին Հարթավայրին վերայ էր
 Որ այդ արշաւը կը տրուէր,
 Բազմութիւն մը՝ դիզուած,
 Գլխու մագէն աւելի խիտ,
 Խոնրւեր էր այնտեղ՝ հանդէսը տեսնելու:
 Գլխաբաց, բոպիկ, թիկնոցակն հանած, շատ մը վազողներ

Մրցարանին մէջտեղն արդէն եկեր էին:

Ամենքն յանկարծ կը նշմարեն Լակալանթօն,
Վագոդներու թագաւորը,
Որուն անունն անտարակոյս
Քու ականջդ ալ հասած է,
Այդ հռչակաւոր Մարսիլիացին,
Որ շնչասպառ ըրեր է շատ, շատ անգամ
Փըրովանսի 'Լ Իտալիոյ էն դիմացկուն մարդիկը:

Ժան Քուէսսօ Սենիսկալէն պէս ազդրեր
Ու սըրունգներ ունէր ան.
Ունէր անագէ պընակներ՝ դարակ մը լեցնելու չափ,
Ուր իր արշաւներն էին փորագրուած.
Ունէր անքան ճոխ պատուոյ գօտիներ,
Որ գամերուն վըրայ իր տանը մարդակին՝
Պիտի կարծէի տեսնել ծիածանն ամբողջ պարզւած:

Բայց անմիջապէս, գլուխին ծռելով,
Միւսները նորէն կը հազնին իրենց թիկնոցակները.
Լակալանթօն հետ ոչ ոք մրցիլ կը համարձակի.
Քրի անունով պատանի մը՝
Բարակ կազմով, բայց ջըլպինդ սըրունգներով,
Այդ օրն եկած Նիմ էր բերած իր կովերը.
Միայն անիկա
Յանդգնեցաւ զայն մրցումի հրաւիրել:

Ես որ դիպուածով ներկայ էի հոն,
«Է՛, հէ՛րն անիծած, պողացի յանկարծ,
Մենք ալ վագոդ ենք»: Զըսած ըլլայի.
Ամենքը վրաս թափեցան՝ «Շնուտ, վագէ տեսնենք»:
Հեղ մը մըտածէ. մինչև այն ատեն՝ դաշտերուն մէջէն,
Կաղնիները լոկ ունենալով ինձ իբր հանդիսատես,
Կաքաւներու ետեւէն լոկ էի վագած,

Ա՛լ պէտք եղաւ որ ասպարէզ ելլէի.
Լակալանթօն զիս տեսնելուն, սապէս կեցուց.
— Խեղճ տըղաս, դուն կրնաս կապել կօշիկներդ:
Ու նոյն ատեն կը պարփակէր
Մըկանունքներն իր պըրկըւած ազդրերուն՝
Մետաքս վարտիքի մը մէջ՝ որուն շուրջը կը կախուէին
Տասն ոսկի բոժոժ:

Հանգչեցընելու համար շունչերնիս, շրթունքներնուս մէջ

Կ'առնենք ծղօտ մ'ուռնենի.
 Բարեկամի պէս՝ ամենքս իրարու ձեռք կը սեղմենք շուտ.
 Անհամբերութեամբ դողալով ամբողջ,
 Արիւննիս եռ ելած, երեքս ալ՝ ոտքերնիս
 Գրծին վըրայ դնելով ու վերցընելով, նըշանին
 Կը սպասենք: Նըշանն ահա կը տըրուի.

Փայլակի պէս, երեքս ալ դաշտը կը լափենք,
 Ես եմ, դո՛ւն ես. ասպարէզին մէջ ընդարձակ՝
 Փոշիի յորձանք մը մեր ոստումները կը պաշարէ.
 Օդը մեզ կը տանի, մազերնիս կը մըխայ.
 Ա՛խ, այն ի՛նչ եռանդ, ի՛նչ վազք մոլեգին,
 Այնպէս բուռն էր մեզ վառող կրակն, որ վայրկեան մը
 Կարծեցին թէ պիտի երեքս ալ մրցանակը շահէինք.

Վերջապէս ես առաջ անցայ:
 Բայց ահա այդտեղ իմ բաղդըս դարձաւ:
 Վասն զի երբ խրոխտ ոգիի մը պէս՝
 Յիմարաբար կը սլանայի,
 Յանկարծ, ոգեսպառ ու գոյնըս նետած
 Ճիշտ այն պահուն ուր ես զանոնք կանցնէի,
 Շունչըս կըտրած ինկայ գետին փոռուեցայ:

Անոնք երկուքն, ինչպէս մեր էքս քաղաքին մէջ՝
 Խաւաքարտէ ձիերը որ կըպարեն,
 Կը սլանան քայլով մը կանոնաւոր: Մարսիլիացին
 Կըկարծէր արդէն թէ ապահով էր իր յաղթանակը.
 Մակայն, օրիորդ, Մարսիլիացին
 Մուրիէսցի Քրիին մէջ
 Իր մարդը գրտաւ:

Բազմութեան մէջէն,
 Արդէն մօտեցեր էին թիրախին.
 Տեսնելու էիր, աղւոր օրիորդ, Քրիին ցատքելը.
 Լեռներու վըրայ, որսարանի մէջ՝
 Չըկայ եղջերու ոչ ալ նապաստակ
 Որ վազելու մէջ այդքան ջիղ ունենայ:
 Լակալանթօ կը խոյանայ գայլի նըման ոռնալով:

Փառքով պըսակուած,
 Քրի մրցանակին ցիցը կըգրկէ.
 Բոլոր նիմցիք կ'երթան անոր մօտ կը վազեն.

Կ'ուզեն գիտնալ անունն անոր ծընած տեղին.
Անագէ պնակն արևուն տակ կըցուլայ.
Ծնծղաներն ուժգին կըհնչեն. ու սրինգը կ'երգէ. և Քրի
կը ստանայ պնակն անագէ:

— Իսկ Լակալանթօն, հարցուց Միրէյօ.

— Չոգած փոշիի մառախուղին մէջ
Ձոր կ'յարուցանէր ոտնահարութիւնը ժողովրդին,
Ան իր երկու ձեռքով ծունկերը կըսեղմէր,
Ու հոգին խոցուած
Այն անարգանքէն որ զինք կ'անպատուէր,
Ճակտէն ինկած քրտինքներուն առատ արցունք կը խառնէր:

Քրի մօտեցաւ ու բարեկց.

— Կապելայի մը ձողիքին տակ, եղբայր,
Եկհր, ըսաւ անոր, եկհր ինծի հետ,
Ձըւարճանանք այսօր, վաղուան ձգքէնք ողբը.
Եկհր, բարի յաջողութեան խըմենք մէկտեղ.
Այս մեծ կրկեսէն անդին, հոն, հեռուն,
Ինծի ալ քեզ ալ՝ դեռ շատ արև կայ:

Բայց վեր առնելով իր դէմքը գունատ,
Եւ իր մարմինէն որ կը դողդըղար
Փրցընելով ու հանելով ոսկէբոժոժ վարտիքը,
«Քանի որ տարիքն, ըսաւ, իմ ուժերըս կը խորտակէ,
Առ, քովեղ է աս.
Երիտասարդութիւնը քեզ կը զարդարէ կարապի մը նըման.
Քեզի կ'իյնայ կըրել վարտիքն է՛ն ուժովին»,

Այսպէս խօսեցաւ.

Եւ խըռնըւած ամբոխին մէջ
Տըխուր՝ ծայրահատ հացիի մը պէս,
Անհետացաւ մեծ վազողը,
Ոչ Յովհաննու տօնին, ոչ սուրբ Պետրոսին,
Ա՛լ անկէ ետքը ոչ մէկ տեղ մը երևցաւ՝ վազելու:
Կամ ուռած տիկին վրայէն ցատքելու,

Լըտտենիներու Ագարակին մէջ,

Այսպէս Վինսեն բոլոր գիտցածը կը թափէր.
Եւ իրաւ-երեսները կը շիկնէին,
Սև աչքը բոց կ'արձակէր:
Շարժումներով ալ ըսածները կը շեշտէր,

Եւ իր խօսքերն առատ առատ կը հոսէին
Ինչպէս Մայիսի խոտերու վըրայ թօն մ'յանկարծական:

Ու ծղրիղներն, որ բունծերուն մէջ կ'երգէին,
Քանի հեղձանի մըտիկ ընելու համար՝ լըռեցին՝
Յաճախ, սոխակներն ու գիշերահաւն
Անտառին մէջ մունջ կեցան
Ու մինչև հոգոյն ալքերն ազդըւած
Կտրած ոտներու դէզին վրայ նըստուկ,
Միբէյօ պատրաստ էր մինչև լոյս աչքը չըզոցելու:

— Ինծի անպէս կուգայ, կ'ըսէր իր մօրը,
Թէ պարզ բանւորի տըղայ մ'ըլլալով՝
Հըրաշալի կը խօսի... Մայր, մեծ հաճոյք է
Ձըմեռը՝ քընանալ. բայց հիմայ, գիշերը
Այնքան պայծառ է որ չ'ուզեր մարդ քընանալ.
Դեռ կենանք մըտիկ ընենք: Եթէ իմ գիշերներս ամբողջ
Ու կենաքըս բոլոր զինքն ունկնդրէի՝ չէի կշտանար:

ԱՐՁԱԿ ՉՈՊԱՆԵԱՆ

«ԳԻՒԼԱՍԱՐ»

(ԱՆՏԻՊ ՎԵՊԻԿԻՑ)

Տ ա տ ը

—Աշխարհ ի՞նչ կասի, ա՛ղջիկ, արածիդ,
Ուղում ես կամովի խանի ճանկ ընկնել.
Մեղք արի ա՛նգութ, խեղճ նշանածիդ,
Զէ՞ որ երգուել ես նրան պատկանել:

Թ ո ո ը

«Քաղցր է ինձ համար ազիզ նշանած,
Հոգիս որ ուզի, կը հանեմ, կը տամ.
Բայց հայրս Զաւադ խանի բերդն ընկած
Ինձ է ձէն տալիս. ես ո՞նց չը գնամ:

Թուր էլ շողացնեն, երես չեմ թեքիլ,
Թո՛ղ տուր ժամ առաջ Գեանչի բերդ հասնեմ,
Կրակ էլ ածեն գոգս, չեմ վախիլ,
Միայն քաջ հօրս երեսը տեսնեմ:

Զուր ես ուշացնում աղաչանքներով,
Մահ ու տարտարոս աչքի տակ ունեմ.
Գետ, անտառ, լեռներ կանոնեմ վաղելով,
Միայն թէ հօրս վզով փաթաթուեմ:

Փառք պատիւներից վնուեց վեր դասել
Իմ սիրու համար բերդի սև օրը,
Զոհ կերթամ խանի կրակին ես էլ,
Միայն թէ բերդից փրկեմ իմ հօրը.

Քաղցր է ինձ համար ազիզ նշանած.
Հոգիս էլ ուզի, կը հանեմ, կը տամ.
Բայց հայրս, տա՛տի, խանի ճանկ ընկած
Ինձ է ձէն տալիս, ես ո՞նց չը գնամ:

Ա. ՔԱՄԱԼԵԱՆՑ

ԻԺԽԱՆ ԿՈՍՏԱՆՊԻՆ ԲԵՅՐՈՒԹԵԱՆԻ ՅԻՇԱՏԱԿԻՆ

Յետաշրջութեան յաղթանակի տարիներն էին, անցեալ դարու ութսնականի վերջերին, Ալեքսանդր Բ. կայսեր վերջին տարիների ազատագրական շարժման վերջին հալածականներն ապաւինել էին զաւառի անկիւններն և մասնուել անգործութեան: Այդ անկիւններում իսկ դրանք գործունէութեան ապարէզ էին գտել, եթէ անհնարին էր կենդանանալ և ընդհանուր պետական գործերում մասնակցել, հնար կարող էր լինել զաւառական կեանքի նեխուած ճահիճները ցամաքեցնելու... զոնէ այդպէս էին հաւատում շատերը:

Իշխան Կ. Բեհբութեանն էլ վերագարծէ էր Թիֆլիզ, իւր ծննդավայրը:

«Տիֆլիսի Վէստնիկի» խմբագրի կծու լեզուից, սրամիտ կատակներից և անողոր արգարամտութիւնից շատերն էին վախենում: Կովկասեան լրագրողների շրջանում իշխանն իսկոյն իւր արժանի աւեր գրաւեց, այդ շրջանի փայլուն մի խմբակ էր կազմուել այն ժամանակ Թիֆլիզում: Իշխան Դ. Էրիստովը, Իլիա Ճաւճաւաձէն, Ն. Նիկոլաձէն, Աբգար Յովհաննիսեան, Իգմայիլեան տեղական մամուլի և հասարակական գործերի ղեկը ձեռքերներին պահում:

Իշխան Կ. Բեհբութեանը քաղաքային վարկի ընկերութեան մէջ աչքի ընկնող դեր խաղաց բանալով հին վարչութեան զեղծումները, որի հետևանքն եղաւ հին վարիչների բանտարկութիւն և աքսորը:

Քաղաքային խորհրդարանի անդամ Կ. Բեհբութեանի սրամիտ յարձակումները բերնէ բերան էին թռչում: Այդ գործունէութեան պտուղն եղաւ փոխադարձ ապահովագրութեան հիմնարկութիւնը, որի առաջին տարիների վարիչն ինքն էր:

Անմասն չէր նա և աղգային գործերից. ընտրուելով Ներսիսեան դպրանոցի հոգաբարձութեան անդամ, եռանդուն հոգաբարձուներից մէկը դարձաւ: Հայերէն միայն Թիֆլիզու բարբառը գիտենալով չէր կարող աղգային գործերի մէջ իրեն վայել զիրքը բռնել, ուստի սկսաւ հայերէն ուսանել աւետարանի վրայ, միևնոյն ժամանակ, զգալով որ հոգևոր դպրոցի հոգաբարձուին վայել է և հոգևոր գիտութիւնների ծանօթութիւնը, առանձին եռանդով ուսումնասիրում էր աստուածաբանութիւնը:

Այսքան գործունէութիւնը դեռ քիչ էր թւում իշխանին, նա մտածեց եւրոպական ձևով ծաւալել ընթերցանութիւնը մեր երկրում, երկաթուղու կայարանների գրադարանները կապալով վեր առաւ և Բագու քաղաքի կենդրոնական հրապարակում (սպորապետ) մի սիրուն կիօսկ կանգնեց զրբեր վաճառելու համար: Սակայն զրբերն ու թերթերը դեռ չէին հետաքրքրում մեր երկրի բնակիչներին, գոնէ այնքան չէին հետաքրքրում, որ նրանք պահանջ զգային ուղևորութեան և անցորդութեան ժամանակ զիրք ու լրագիր գնեն, ուստի իշխանն ստիպուեցաւ ֆնասով ծախել այդ ամենն: Այսօր էլ դեռ կանգուն է իշխանի արևելեան ճաշակով շինել տուած կիօսկը Բագուի պարապետ կոչուած հրապարակում և այնտեղ զովացուցիչ բմպելիներ են վաճառում:

1890 թուի գարունն էր, Մակար կաթուղիկոսն յանկարծամար էր եղել և ամէն կողմից պատգամաւորներ էին զալիս էջմիածին կաթուղիկոսի թաղմանը: Ներսիսեան դպրոցի կողմից եկան Արզար Յովհաննիսեան ու իշխան Բեհբութեանը, ճանապարհին ուղեկցել էր նրանց պ. Փ. Վարդանեանը, որ իւր պերճախօս լեզուով նկարագրել էր Վաղարշապատն ու էջմիածինը:

Կառքից իջնելուն պէս պատգամաւորներն հետաքրքրուեցան կաթուղիկոսի մահուան արտակարգ հանգամանքներով և ապա իշխանը ցանկութիւն յայտնեց տեսնել վանքն ու շրջակայքը: Ղաղարապատից դուրս եկանք դէպի Ներսիսի հոյակապ լիճը:

—Այս ի՞նչ փառահեղ ջրամբար է, ասաց իշխանը, Ֆիլիպպ

Արտեմիչ. սա՞ է այն ճահիճը, ուր զործերը դիշերը նուազահանդէս են տալիս, որ լսելի է հռիփսիմէի վանքի մօտ:

—Այո՛, այո՛, միայն թէ այժմ գորտեր չը կան, սա մի հոյակապ շինուածք է, որով կարող է էջմիածինը պարծենալ...

—Կեցիր,—եղբայր, կեցիր, առաջ իշխանը, այժմ պիտի սկսես գովել այն, որ պարսաւել ես ճանապարհին, իսկ գովասանքդ էլ պիտի այնքան չտփաղանց լինի, որ ես դարձեալ զրկուեմ տեսածիս հրապոյրից:

—Բայց իշխան, յարեց Աբգարը, այն ժամանակ Ֆիլիպպր խօսում էր ճնշուած տրամադրութեան տակ, իսկ այժմ Մասիսների հոյակապ տեսքը, Ներսէսի սիրուն ձեռակերպը ողևորել է նրան, ամենայն ինչ կախուած է տրամադրութիւնից...

Դարձանք վանքն ու պատրաստուում էինք վեհափառի թաղման, ամենիս յուզողն էր մութն ապագան:

Թաղման տխուր հանդէսը վերջացել էր, միաբանութիւնն ու պատգամաւորութիւնը դուրս էր գալիս վանքի սեղանատնից, ուր մի ճառ վրդովել էր ամենին:

Հանգուցեալ Արիստակէս սրբազանի սնդգոյշ խօսքերը՝ թէ «կաթուղիկօսական աթոռի սև քօղը պիտի վերանայ ոռւսաց ամենաղօր կայսեր ձեռքով», դիւել էր պատգամաւորների սրտին, ամենքն ասում էին—«իսկ հայ ազգն, իսկ ընտրական իրաւո՞ւնքն» և տաք տաք վիճաբանում: Այդ միջոցին իշխանը լուռ էր, չը կարենայով հայերէն վիճաբանութեան մասնակցել, նա ձեռքով թափհարեց և ասաց.

—Նու մեղր ուտեց. արժէ՞ խօսել այդ մասին:

Այդ ուտիւնը քնաց այնուհետև իբրև թուռցիկ խօսք:

Անիշխանութեան կամ Երեմիական տեղապահութեան շրջանում կտտաղի կռիւ մղեց «Արձագանքը» էջմիածնի վարիչների դէմ, այդ կռուին անմասն չէր իշխանն և սուր զրչով ու եկեղեցական իրերի հիմնական ծանօթութիւնով:

Հետդիտել հայկական ասպարէզ մտնելով իշխանը սրեց իւր նուրբ զրիչը ժամանակակից հասարակական ախտերի դէմ և «Արձագանքի» ֆելիէտօններն այդ շրջանում ամենից աւելի

վնասած ընթերցանութիւնը դարձաւ: Արժէր դրանից քանի մի օրինակ արտատպել:

Կաթուղիկոսական ընտրութեան պայքարն անցաւ և Խրիմեանը ժամանեց Բաթում, ուր ընդառաջել էր և իշխան Կոստանդինը: Կեանքի փորձերով կրթուած և առերևոյթս անտարբերութեան հասած փիլիսոփայութեամբ օժտուած երկու գործիչները սկզբում շատ համակրեցին միմեանց, բայց վերջ ի վերջոյ Հայրիկի անսահման սառնասրտութիւնը դէպի ընթացիկ գործերը չափազանց թուեցաւ: Նոյն իսկ իշխանին և նրանք պաղեցան միմեանցից:

Հասաւ Գալիցիոյի սոսկալի շրջանը. ուժով խեղտուեցաւ ամենայն հասարակական և ազգային գործունէութիւն, փակուեցաւ և «Արծաղանքը»: Իշխանը կրկին մայրաքաղաք փոխադրուեցաւ, այնտեղ էլ հալածանքների հանդիպեց և մի առ ժամանակ Փարիզ էր ապաստանել:

Երկու ազատագրական շրջանն և իշխան Կոստանդինը կրկին Պետերբուրգ ժամանեց ու զրուեց իւր տեղը մայրաքաղաքի մամուլի գործօն շրջանի մէջ: Հասաւ այն ժամանակը, երբ կարող էր իրագործուել իշխանի հրատարակած ծրագիրը ծխի մասին, երբ կարող էր ծաղկել և սոհմական գործունէութիւնը, սակայն հակադիր ոյժերի կռիւն այնքան մեծ թափով էր սկսուել, որ այնտեղ ծերացած գործչի ուժերն այլ ևս չէին բուեր, նա գեռ պէտք է սպասէր կրքերի խաղաղուելուն:

Այս տարուն յուլիսի 25-ին սրբնթացք գնացքը Պետերբուրգից դէպի Փարիզ խորտակուեց և տարագիր իշխան Կոստանդինը զոհ գնաց այդ դիպուածին:

Պակասեցաւ և մի հին ու հասուն գործիչ:

ՆԻԿ. ՔԱՐԱՄԵԱՆ

ԳՐԱԿԱՆՈՒԹԻՒՆ ԵՒ ԿԵԱՆՔ.

Յեղափոխութեան օրեր և զեղարուեստական գրականութիւնը:—
Ի. Վեսելովսկին, հայոց կեանքը և գրականութիւնը:—Հայոց նոր
գրականութեան պատմութիւնը գրուած է:—Հայերը գերմանական
վէպերում:—Հայակերութիւն:

Ա.

Յեղափոխութեան օրեր—ահա այն անունը, որ պէտք է
կրէ մեր տաժանելի ժամանակը: Ամբողջ Ռուսաստանը «օրոր-
ւում է» և յայտնի է, թէ երբ պէտք է հանգստանայ: Եւ
զարմանալի է, որ այբքան ժամանակ է տևում («կրիզիսը».
դեռ շատ ժամանակ կարող է շարունակուել այս անորոշ դը-
րութիւնը: Ինչո՞ւ այբքան շուտ ենք մոռանում յեղափոխու-
թիւնների պատմութիւնները. չիշեցէք Ֆրանսիական մեծ յե-
ղափոխութիւնը՝ քանի՞ տարի տևեց, որքան ելեէջներ ունեցաւ.
իսկ զերմանական և աւստրիական յեղափոխութիւնները, որոնք
սկսուեցին քառասնական թուականների վերջին և տևեցին երկար
տարիներ, մերթ հանգչելով, մերթ կրկին բոցավառուելով:

Ռուսաստանի յեղափոխութիւնն սկսուել է բռնակալ Պլե-
ւէի սպանուելու օրից և շարունակւում է ալիքանման հոսանքով,—
այսօր նա յաղթող է և տիրում է աղատութիւնը, վաղը գլուխ
է բարձրացնում «յետադիմութիւնը» — և ազատութիւնը
խեղդում է բռունցքների մէջ: Ռուսիայի բաղտն է
դարբնւում և ահագին սալի բոցերն են, որ ցայտում են մեր
չորս դին:

Իբրև Ռուսիայի մի մաս, մեր խեղճ երկիրն էլ ընդհանուր
հոսանքով է մղւում և իւր ոսկոր ու կաշի դառած մարմնի վը-
րայ է զգում թէ յառաջադիմութեան և թէ յետադիմութեան

բոլոր հեաւանքները: Եթէ յեղափոխութեան յաղթանակի օրերին հայերը մի ըստէ ազատ շունչ քաշեցին — այժմ, այսքան ժամանակ, «հակաեղափոխութեան» դառն բաժակն ենք խմում:

Տուն, աեղ, գործ, հանգստութիւն մոռացած հայր գոյութեան կռիւ է մղում, զարմանալի քաջամարտութեամբ ապացուցանելով, որ կարելի է «ընդդէմ խցանի էլ աքացել»:

Ամեն ոչոք, ամեն միտք այդ ուղղութեամբ է գործում. մտածում են և յօրինում միջոցներ կամ թշնամու հարուածին հարուածով պատասխանելու, կամ այդ հարուածը անվտանգ անելու: Պատերազմ է, որ կայ, ուստի և ամեն ինչ արինով է բոցալիւղուած, մարդկային ջղերը լարուած, կեանքը մակերեւոյթը ալեկոծուած: Մեր հասկացողութիւնների, յարաբերութիւնների, վճիռների, գործերի և դադարների միջոցով անցնում է կարմիր թելի նման յեղափոխական տազնապարհ, նրա ոգին՝ եռուն, համարձակ, անհամբեր...

Ուշադրութեամբ դիտեցէք մեր կեանքը և դուք կտեսնէք, որ նա այս ընդհանուր լիովին ներշնչուած է այդ ոգով: Յեղափոխութեան օրերը իրանց դրոշմը դրին և զիւղական և բանուորական կեանքի վերայ. նրանց արծազանք տուին և Ս. Էջմիածինը և ինտելիգենցիան. հասարակական կեանքը ի դէմս կենտրոնական ժողովի այդ ոգովն էր սոգորուած. զպրոցական կեանքի, մամուլի մէջ — նրանք յեղաշրջումներ առաջացրին: Ինչ որ փոխուել է — փոխուել է և յետադիմութիւնը անկարող է հին կարգերը վերահաստատել, մինչև իսկ եթէ ոչոք ստանայ. այդ հիշատակ է թէ Ռուսիայի թէ մեր կեանքի վերաբերմամբ:

Յեղափոխութեան օրերը դեռ շարունակում են և առաջ են մղում ուրոյն խնդիրներ, որոշ պահանջներ: Գրականութիւնն էլ նրանց արծազանք է դառնում: Յեղափոխութեան օրերին գեղարուեստական գրականութիւնը կտրող չէ ծաղկել. նրանք ստեղծում են սեփական գրականութիւն յեղափոխական հրապարակախօսութիւն: Ֆրանսիական Մեծ Յեղափոխութեան ժամանակ Կամիլ Դէմուլէնի հրաշալի յոդուածներն էին օդը թնդացնում, իսկ Հէբէրի անիշխանական վիճումները — ամբողջ

Փարիզի տականքները գժուացնում: Ճառեր ժողովներում, ճառեր ակումբներում, հառեր լրագրներում—ահա լեզափոխութեան սիրած գրականութեան ձևը: Նոյն է և մեր կեանքի մէջ՝ այս լեզափոխական օրերին գեղարուեստական գրականութիւնը պահուել է, ասպարէզ չի դուրս գալիս:

Բ.

Գրականութեան պատմութեան մէջ դրանք լուսանցքներ են: Անշուշտ լաւ կլինէր օգտուել դրանից և անցեալի մի հաշիւ տեսնել: Քսաներորդ դարու սկզբին ինչ լաւ կլինէր մի լեռնայեացք ձգել Նախընթաց դարու գեղարուեստական գրականութեան վերայ...

Եւ ահա մի դէպք լաւ առիթ է տալիս մի պտոյտ անելու մեր սիրած հեղինակների հետ. այդ առիթը տալիս է մեզ յարգելի Պ. Իւրիյ Վեսելովսկին ¹⁾:

Նրա գրուածքների նոր ժողովածուն պարունակում է տասն և հինգ յօդուած, որոնց նիւթը վերաբերում է կամ հայոց կեանքին կամ գրականութեանը. յօդուածները զանազան ժամանակ լոյս էին տեսել ռուսաց այլ և այլ լրագրներում ու ամսագրերում: Ամենապնահատեղին այստեղ ի հարկէ հեղինակի այն ջերմ համակրութիւնն է, որ նա ցոյց է տալիս դէպի մեր ազգը, նորա ցաւերը և սակաւաթիւ երջանկութիւնները. միևնոյն ժամանակ այն ազնւութիւնն է, որով ղինուած, նա իւրովստն պաշտպանն է հանդիսանում հայ ժողովրդին, երբ Վէլիչկոյի նման օտարազգիները աշխատում էին ցեխոտել հայ անունը, վարկաբեկ անել ամբողջ մի ազգ: Ժողովածուի մէջ երեք յօդուած յատկապէս զբաղուած են այդ խնդրով. բայց և միւս յօդուածների մէջ էլ լսւում է հեղինակի կռիւը որոշ ռուս և օտար շրջանների չարականութեան և ամենալաւ դէպքում—անտարբերութեան դէմ:

Հեղինակի բերած օգտի սա միմիայն «բացասական» ձևն

¹⁾ Ю. Веселовский. Очерки Армянской Литературы и жизни, Изд. М. Мурадова. Армавиръ (Куб. обл.). 1906.

է. իսկ դրականը—ռուս ընթերցողներին մեր իսկական կեանքի և զրականութեան հետ ծանօթացնելն է: Այս ասպարէզի 'վերայ նա թողնում է հրապարակասօսի գրիչը ու քննադատ և պատմաբան է դառնում: «Արդի հայ բանաստեղծութեան մի քանի մօտիւները», «Կանանց տիպերը հայ գրականութեան մէջ», «Պ. Դուրեան»), «Պարոնեան» և այլն—գրունք բոլորը գրուած են իհարկէ ռուս ընթերցողի համար և այդ կողմից պ. Վեսելովսկին միակն է թէ հայերիս և թէ օտարների մէջ: Բայց ցաւալին այն է, որ մեր քննադատական գրականութեան մէջ էլ շատ չենք գտնի այնպիսի ուսումնասիրութիւններ, ինչպիսին տալիս է Վեսելովսկին իւր այդ և ուրիշ «հայկական» յօդուածների մէջ: Ճիշտ որ շատ են արուած մեր գրականութեան մէջ դիտողութիւններ մեր բանաստեղծների «ընդհանուր», «գերակշռող» մօտիւների մասին. դարձրել են ուշադրութիւն կանանց տիպերի զանազան սերունդների մէջ տեղի ունեցող կռուի վրայ և այլն: Ել չեմ ասում՝ շատ են համեմատել մեր և օտար գրական արտադրութիւնները, որոշել են նրանց իսկական արժէքը, գնահատել են ըստ եւրոպական չափու:

Իհարկէ ոչ:

Ճիշտ է Վեսելովսկու «Էրուդիցիան» հայոց գեղարուեստական գրականութեան մէջ հարուստ կարող չէ կոչուել. նա նախ մտածեք ծանօթ է մեր հին և նոր բանաւոր գրականութեան հետ. տաեկանայ գրականներից նրան ծանօթ են միմիայն զխաւոր գէպքերը. ըստ երեւութին նա չի կարողանում միշտ հետեւել մամուլին և մեր նորագոյն հեղինակների գրուածքներին: Այդ բոլորը ճիշտ է և այդ ուղղութեամբ կարելի էր ցոյց տալ մի քանի պակասութիւններ, երբ հեղինակը չի չիշում այս կամ այն բանաստեղծին, կամ աւելի մեծ նշանակութիւն է տալիս թոյլ հեղինակութեան, անծանօթ լինելով գուցէ լաւագոյնի հետ: Այնուամենայնիւ նա այնքան մօտ ծանօթ է մեր գրականութեան, որ եթէ մի օր նրա բոլոր յօդուածները թարգմանուին և առանձին գրքով հրատարակուեն—նրանք պատուաւոր տեղ կըռնեն մեր քննադատական գրականութեան մէջ և իբրեւ ձեռնարկ կըգործածուեն մեր դպրոցներում: Նա իսկա-

պէս արդէն իսկ տուել է մեր նոր զրականութեան պատմութիւնը, զանազան ժամանակներում զրաժ լինելով յօդուածներ՝ Մխիթարեանների, Աշուղների, Աբովեանի, Ռաֆֆու, Թաւրոնի և Սունդուկեանցի մասին, Հիւսիսափայլի, Ս. Նազարեանի և Նալբանդեանի, Մամուլի, Ռ. Պատկանեանի, Էրիտասարդ բանաստեղծների, Ս. Շահաղիզի, Դուրեանի, Պեշիկթաշեանի, Պարոնեանի մասին և բազմութիւ մանր և մեծ յօդուածներ մեր ուրիշ վիպասանների, Թատերադրողների, բանաստեղծների և այս կամ այն նոր լոյս տեսած գրքերի մասին:

Ես անկեղծ խորհուրդ եմ տալիս մէկին զբաղուել այդ հարցով և հեղինակի հետ համաձայնութիւն կայացնելուց ու հարկաւոր յաւելումները և փոփոխութիւնները մտցնելուց յետոյ — Թարգմանել և որոշ սխառէմով խմբագրուած մի հատորով հրատարակել: Հաւատացած եմ, որ մեր ընթերցողներին շատերը այդպիսի մի հատորի մէջ կրգտնեն իրանց հերետաքսած հայ մրտքի ստեղծագործութեան աշխարհը, որը բացած կըլինի նրանց տուաշ ռուս հեղինակի բարեացակամ և աւուրնդաւոր գրիչը:

Գ.

Բացի բուն քննադատութիւնից Ի. Վեսելովսկին զբաղւում է և զրական հետազօտութիւններով: Այս ասպարէզումն էլ նա մեզ ակներե օգուտ է տալիս, չնայած, որ նրա նպատակը մենք չենք և մեր զրականութիւնը, այլ ռուս հասարակութիւնը, ընդհանուր զրականութեան պատմութիւնը: Գլխաւորապէս նա զբաղւում է օտարների մեր մասուր կեանքի վերայ ունեցած ազդեցութեամբ: Այդ ուղղութեամբ մասնաւորապէս զբաղուել են ռուս գիտնականներից Ի. Վեսելովսկու հայրը — Ալէկսէյ Նիկ. Վեսելովսկին և հօրեղբայրը՝ Ալէկսանդր Նիկ. Վեսելովսկին (նորերս վախճանուեց). վերջինս յայտնի է բունաւոր զրականութեան վերաբերեալ իր համեմատական ուսումնասիրութիւններով, իսկ Էրիտասարդ հայրենասէրի հայրը — ռուս զրականութեան վերայ օտարների արած ազդեցութեան ուսումնասիրութեամբ: Այսպէս ուրեմն Ի. Վեսելովսկին նրանց

հետևող է հանդիսանում և որոշում է Բալթիկի ալդեցութիւնը Շահագիդի վերայ, ուս թանաստեղծների—Յովհաննիսեանի, Ծատուրեանի և այլոց. հետադասում է Պուշկինի, Շիլլերի, Վ. Հիւգոյի ալդեցութիւնները մեր գրականութեան վերայ և բերում է հետաքրքրական օրինակներ և հետքեր: Ափսոս, որ հեղինակը ծանօթ չի եղել Վ. Հիւգոյի և Ռուսինեանի միջև եղած յարաբերութեանց մասին, թէ չէ նրա յօդուածը Վ. Հիւգոյի ալդեցութեան մասին աւելի ևս կճոխանար:

Միւս կողմից հեղինակը աշխատում է գտնել օտար գրականութեան մէջ այն ամէնը, ինչ որ հայի մասին է կամ մի որեւէ կապ ունի հայի կեանքի և գրականութեան հետ: Այդ աեսակի յօդուածներից յիշենք տաղանդաւոր Զոպանեանի զրակ. գործունէութեան նուիրում յօդուածը. XVIII-րդ դարու ուս թանաստեղծների յիշատակութիւնները հայոց մասին և գերմանացի վիպասան Ռուդօլֆ Լանդաուի Ein unglücklich Volk (Անբաղդ ժողովուրդ) վէպի քննադատութիւնը: Ռ. Լանդաուի վէպը չի վերցրած բացառապէս հայոց կեանքից, բայց բովանդակութիւնը սերտ կապուած է Կ. Պոլսի քաղաքական աղէտալի դէպքերի հետ (1895—1896 թ.) և տալիս է բազմաթիւ նկարագրութիւններ հայոց կեանքի, բնաւորութիւնների, այդ դէպքերի և այլն: Եթէ այդ վէպը կրճատուի և հայերէն թարգմանուի—ընթերցողի համար շատ հետաքրքրական նիւթ կլինի: Մի այլ աեղ¹⁾ յիշում եմ—պ. Վեսելովսկին խօսել էր ուրիշ գերմանական հեղինակի մասին, որը իւր վէպերի նիւթը, ամբողջ բովանդակութիւնը, վերցրել է հայոց կեանքից. դա կին զրոյ Իլդա Ֆրափան'նէ, որը այժմ ստորագրում է Ֆրափան Ակունեան: Սրա հայոց կեանքից վերցրած վէպերը աւելի չափող են, քան Լանդաուին: Իլդա Ֆրափանի «Անիծեալ Վայր» պատմութեամբում կամ «Աշխատանք» վէպում—պատկերացրած է հայոց իրական կեանքը, դուրս է բերուած հայ զաղափարական ինտելիգենտը, երևում է, որ հեղինակը ի մտոյ ծանօթ է հայ ուսանողութեան հետ: Այս բոլորը բաւական է վէպերին իսկական հայկական գոյն և բովանդակութիւն տալու և մենք նոյն-

¹⁾ Тифл. Л. 1906 № 67.

պէս խորհուրդ ենք տալիս Թարգմանիչներին ձեռք զարնել այս երկերի Թարգմանութեանը ևս: Օտար հեղինակները այնքան քիչ են զբաղուած մեզանով, որ իհարկէ մեր «հոգուն մեղք» չէ բոլոր այդ տեսակ երկերը հայերէն Թարգմանել:

Դ.

Եւ մինչ Վեսելովսկիները կամ Մառութերը ¹⁾ իրանց գրական գործունէութեամբ ազգերի համերաշխ կենսակցութիւն են քարոզում ուսու հասարակութեան, մինչ նրանք աշխատում են ժողովրդականացնել ուսուաց մէջ հայոց գրականութիւնը և պատմութիւնը—նոյն, այսինքն ուսու ինտելլիգէնտ, շրջանների միջից դուրս են գալիս հայակեր Վէլիչկոներ ու Վոստորգովներ, իրանց հովանաւորողներով ու խրախուսողներով: «Մոսկ. վեդ»-ի, «Նովոե վրեմեա»-ի ու այլ գրական անառականոցների այդ վարձկան լակէչները իրանց աղաների հրամանը կատարելով—Թոկից փախածների նման յարձակուում են հայերի թէ զրականութեան, թէ պատմութեան, թէ ինտելլիգէնցիայի, թէ եկեղեցու, թէ իդէալների և թէ բոլոր ազգային սրբութիւնների վերայ: Ես չեմ կարծում, որ նրանք կարողանան ուսու հասարակութեան և ժողովրդի մէջ տտելութիւն սերմանել դէպի հայերը. սակայն նրանք որոշ հոգ են պատրաստում թէ գալիցիների սխրագործութիւնների և թէ Ռոչկովսկիների ու Վուիչների դաւադրութիւնների համար ²⁾: Այս տեսակ անպիտանների զրուածքները չի կարելի բոլորովին

¹⁾ Պրոֆ. Ն. Մառութ նոյնպէս բազմիցս հրապարակախօսական ասպարէզ է դուրս եկել մեզ պաշտպանելու. էլ չեմ խօսում նրա գիտնական ուսումնասիրութիւնների մասին, որոնց շնորհիւ ոչ միայն օտարն է սկսում մեզ ի մօտոյ ճանաչել, այլ և մենք ինքներս մեզ:

²⁾ Ոստիկանական դէպարտամենտի նախկին վերատեսուչ Պ. Լափուխինը ապացուցել է, որ վերոյիշեալ երկու պարոնները—մէկը ոստիկան, դէպարտամենտի վերատեսուչ, միւսը՝ պաշտօնեան—իրանք, իրանց ձեռքով թուղիկներ են կազմել հրէաներին և հայերին կոտորելու ու ջարդելու հրաւիրող:

անտես առնել և անպատասխան թողնել, ի նկատի ունենալով յայտնի առածը «զրպարտիր, զրպարտիր—նրանից միշտ մի բան կմնայ»: Եւ հասկանալի են Վեսելովսկու տխուր տողերը այդ տեսակ հայատեսաց զրականութեան առթիւ՝ «Որքան փորձեր է արուած այս վերջի տասը-տասներկու տարիները ռուս հասարակութեան իսկական հայերի հետ ծանօթացնելու, նրանց կեանքի, զրականութեան, ցոյց տալ, որ նրանք ունեն որոշ իդէալներ, ինտելլիգենցիա, ժողովրդային դասակարգ... դուրս է դալիս, որ մենք իդուր ենք աշխատել»: Բայց ի հարկէ սամիայն դառն բացականչութիւն է. թող Վեսելովսկիները շարունակեն իրանց գործը՝ կաթիլ կաթիլ չուրը քար է ծակում»: Խօսքի ազատութիւն է, ուրեմն պէտք է սպասել, որ զրանից կօգտուեն ոչ միայն ազնիւները ու զիտունները, այլ և ազէտներն ու զրպարտիչները: Ահա և երկու օրինակ. մէկը մի ինչ որ Մ. Ախովի գիրքը ²⁾, որը սրանից չորս տարի առաջ է հրատարակուած: Հեղինակը իրան նպատակ է դրել ծաղրի առարկայ շինելու մեր պատմական անցեալը, մեր ներկայ կեանքը, մեր ծգաումները: Նրա սպելով մենք երբէք անկախութիւն չենք ունեցել, որ մենք ինքներս «վաճառել» ենք մեր հայրենիքը բիւզանդացոց, որ մեր ամբողջ անցեալը մի ոչնչութիւն է, որով մենք յիմարաբար պարծենում ենք, որ մեր տեղը չուճերու, թունդուղներու և այլ այս անսակ ալլասեռուող բարբարոս ցեղերի կողքին է և այլն: Երկրորդ յօդուածում հեղինակը աշխատում է ցոյց տալ, որ մենք միմիայն ռուսաց իշխանութեան տակ սկսեցինք վարել երջանիկ (sic!) կեանք և որ ռուս իշխանութիւնը չափազանց մեծ արտօնութիւններ է տալիս մեզ հայերիս և իբրեւ ապացոյց չիշում է թէ ինչպէս հայ զաղթականներից ամեն մի ծուխ ստացել է 297-ական դեսեատին հող և բացի զրանից նոյն այդ զաղթականները «զաւթել» են 30,000 դեսեատին արքունական հողերից, մինչդեռ ռուս զաղթականներին... և այլն և այլն: Հեղինակը ամէն քայլափոխում ոչ միայն ցոյց է տալիս իր «իսկական ռուս» լինելը, այլ և իր

2) М. Аховъ. 1 Очерки изъ исторіи Арменіи. „Государство“.. II Россія и Арменія. 1902 С. Т. Б.

կատարեալ տգիտութիւնը: Բայց նրա ինչ հոգան է. չէ որ նա այդ հայհոյանքների համար վարձատրութիւն է ստացել, ուրեմն և պէտք է երախտաւարտ լինել՝ լակէյութիւն—էլի:

Թէ ո՞վ է այդ Պ. Ախովը—ես չգիտեմ. բայց «Նով. Վր.»-ից բազմիցս օրինակներ բերելուց ես տեսնում եմ, որ նա նոյն ախոռից է, ուր կապուած են Վոստորգովները, Մէնշիկովները, Սփութնիկները և այլն:

Այդ հայակերների զրականութեամբ սնուած են բազմաթիւ ռուս ընթերցողներ և ոչ միայն տգէտ դասակարգից, այլ և նորերս վախճանուած համաշխարհային հռչակ վայելող գիտնական Մէնդէլէնը, որ իր Къ познанію Россіи գրքի մէջ բամբասանէր պառաւի նման աշխատում է խայթել, վիրաւորել մեր ազգութիւնը: Հռչակաւոր գիտնական և Վելիչկոյի աշակերտ... ձիշդ որ отъ великаго до смѣшнаго одинъ шагъ!

Եւ եթէ մեր միամիտ հայրենակիցները կարծում են, որ հայակերութեան դարը անցել է—շատ սխալում են. իսկ եթէ կարծում են, որ հակահայկական պրոպագանդան ոյժ և նշանակութիւն չունեն՝ թող դնան նայեն մեր քարուքանդ եղած գիւղերը, թող չիշեն երեկուայ արիւնոտ անցեալը և այն սողոմական հրդեհը, որի բազմազան խարոյկից մինչև օրս էլ դեռ ծուխ է բարձրանում որպէս բողոք և զգուշացնող memento (արթուն կացէք)...

ՄԻՆԱՍ ԲԵՐԲԵՐԵԱՆՑ

ՀԱՅԱԳԻՏԱԿԱՆ

Ի Շ Խ Ե Մ Ի Շ Խ Ա Ն

Իշխ-եմ, իշխ-եցի, «herrchen», իշխ-ան «Fürst». իշխ-ան-
ական, իշխ-ան-աբար: Բառս հին է և ստեպ գործածելի:

= զնդ. ^v1) xsi, սկր ^vksi նպ. ^vsaistan (> ^vsah, Herrscher)
«herrschen».

^vS և ^vX բաղաձայնների տեղափոխումն փոխառեալ բառե-
րում հայերէնի ձայնական օրէնքներին միանգամայն համապա-
տասխան է. հմմտ. նպ. ^vbasxidan=հայ. ըաշխել, հարշ. ^vxsaթր
=հայ աշխարհ: ^vxs արմատական բաղաձայններին հայերէնում
նախընթացիկ ի ձայնականը մեկնելու է նորանով, որ փոխա-
ռեալ բառերում արմատական ձայնականին համահնչիւն ձայնա-
կան բառի սկզբին կցուում է. հմմտ. ա-շակերտ=նպ. ^vsakerd,
ա-շխարհ (փոխան. իշահր)=հարշ. ^vxsaթր, ա-շխետ=^vxsaita
և այլն: Այսու համաձայն զնդ. ^vxsi-ից կարող էր հայերէնում
միայն ^visx (> ^vixs), ոչ թէ ^vasx կամ ^vesx սերիլ:

Իշխ-ան բառի—an մասնիկը անկասկած պարսից ծագում
ունի:

1) Կրճատումներ. զնդ=զենդերէն, սկր.=սասնկրիտերէն,
նպ.=նոր պարսկերէն, հարշ.=հին արշակուններէն:

Ն Ա Խ Ա Ր Ա Ր

Նախ-արար, նախ-արարութիւն, նախ-արարական: Հին և
ստեպ գործածելի:

Թէ բառիս բուն իմաստի և թէ՛ նորա ստուգաբանու-
թեան մեկնութեանց փորձերը մինչև այժմ բաւարար չեն հան-

դիսացել: Խնդիրս լուծելու համար կարևոր է՝ ըստ իս՝ դիմել երկրիս պատմութեան օգնութեան: Նախարար բառը հայաստանի քաղաքական կեանքի հնագոյն զաղափարներից մէկն է. այլ տեղում մատնացոյց եմ սրել, որ նախարարները՝ ինչպէս ասացուցանում է նոցա կատարած մեծ գերը երկրիս պատմութեան ամբողջ ընթացքում, հայաստանի նախադոյն տէրերը, բազմաթիւ և բազմաբարբառ յեղերի բնիկ պետերն են հանդիսացել, որոնց առհմանունները մասամբ ուրարտեան և ասորեստանի բևեռադիր արձանագրութիւններում ենք կարդում (ա. իմ «Մի կարծիք հայ նախարարութեանց ծագման մասին», Պարիս 1901): Իշխելով իրենց սոհմական գաւառների վերայ նախարարները ստիպուած էին անընդհատ կռիւ մղել պարսից արշակունիների դէմ, որոնք՝ տիրելով հայաստանին՝ ճգնում էին զէնքի զօրութեամբ վերացնել երկրի բնիկ տէրերի անկախութիւնը: Այս սոհմական հողերը կոչւում էին արար, ինչպէս Մ. Խորենացին երկիցս վկայում է. պարսից արքայ Շապուհ արձակում է հայ նախարարներին հետեւեալ պատուէրով. «Անդ գարծեալ մեր իւրաքանչիւր արարս՝ իշխեցէք, որպէս և ցայժմ» (Գիրք Գ. 43): Նոյն գլխում աւանդում է մեր պատմագիրը, որ նախարարները՝ Արշակ արքայի հետ գաղթելով երկրի տրեմտեան մասը, թողին իրենց արար-ները, գիւղերը և գաստակերտերը՝ «գնացին գհետ նորա (Արշակայ) հանդերձ կանամբք և որւովք և նախարարութիւնք՝ որ ի բաժնի Շապհոյ, թողլով գիւրաքանչիւր տարս և զղեւղս և զգաստակերտս:» Այստեղ առաջին տեղում լիշւում է արար իբրեւ domain, որին հետեւում են գիւղեր և ապա գաստակերտեր:

Նախ—(նախ-նի, նախ-նիք, նախ-կին) կամ նախ—(նահապետ) բառի իմաստը իբրեւ «առաջին», princeps պարզ է: Այսպիսով նախարար պէտք է նշանակէր (սոհմական հողի տէր, (Domainenfüst): Իշխան (տէր, պետ) հակառակն աւելի քաղաքական իմաստ ունի. առաջին բառը հայերէն է, երկրորդը՝ պարսկերէն:

ԳԻՏՈՒԹԻՒՆ ԵՒ ԱՐՈՒԵՍՏ

ԹՈՒՔԱՅԸ՝ ՈՐՊԷՍ ՍՕՑԻԱԼԻԱՆ ՀԻՒԱՆԳՈՒԹԻՒՆ

Մինչև անցեալ XIX-երորդ դարու սկզբները բժշկական գիտութեան մէջ ընդունուած էր, որ բոլոր հիւանդութիւնները հասարակական կեանքի պայմաններից անկախ և անհատական երևոյթներ են: Դրանց արմատները փնտրում էին մարդուն շրջապատող բնական պայմանների մէջ, օրինակ՝ կլիմայի և բնութեան զանազան երևոյթների մէջ:

Միայն վերջերս է ծագել այն գաղափարը, թէ հիւանդութիւնները սօցիալական են և ոչ թէ անհատական: Այդ գաղափարի զարգացման նպաստեցին մէկ կողմից բժշկականութեան յառաջադիմութիւնները, իսկ միւս կողմից հասարակական գիտութեանց լուսաբանութիւնները, որոնք պարզում են մեզ առանձին անհատի և այն ամբողջ սօցիալական կազմի մէջ եղած սերտ կապը, որի մէջ նրանք ապրում են: Ներկայումս կարելի է որոշել այնպիսի սօցիալական հիւանդութիւններ, որոնց զարգացումը անխզելի կերպով կապուած է հասարակական կեանքի կազմի հետ և որը սօցիալական պայմաններից դուրս չի կարելի հասկանալ:

Սօցիալական հիւանդութիւնների ամենայատկանիշ օրինակը թոքախտն է:

I

Յայտնի է որ թոքախտը ամենատարածուած հիւանդութիւնն է աշխարհիս երեսին. բայց այդ հիւանդութեան պատճառած չարիքի իսկական ծաւալը հազիւ թէ յայտնի լինի ընդհանուր հասարակութեան և միայն վերջին տարիների վիճակագրութիւնը ցոյց տուեց, թէ ինչ սարսափելի պատիժ է ներկայ մարդկութեան համար թոքախտը:

Թոքախտից մեռածների թիւն այնքան մեծ է, որ ամեն 1000-ից 105—107 թոքախտից են լինում: Թոքախտը, ինչպէս երևում է, աւելի կորստաբեր է, քան հին ժամանակներում եղել է ծաղիկ հիւանդութիւնը: Թոքախտի վնասակարութիւնն աւելի պարզ կ'երևայ, եթէ հանենք երեխաներին և մանկահասակներին, որոնց մէջ այդ հիւանդութիւնը շատ սակաւ է պատահում: Այժմ 15—60 տարեկան հասակում ամեն 1000-ից 322 զէպքը թոքախտից է լինում:

Աւելի պարզ դադափար կազմելու համար, այդ թուերը պէտք է համեմատել ուրիշ հիւանդութիւններից մեռածների թուերի հետ: Ինչպէս երևում է թոքախտը, բացի ստամոքսի և աղիքների հիւանդութիւններից, որոնց զոհ են գնում անթիւ երեխաներ մինչև մէկ տարեկան հասակը, առաջին տեղն է բռնում բոլոր միւս հիւանդութիւնների մէջ: Գերմանիայում 1892 թ. 100 հազար բնակչից մեռել են՝ ¹⁾

Ստամոքսի բորբոքումից (մեծ մասը երեխաներ)	320
Թոքախտից	359
Ծերութիւնից	253
Շնչառութեան գործարանների բորբոքումից	171
Բկախտից (գիֆտերիտից)	118
Խլիրդից (ракъ) և ուրիշ նման հիւանդութիւնից	61
Կապոյտ հազից	40
Կորմորուկից	31
Բութէշից	22
Ժանտաւտենկից	17

Ընթերցողը տեսնում է, որ բոլոր այն հիւանդութիւնները, որոնք սարսափ են ազդում, օրինակ՝ գիֆտերիտը, քութէշը, ժանտաւտենդը և այլն, թոքախտի հետ համեմատած՝ ոչինչ են: Մինչև անգամ այնպիսի աւերիչ հիւանդութիւնները, ինչպիսին է գիցուք խօլերան, թոքախտի հետ համեմատած, շատ քիչ վնասակար են: Յայտնի ուսումնասիրման էրիսմանը, համեմատելով թոքախտից և խօլերայից առաջացած վնասները, գալիս

¹⁾ Георгъ Майръ. Статистика и обществовъдѣніе Т. II стр. 455.

է այն եզրակացութեան, թէ Ռուսաստանում վերջին 60 տարուայ ընթացքում թորախտը 5 անգամ աւելի զոհեր է արել, քան խօլերան:

II

Սակայն թորախտը նրա համար չէ սօցիալական կոչում, որ այդքան տարածուած հիւանդութիւն է, կամ թէ՛ որ ահագին քանակութեամբ զոհեր է առնում: Թորախտի սօցիալական յատկանիշն է նրա՝ մարդկանց սօցիալական դրութիւնից կախումն ունենալը: Թորախտը զխաւորապէս բանուոր դասակարգի հիւանդութիւն է և որքան սօցիալական սանդուխքով ցած ենք իջնում, այնքան աւելի զոհեր ենք զտնում այդ հիւանդութեան:

Սօցիալական դասակարգի միւսնոյն շրջանի սահմաններում թորախտից մեռնողների թիւը զանազան է լինում, նայած կեանքի և աշխատութեան պայմաններին: Կործանիչ են մանաւանդ այն աշխատանքները, երբ բանուորը ստիպուած է աշխատել թողով լի մթնոլորտում, կամ թէ՛ երբ աշխատանքի ժամանակ լանջաժանգակը շարունակ սեղմուած և կորացած դրութեամբ է լինում: Երբ մաքուր օդի մէջ աշխատող բանուորներից 100 հազար բնակչից թորախտով մեռնում են 230 հոգի, թողով լի մթնոլորտում աշխատող բանուորների նոյն հիւանդութեամբ մեռածների թիւը բարձրանում է մինչև 542-ի, այսինքն համարեա թէ $2\frac{1}{2}$ անգամ աւելի:

Ներշնչած թողի զանազան տեսակները նոյնպէս զանազան ազդեցութիւն են ունենում թորախտի զարգացման վրայ. օրինակ՝ այն աշխատանքների ժամանակ, երբ արեւի թող է գոյանում, ամեն տարի 100 հազար բանուորից 779-ը զոհ է գնում թորախտին. ծխախոտի գործարաններում, այդ հիւանդութեամբ մեռնողների թիւը աւելի մեծ է լինում, 100 հազարից 847-ը: Կան այնպիսի արհեստներ, երբ վերջ ի վերջոյ համարեա թէ բոլոր բանուորներն էլ թորախտից են մեռնում:

Եթէ համեմատելու լինինք մի կողմից հարուստ և շքեղ բնակարանների բնակիչներին, որտեղ թորախտը համեմատաբար հազուադէպ հիւր է, իսկ միւս կողմից այնպիսի արհեստի ներ-

կայացուցիչներին, օրինակ շնարակողների (полировщикъ), որոնք համարեա թէ ամենքն էլ թոքախտից են մոռնում, պարզ կը աեսնենք այդ հիւանդութեան սօցիալական բնուորութիւնը և նրա սօցիալական պայմաններից կտխումն ունենալը:

Այժմ անհրաժեշտ է իմանալ, թէ սօցիալական պայմանները ի՞նչ կերպով են ազդում թոքախտի զարգացման վերայ: Բայց նախ հարկաւոր է գիտենալ, թէ ի՞նչպէս և ի՞նչի ազդեցութիւնից է զարգանում մարդու կազմուածքի մէջ թոքախտը:

III

Մի շարք գիտնականների երկար չանքերից յետոյ, վերջապէս 1882 թ. գերմանական գիտնական Րօքէրա Նոխին չափողուեց գտնել թոքախտի մանրանքին, այսպէս կոչուած տուբերկուլէօզի մանրէն: Այդ դիւտի և ուրիշ անթիւ հետազոտութիւններից երևաց, որ մարդ հիւանդանում է թոքախտով, երբ նրա թոքերում այս կամ այն կերպով թափանցում են Կօխի մանրէները: Այդ մանրէները սկզբում բորբոքում են առաջացնում, իսկ յետոյ աւերում են թոքի ամբողջ մի մասը: Բացի դորանից նրանք թունաւորում են մարդու ամբողջ կազմուածքը իրանց գործունէութեամբ: Թոքերի աւերումը մէկ կողմից, ամբողջ կազմուածքի թունաւորումը միւս կողմից, կամաց կամաց մաշում են մարդու առողջութիւնը և մահուան դուռը հասցնում նրան:

Սկզբում բժշկական գիտութեան ներկայացուցիչներն այն կարծիքի էին, որ թոքախտը շատ պարզ ծագում ունի: Բայց ժամանակի ընթացքում պարզուեց, որ հարցը աւելի բարդ է քան մեզ թւում էր. գիտնականների մի շարք հետազոտութիւնները երևան հանեցին, որ տուբերկուլէօզի մանրէները շատ են տարածուած, մասաւանդ զլիսաւոր քաղաքներում. այնպէս որ հազիւ թէ գտնուի մէկը, որ իր կեանքում դոնէ մէկ անգամ ներշնչած չլինի այն իր թոքերի մէջ: Չընայելով նրա այդքան տարածուած լինելուն, յայտնի է որ ամբողջ մարդկութիւնը վարակուած չէ այդ հիւանդութեամբ, նոյնիսկ մեծ քաղաքներում: Սրանից եզրակացնում է, որ մեծ մասամբ՝ տուբերկուլէօզի մանրէի ներշնչելը անպատիժ է անցնում մարդու համար:

Եթէ մէկը հիւանդանում է թոքախտով, այդ չէ նշանա-
կում թէ նրա կեանքի վերջը եկել է. վերջին ժամանակներս
բժշկական գիտութիւնը գտել է, որ թոքախտը անբուժելի հի-
ւանդութիւններին չէ պատկանում: Կարելի է ստել, որ թո-
քախտաւորներին մեծ մասը բոլորովին բժշկւում են. բայց զար-
մանալին այն է, որ վարակուածներից շատերը ոչ իրանց հի-
ւանդանալու և ոչ էլ առողջանալու մասին անդեկութիւն ու-
նին, այնքան ծածուկ և անկատելի կեբպով է անցնում թո-
քախտի գործողութիւնը: Դիականահատութիւնը ցոյց է տալիս,
որ քաղաքներում ազգաբնակչութեան համարեա $1/2$ -ը և մինչև
անգամ $3/4$ մասը իրանց թոքերում կրում են թոքախտի հետ-
քեր, իսկ որովհետև անմիջապէս թոքախտից մեռնում են միայն
եօթներորդ կամ ութներորդ մասը, այդ ցոյց է տալիս մեզ, որ
թոքախտի գործունէութիւնը շատ զէպքերում յաջող է անցնում:

Այդ հետազոտութիւններից երևում է, թէ միայն թո-
քախտի մանրէն չէ, որ մարդուն կորստեան է դատապարտում:
Գոյութիւն պէտք է ունենայ մի ուրիշ բան, առանց որի թո-
քախտի մանրէն հասնելով թոքերին կամ բոլորովին վնաս չէ
պատճառում և կամ թէ նրա տուած վնասը աննշան է լինում:
Ակներև է, որ թոքախտի մանրէն իր զարգացման համար պէտք
է յարմար պայմաններ գտնէ հենց մարդու կազմուածքի մէջ.
անհրաժեշտ է բացի թոքախտի մանրէով վարակուելուց և թո-
քերի այդ հիւանդութեան յատուկ կանխատրամադրութիւնը:

ՕՐ. ՆՈՒԱՐԴ ԱՂԱՆԵԱՆՅ

(Վերջը միւս անգամ)

ՆԵՐՔԻՆ ՏԵՍՈՒԹԻՒՆ

ԱՐԳԻ ԿԱՅՈՒԹԻՒՆԸ

Ընդհանուր խառնակութիւն է, մարդիկ կորցրել են շրջապատող կեանքի պայմանները հասկանալու և, որ զլխաւորն է, բարին ու չարը, ընդհանուրի օգուտն ու վնասը չափելու ընդունակութիւնը:

Համայն Ռուսաստանի կեանքը խառնուել է և մենք էլ, իբրև վիթխարի կազմուածքի փոքրիկ մասնիկ չենք կարողանում ինքնուրոյն խելքով ու զգացմունքով տնօրինել մեր գործերը: Երբոր Ռուսաստանում հրաժարակուէց Պետական Դոմայի մասին հրովարտակ՝ իսկոյն մենք էլ կապկաբար կենտրոնական ժողով ստեղծեցինք, թէև շատ լաւ գիտէինք, որ հայր երբէք ընկերովի, խելքը զլխին մի բան դեռ չէ ստեղծել, շատ լաւ գիտէինք, որ ժողովը ժողովրդի իսկական ներկայացուցիչներ չբախտի տայ, այլ կուսակցական մարդկանցից շինովի մի պատահական մարմին պիտի ստեղծէ: Երբոր մամուլի ազատութեան մասին խօսք չկար՝ մեր թերթերն ապրում էին, ժողովուրդը կարդում էր, բայց երբոր մի չնչին ազատութիւն տրուեց, երբ որ զժողովրդիւնը վերացաւ հայերէն թերթ հրատարակելու համար՝ բազմաթիւ հայ թերթեր երևեցան և մէկը միւսի ետևից մեռան, որովհետև ժողովրդին հետաքրքրող մի լուրջ հրատարակութիւն հրապարակ չեկաւ:

Հայի ազգասիրութեան զլխաւոր մօտիւր կարծես բռնութիւնն է: Երբոր հային չեն թակում՝ նա էլ ազգասիրութիւն չի անում: Երբոր հային ազատութիւն են տալիս՝ նա չափը կորցնում է և անտարբերանում դէպի հասարակական գործերը: Երբոր դպրոցները փակուեցան՝ մենք աշխարհ դղողեցրինք մեր վերաբերմամբ գործ դրած անարդարութեան համար, բայց երբ

դպրոցներ բացանելու լիակատար իրաւունք արուեց՝ մենք սկսեցինք մեր նախկին անսխալանութիւնը և դպրոցները վերածեցինք կուսակցական կոնիւնների կրկէսի, ոչ մի կոպէկ այլ ևս չենք տալիս դպրոցներին, մենք միտարուայ ընթացքում բոլոր հայոց դպրոցներում կենդանացրինք հային յատուկ կոպատութիւնը, նեղսրտութիւնը և հասարակական լայն գաղափարներով ապրելու անընդունակութիւնը: Երբոր վաշտնով ու ատրճանակով էին ստիպում մեր հարուստներին ազգասիրութեան համար փողեր տալ՝ նրանք հարիւր հազարներ էին զոհում հային կոտորել տալու համար, բայց երբոր եկեղեցական կալուածները չես արուեցան և դպրոցները բացուեցին՝ ոչ մի հարուստ չըմտածեց մի դոմար նուիրել այդ կալուածները շահագործելու և կանոնաւորելու, մի ազգային լուրջ ընկերութիւն ստեղծելու, որ կարող է ահագին հարստութիւն ստեղծել և ժողովրդի թէ լուսաւորութեան գործը և թէ անսեռական կեանքը բարւոքել:

Այս բոլոր երևույթների պատճառն այն է, որ մեր ինտելիգենցիայի մի մասը գաղափարական կեանքով ապրելու համար վաղուց զիականցած է, միւս մասը անիրագործելի գաղափարների ետևից ընկած վեհ գաղափարները շահագործում է յօգուտ մի քանի բաղտախնդիր զեկավարների, որոնք յանուն գաղափարի իր դործելով՝ իրենց անձնական դործերն են անօրինում, ճանապարհորդութիւններ կատարում, պաշտօններ տիրապետում, կլուբներում թուղթ խաղում և նման վայելչութիւնների ետևից ընկնում. իսկ բարձր հոգևորականութիւնը մտաւորապէս և բարոյապէս մանրացած միմեանց միան են ուտում, ինտրիգներով և բամբասանքներով անցնում իրենց ողորմելի օրերը, իսկ ոմանք էլ կաթողիկոսական գահին ձգաւելու նշաններ են ցոյց տալիս, առանց մի բոպէ մտածելու, որ իրանց «տուտուց» խելքով նոյն իսկ իրանց ներկայ վիճակին արժանի չեն:

Ժողովրդը քնացել է տնտէր և անդեկավար:

Նայ ժողովրդին հող և կրթութիւն է հարկաւոր: Բայց ո՞ր կուսակցութիւնը, ո՞ր ինտելիգենցիան, ո՞ր հոգևորականութիւնն է մտածում կարելի ճանապարհով և շուտափոյթ դարձան անելու ժողովրդի ցաւերին: Բայց մենք ունինք բոլոր կուսակցութիւն-

ների հայկական նիւղեր, մենք ունենք յեղափոխական զանազան կուսակցութիւններ:

Քանի՞ հոգի են այդ մարդիկ և ինչ են մտածում գիւղացու համար: Նախ այդ կուսակցութիւնների զործունէութիւնը կենսորոնացած է քաղաքներում, ոչ մի առնչութիւն չունին գիւղացու հետ և չեն էլ կարող ունենալ, նրանց ծրագիրները մօտիկ ապագայում գործադրուելու կարելիութիւնից զուրկ են: Պէտք է, ասում են, այդ ծրագիրները, ընդհանուր Ռուսաստանի յեղափոխութիւն ստեղծել, որ հայ ժողովուրդն էլ բաղաւորուի:

Ձեն մտածում սպիտակ, թէ արդեօք հայի պէս մի սակաւութիւ, բնիկ երկրից զրկուած, երկպառակութեան ոգով տոգորուած ու ուժաղուրկ եղած ժողովուրդ կարո՞ղ է առաջին դերակատարը լինել այդ ծրագիրները իրագործելու համար և, որ զխառնոյն է, չեն մտածում թէ արդեօք որքան օգտաւէտ պիտի լինին այդ ծրագիրները հային: Հայ զիւղացին, հայ վաճառականը և հայ ինտելիգենցիան որպէս և հայ հոգեւորականութիւնը չի մասնակցում ոչ մի յեղափոխութեան և չբախտի էլ մասնակցի, որովհետեւ մեր ուժերին նայելով՝ այդ կը լինի ուղիղ ճանապարհ կորստեան և ողնացման: Այսպէս է եղել Թուրքիայում, նոյնն էլ կրլինի և Անդրկովկասում, եթէ մեր գիտակից խմբերը և հոգեւորականութիւնը լեհական „Կօլօշի“ նման չըստեղծէ ազգային քաղաքականութեան մի ինքնուրոյն ծրագիր: Մինչև հայ սօցիալ դեմօկրատները կըստեղծեն իսկական համերաշխութիւն վրացի և Թուրք սօցիալ դեմօկրատների հետ՝ հայ ժողովուրդը շունչը փչած կըլինի, մինչև առուն ջուր կըգայ՝ գորտի հագին դուրս կըգայ:

Իրական կեանքը անհերքելի փաստերով գալիս է ապացուցանելու, որ այդ համերաշխութիւնը մի ցնորք է, որ վարերի ընթացքում հազիւ թէ կիրականանայ: Վերջին օրերս Թուրքիայից եկած լուրերը կտրծես թէ գալիս էին համոզելու, թէ իբր պնտեղի Թուրք յեղափոխականները հայ յեղափոխականների հետ համերաշխութեամբ են գործում, բայց „Խարխալում“ տպուած հեռագիրը, որ հաղորդում է Գէորգ Չառուշի

սպանութիւնը երկու բարեկամ տանիկների շնորհիւ, փառաւորապէս ապացուցանում է, թէ ոչ մի զրօշ չարժէ այդ համերաշխութիւնը և երբ պիտի լինի այն երջանիկ օրը, երբ տանիկն ու քուրդը հայերի հետ միացած պիտի խորտակեն կարմիր սուլթանի չար թախտը: Մինչև այդ երեսայական և երեսակայական համերաշխութիւնը կիրադործուի՝ հայաստանն արդէն դատարկուած կրլինի, իսկ Անդրկովկասում մինչև «ընկեր» Օթրօպիրը ու հասանք ընկեր Վարդանի հետ կապալեն Ռուսաստանի միապետութիւնը՝ Գրիգոր քեռու տունն ու տեղը ալրուած կրլինի և հայ գիւղացու մեծ մասը ականջը կը փնայ:

Այս պատահաւոր ամենից առաջ հայ հոգեւորականութիւնն ու ժողովուրդը և ապա հայ ինտելլիգենցիան բարձրածայն և անկեղծօրէն պիտի չայտարարեն, որ Ռուսաստանի յեղափոխութեան մէջ հայը առաջին դերակատարը չպիտի լինի, իսկ յեղափոխական կուսակցութիւնները լիովին սզատ են իրենց գործողութեան մէջ, բայց նրանք իրաւունք չունին հայ ազգի կամ հայ ժողովրդի անունից կատարելու իրենց գործերը:

Մի չնչին ազդ, որ շրջապատուած է բազմաթիւ թշնամիներով, չունի մի կտոր հայրենիք, դարերի ընթացքում բողոքել է իւր գլխին եկած թշուառութիւնների դէմ և ոչինչ չի կարողացել վաստակել՝ ոչ մի լուրջ հիմք չունի նորանոր վտանգների ենթարկելու իւր զաւակների ապագան: Ռուսաստանի ազատագրական շարժման օգտին հայը արդէն բազմաթիւ զոհեր է տուել և այժմ պէտք է լեհացիներից խելք սովորէ, որովհետև լեհացիք էլ պատմական դառն փորձերից յետոյ են եկել այն եղրակացութեան, թէ ամեն մի ազգ լաւ պիտի իմանայ իւր ազգային շահերը և թեթևամիտ քաղաքականութիւնից պիտի զզուշանայ:

Ախպ է այն միտքը, թէ Անգլիայի, Գերմանիայի և Ֆրանսիայի բանուորը տւելի ծօտիկ է Զոնդեզուրի հայ բանուորին քան թէ հայ բուրժուական կամ հայ վաճառականը. սխալ է, որովհետև մենք մեր աչքի առաջ տեսանք, որ Բագուի երեք կոտորածների ժամանակ միևնոյն գործարանում քանոզ ոռւս բանուորը ոչ միայն չզուրս եկաւ պաշտպանելու իւր ընկեր հայ

բանուորին և ազատելու նորա և նորա որդոց կեանքը, այլ հոկտեմբեր ամսին կային նոյն իսկ ռուս բանուորներ, որոնք կազմների և թուրքերի հետ միասին վառեցին Չամբարաքեանդի հայերի տները, օր. Միրզաբէգեանի, Թառայեանի, Արուտչեանի և այլն: Այս պատէս է, որովհետեւ պատմական-հասարակական կեանքում ազգութիւնը առաւել զօրեղ ֆակտոր է քան դասակարգային շահերը:

“Որ ունիցի ականջս լսելոյ՝ լուիցէ”:

ԳԱՐ. ԵՆԳԻԲԱՐԵԱՆ

ՆԵՐՔԻՆ ԼՈՒՐԵՐ

❧ Կովկասեան փոխարքայի դիւանատանը կազմուած է մի ժամանակաւոր յանձնաժողով, որ պիտի պատրաստէ Ռուսաստանի բոլոր հայ ռուսոմնարանների համար կանոնադրութիւն ու ծրարագիր: Փոխարքան առաջարկել է վեհ. Հայրապետին իւր կողմից երկու ներկայացուցիչ նշանակել մասնակցելու այդ յանձնաժողովին: Լսում ենք, որ Վեհափառը մի եպիսկոպոս և երկու աշխարհական է նշանակել՝ միմիայն խորհրդակցական ձայնով:

❧ Վեհ. Հայրապետի կոնդակով ս. Էջմիածնի Հոգևոր ճեմարանի տեսուչ է նշանակուած յայտնի գրագէտ պ. Մինաս Բերբերեանը: Արդեօք պիտի յաջողի՞ նորան վերջին տարուայ քարուքանդ ճեմարանը կարգի դնել և բնական շաւղի մէջ դնել մեր բարձրագոյն վարժարանի յառաջադիմութիւնը: Հաւատում ենք, եթէ միայն... թողին:

❧ Հաագի կոնֆէրէնցիային Վեհ. Հայրապետի կողմից մի եպիսկոպոսից և երկու աշխարհականներից բաղկացած պատգամաւորութիւն է ներկայացել Տաճկահայերի տառապանքները նկարագրելու և դարման հայցելու, բայց կոնֆէրէնցիան չէ ընդունել պատգամաւորութեան խնդիրը:

❧ Բագուի հայոց Կուլտուրական միութիւնը առաջիկայ սեպտեմբերից 42 ծխական դպրոց է բաց անում Ղարաբաղի գիւղերում:

❧ Յայտնի գրագէտ պ. Նիկողայոս Քարամեանցը պատրաստում Հայոց պատմութեան մի ընդարձակ դասագիրք:

Հանգ. Զուբալովի կտակի համաձայն քաղաքային վարչութիւնը թիֆլիսում յատուկ շինութեան մէջ բաց արեց լսարան ժողովրդի կրթութեան համար, ուր այժմ կարդացւում են դասախօսութիւններ ամեն լեզուով:

ԽՄԲԱԳՐՈՒԹԵԱՆ ԿՈՂՄԻՅ

Մի տարուայ ակամայ ընդմիջումից յետոյ «Լուման» այսօր վերսկսում է իւր հրատարակութիւնը:

Ինչո՞ւ համար է «Լուման» վերսկսւում, կը հարցնէ թերեւս պատահական ընթերցողը: Ահա թէ ինչու:

Երբ մի տարի առաջ քաղաքական արհաւիրքներէ պատճառով սկսեց կաղալ ինչպէս ամբողջ Ռուսիայի, այսպէս նաև հայոց լուրջ մամուլը, մեր թերթը չէր կարող բացառութիւն կազմել, մանաւանդ որ առանց այն էլ արդէն զգալի վնասներ էր կրել մեր խմբագրութիւնը: «Լուման» իւր հրատարակութեան տասնևմէկ տարուայ ընթացքում աւելի քան ութն հազար ռուբլու դէֆիցիտ է ունեցել, որ դամօկլեան սուրի նման կախուած է խմբագրութեանս վերայ:

Այս հանգամանքները ստիպեցին մեզ ժամանակաւորապէս դադարեցնել թերթը և մենք կարծում էինք, որ այլևս «Լուման» ոչ մի հետաքրքրութիւն չի արթնացնում հայ ընթերցող և բանասէր հասարակութեան մէջ: Բայց մեր ենթագրութիւնը սխալ երևեցաւ.— խմբագրութիւնս վերջին տարուայ ընթացքում առիթ ունեցաւ համոզուել, որ «Լուման» անհրաժեշտ է հայ հասարակութեան. մեզ համոզեցին այն բազմաթիւ գրաւոր և բերանացի դիմումները, որ անում էին խմբագրութեանս օր առաջ վերսկսելու թերթի հրատարակութիւնը, և մենք այսօր վերստին հրապարակ ենք իջնում, յուսալով, որ թերթի համակրողները, ինչպէս և ընթերցող հայ հասարակութիւնը թէ բաժանորդագրութեամբ և թէ այլ միջոցներով օգնութիւն

կգայ խմբագրութեանս՝ թերթի նրատարակութիւնը կանոնաւորելու համար:

«Լուման» առ այժմ լոյս է տեսնելու այս դիրքով 4—5 մամուլից բաղկացած, իսկ ընթերցողներին աւելի լայն խաւերին հնարաւորութիւն տալու համար՝ որոշեցինք բաժնէգինը իջեցնել ութից՝ վեց **ռ ու բ լ ու**:

ԽՄԲԱԳՐՈՒԹԻՒՆ

ՍՏԱՑՈՒԱԾ ԳՐԲԵՐ

Systematisch-Alphabetscher Hauptkatalog der Kön. universitätsbibliothek zu Tübingen. Von franz Nik. Finck und L. Gjandschian. Tübingen 1907.

Atlas zum katalog der Armenischen Handschriften Tub. 1907.

Արտաշիր Բաբական. «Կարնամակ» Պահլաւ րն. թարգմ. Յ. Թիրեաքեան, Փարիզ. 1907.

Տունկերը և անոնց անունները. դոկ. Յ. Արթինեան. Փարիզ 1906.

Մարիկ. իմ երգերից. Թիֆլիս 1906.

Հայկ Տէր-Աստուածատրեանց. Հայ վաճառականութիւնը Ռուսիայում. Պարիս 1907.

Նոյն. Հայոց պատմութիւն. Թիֆլիս 1907.

Գր. Վանցեան. Պատմական քերականութիւն արեւելահայ լեզուի. Թիֆլիս 1906.

» Դպրոցական քերականութիւն. Ալէքս. 1906.

» Հայոց պատմութիւն. Թիֆլիս 1907

» գրպանի ուղղագրութիւն. Թիֆլիս 1906

Վ. Նեմ. Դանչենկո. Հայունի Գայիանէն. Թարգմ. Արսէն սարկ. Սիմէօնեանց Մոսկուա 1907.

Յուսիկ եպս. Անապատականներ և վանականութիւն. Վաղարշապատ 1906.

Ա. Ջանեան. Բանաստեղծութիւններ II պր. Բագու 1907.

Կ. Վ. Ազգային եկեղեցի. Բագու 1907.

Թիֆլիսի Հայունեաց բարեգ. ընկ. 25 ամեակ. Թիֆլիս 1907

Բենիկ վրդ. Անարդարութեան երեսից Թիֆլիս 1907.

Գրիգորիս ք. Մատինեան, ս. Շուշանիկ. Թիֆլիս 1907.

- Նախագիծ Կովկասի հայոց հրատ. ընկ. Կանոնադրութեան
Թիֆլիս 1907.
- Կարակաշ. Ձայն Ռուսիայից. Ն. Նախիջ. 1907.
- Գրիգոր ա. ք. Մանդակունի. Կանոն. Տփլիսի հայ քահանա-
ների միաբանութեան. Տփլիս 1907.
- Յ. Սոլովեան. Խռովարկուներ. Թիֆլիս 1907.
- » Որն է իսկական ներկայացուցչութիւնը Թիֆ-
լիս 1905.
- Կառուցկի. Գործաւոր դասակարգը, Թարգ. Ս. Սալահգիւլ. Բոս-
տոն 1906.
- » Կապիտալիստ դասակարգը, Թարգմ. նոյն Պարիզ 1906
- Կ. Գալանդաուէր. Որտեղից աշխարհ եկաւ քո եղբայրը. Թրգմ.
Տ. Թոփչեան. Թիֆլիս 1906.
- Շտապեցէք օգտուել ձեր իրաւունքներից. Թիֆլիս 1907.
- Բեն. Տէր-Գրիգորեան. իմ պատասխանը պ. դ. Բալուլին Թիֆ-
լիս 1007.
- » Աղատութեան խանդ. Թիֆլիս 1907.
- » Նախօ. վէպ. ա. մ. » »
- Լ. Տալստոյ. Աղօթք. Թարգմ. Էմմ. ք. Նազարեան Մոսկուա
1906.
- « սեռային յարաբերութիւն. Թարգմ. նոյն Մոս-
կուա 1096,
- » սէր, Թարգմ. նոյն 1906
- Լ. Բուրհէրշտէյն. Առողջապահիկ Կանոններ Թարգմ. նոյն
Մոսկուա 1906.
- Ե. Գօգեբաշվիլի Ի՞նչ արաւ օրօրոցի երգը. Թարգմ. Ղ. Կ.
Թիֆլիս 1907.

ՅԱՅՏԱՐԱՐՈՒԹԻՒՆՆԵՐ

«Լուամայ»-ի խմբագրատանը վաճառուով են՝

ԳԻՒՏ Ա. ՔԱՅ. ԱՂԱՆԵԱՆՅԻ

Աշխատություններ.

1 Աղօթատետր ե. տպ. 1903.	— 10
2 Կրօնի դասագիրք տ. տ. 1889 (սպառուած)	— 15
3 » » ք. տ. դ. տպ. 1891	— 25
4 » » ք. տ. դ. տպ.	— 25
5 Տօմար և տօնացոյց Հայաստ. եկ. ք. տպ. 1894	— 50
6 Կարնայ գաղթը. պատմական տեսութիւն. 1891	— 10
7 Դիւան Հայոց պատմութեան. գիրք Ա.—Բ. 1780—1834	
Սահակ-Մեսրոպեան մրցանակին արժանացած 1893	2 —
8 Նոյն. գիրք Գ. Սիմէօն կաթողիկոսի յիշատակարանը կենսագրութեամբ, յաւելումներով ու ծանօթութիւններով, Սահակ Մեսր. մրց. արժ. 1894.	7 —
9 Նոյն. գիրք Դ. Ղուկաս կաթող. 1780—1800. 1899.	4 —
10 Նոյն. գիրք Ե. Դանիէլ կաթ. 1800—1808. 1902.	4 —
11 Նոյն. գիրք Զ. Դաւիթ կաթ. մ. 1. 1801—2. 1904	4 —
12 Նոյն. գիրք Է. Դաւիթ կաթ. մ. 11. 1907.	4 —
13 Կարգ աստուածպաշտութեան Հայաստանեայց ս. եկեղեցւոյ 36 նկարով, Զ. տպ. 1907	— 50
14 Հնից-նորից, հնախօս. ուղեւոր. պրակ Ա. 1900.	— 30
15 Պատի օրացոյց 1902 ամի. ժամանակագր. ԺԴ տարի	— 50
16 Նամակագիրք 1902	— 50
17 Ծոցի օրացոյց 1902 ամի և յաւելում.—Առողջապահական խոհարարութիւն	— 15
18 Զաքար Դարգաձեանցի կտակը և Մշակի դառանցանքները (սպ.)	— 5

Թարգմանություններ.

19 Հաւատարմութիւնը ամեն արգելքների յաղթում է Ֆ. Հոֆմանի 1877	— 40
20 Խաւարից դէպի լուս Ֆ. Հոֆմ. 1888 (սպ.)	— 40
21 Դօն Բիշօտ լամանշեցի, Մ. Սէրվ. 1878 (սպ.)	— 70
22 Գէորդ Ռօլլէստօն, 1879 (սպառ.)	— 60
23 Երրորդ ոսկի, առակ. Լակիդէի ք. տպ. 1893	— 10
24 Ռօբինզօն (հրատ. Թիֆլ. տպագր. ընկերութ.) (սպ.)	— 60
25 Չէստէրտօնի ժառանգը, պատկերազարդ, 1882. (սպ.)	1 —
26 Ակտէա. տ. Սիսօնվայի. 1885 (սպառ.)	— 50
27 Եան Էրնստ Սմօլեար. Ն. Եանչուկի, 1885 (սպ.)	— 20
28 Արծուի մտածմունքը, պրօֆ. Մ. Բողղան. 1892	— 5
29 Դիւղի սուրբը. Սվետա. Չէխի, 1892	— 10
30 Կեանքի դպրոցը, Դիկկէնսի, 1892	1 —

31 Դէպի Աթէնք, Ն. Սենկեվիչի բ. տպ. 1901	— 15
32 Մի կտոր հաց, Պօտապէնկօի բ. տպ. 1901	— 10
33 Որսորդ, Օ. Շրայնէրի	— 10
34 Մատուռի աւերակներում, Օ. Շրայնէրի.	— 10
35 Կարա. Իրլանդական գրոյց 1904	— 5
36 Անտառապետ Ֆրեդերիկ. Էրկման Շատրխանի. 1903	— 40
37 Տնային բժշկարան, պրակ Ա. (գրքի ամբողջ կէսը)	1 —
38 Ն » » պրակ. Բ. գրքի ամբ. կէսը	1 60


Հրատարակութիւններ.

39 Ի. Յարութիւնեան, Հայոց գիրը 1893	1 50
40 Իշ. Կ. Բեհբուզեան, Ծովա. 1893	— 15
41 Ռանդարէ, Էմաէ, վէպ թարգմ. Յ. Լալայեանի	— 25
42 Ալբէր Այնօ, Քուրդի լեռուն, 1894	— 20
43 Ճաղարբէգեան Յ. Հայոց լեզու ա. տ. 1904	— 30
44 Խրիմեան Հայրիկ, Ժամանակ 1895	— 15
45 պիւրի, Ալծարած Մօնի թ. Ի. Յարութիւն. 1885	— 15
46 Բակ. (Բարդէն վ.) Կիլիկիա 1896	— 10
47 Պետալոցցի, Լինհարդ և Գերտրուդ. 1896	1 50
48 Մելքիսեդեկ արքեպ. Մուրատեան, Պետրոս Շանշեան պատկերով. 1897	— 50
49 Թ. Ա. Սոհարարուհի, բ. տպ. ճիւղացած 1904	— 50
50—61 Լումայ, գրական հանդէս 1891—1901 իւր. գիրքը	2 —
62—64 Լումայ երկամսեայ հանդէս 1902—1904 տարեկան	6 —
65—66 Լումայ ամսագիր 1905—1906 իւր. տար.	8 —
67 Յ. Պարոնեան, Ծիծաղ, պատկերով, 1899	1 25
68 » Արեւել. ատամնաբույժ կատակ. 1901	— 50
69 » Քաղաքավար. ֆլանները, 1901	— 75
70 Ի. Յարութիւնեան, Ստեփանոս Պալաստեան	— 25
71 Ն. Տէր-Կարապետեան, Սաշատուր Արուիկան (սպառ.)	— 60
72 Ի. Յարութիւնեան, Աշակերտի յուշատետր	— 30
73 » Չգաղմուցներ շախմատի.	— 30
74 Յարութիւն Թումանեան, Մելիք-Իւսուփ	— 25
75 Մ. Եօկայի, Ուրացողը, թարգ. Իս. Յարութիւնեան	— 20
76 1901 Մ. Էջմիածնի ԺՁ գարադարձը.	— 25
77 Եր. Շահադիզ, Մկրտիչ Էմին	— 60
78 Կարաբէնկօ, Կոյր երաժիշտը. թարգմ. Մուշէ վարդ.	— 60
79 Չորրորդ դարու հայ եկեղեցին	— 20
80 Եր. Շահադիզ, Նոր-Նախիջևանի ո. Սաշ վանքը	— 40
81 Ի. Յարութիւնեան, Իմ օրագիրը	— 20
82 Մեծ Ներսէս	— 25
83 Դ. Սաշկոնց, Հայոց կրօն. բանաստեղծութիւնը	— 60
84 Ի. Յարութիւնեան, Կին վիպագիր Ե. Սպիւրի	— 10
85 Օր. Ն. Աղանեանց, (թարգմ.) Սև հացեր, բ. տ.	— 5

86	Կարալէնկո, Դատաստանի օրը, Թարգմ. Մուշէ վարդ.	— 40
87	Կ. Կոստ. Շարժի տարեգրութիւնը Հայոց մէջ. 1902	— 20
88	Գ. Վ. Յովսէփեան, Մանրանկարչութեան արուեստը Հայոց մէջ 1902	— 25
89	Ներսէս Մեծի յաջորդներ 1902	— 20
90	Մ. Գօյրկի. Չէլիկաշ. Թարգմ. Մուշէ վարդ.	— 15
91	Քուչակ Նահապետի երգերը, Յով. Թադ.	— 25
92	Մահակ Պարթև	— 5
93	Ապուշը, Ժօրժ Էսպարբի, Թար. օր. Ն. Աղանեանց, Բ. տ.	— 5
94	Վարժապետը. Թարգմ. Լ. Մ.-Ա.	— 30
95	Հազարան Բլբուլ. Յ. Թումանեանց	— 50
96	Պատմական պատկերներ, Եր. Շահագիզ 1903	— 50
97	Ժ. Ժ. Ռուսո. Էմիլ. 1. Թ. Իո. Յարութիւնեան 1904	— 60
98	Խորէն արք. Գալֆայեան և Նալբ. Ալցմիքը, Եր. Շահ. 1904	— 50
99	Հերոստրատ. Լ. Ֆուլգալի, Թարգմ. Տ. Վ. 1904	— 55
100	Կանոնք ժողովոց. Մ. Ա. 1904	— 20
101	Ուղեղի նորոգումը. Ֆ. Դիկմելի Թ. Օր. Ն. Աղան. 1904	— 5
102	Գթութիւն	1904 — 5
103	Գ. Ե. Սրուանձտեանի երկերը 1 Համով-հոտով 1904 1	25
104	Ալէմգիր. վէպ Վ. Փափաղեանի, 1904	— 50
105	Սուտի հոգեբանութիւն. Գար. Ենգ. 1904	— 10
106	Հայրեր և դաւակներ Ի. Տուրգ. Թ. Մուշէ Վ. 1904	— 75
107	Կօնան Դօյլ. Բանակն ինչպէս ազատեցի. Թ. Տ. Վ. 1904	— 15
108	Ազէրֆէղա. վէպ Վ. Փափաղեանի, 1904	— 50
109	Ֆր. Դրկիւրէլ. Նոր Կուռք, Թարգմ. Տ. Վ. 1905	— 30
110	Կար. Եղեան. Ս. Էջմ. Մ. Աթ. և Ռուսաց կառ. յարաբե- րութիւնների ծագումը. 1905	— 40
111	Ձ. Ռիչարդսոն. Գրքերի ընտրութիւնը Թարգմ. Բենիկ վարդ. 1905	— 60
112	Իսլամ. տաճկ. Թարգմ. Գր. Եղ. 1905	— 20
113	Հոգեկան վարակումն և նրա նշանակութիւնը. Բժշկ. Կ. Աղաջանեանց 1905	— 1
114	Խանգաղէ, մեր արիւնոտ անցեալից 1907	— 20

Պատկերներ.

115	Ս. Լուսաւորչի իւղաներկ մեծադիր պատկեր	3 —
116	Նոյնը կտաւի վերայ	15 —
117	Պետրոս Շանշեան	— 10
118	Յակովբ Պարոնեան	— 10
119	Արդար Յովհաննիսեան	— 10
120	Աւետիք Ղուկասեան	— 10
121	Գարեգին եպս. Սրուանձտեանց	— 10
122	Լուսայի պոստկարտ.	— 5



Նոր բաժանորդագրութեան մասին հետևեալ
համարում

Ա Ձ Դ

Խմբագրութիւնս խնդրում է այն ամենին, որոնք ժողովել են «Լուծալի» բաժանորդագներ և դեռ մինչև օրս չեն ուղարկել մեզ, նոյնպէս և այն բոլոր բաժանորդներին, որոնք վերջին տարիներս ստացել են մեր թերթը իրանց ցանկութեամբ, և չեն վճարել, անմիջապէս հասցնել խմբագրութեանս իրանց վերայ քնացած տպառիկները:

Ձուլարկողների անունները կապուին «Լուծալում» հետևեալ համարից սկսած:

ԵԴԻՊՏՈՍ. «Արաէմիսի» խմբագիր պ. Պէլերեանին: Երկու տարի առաջ մեղանից 110 ռուբլու դրքեր տարաք և խոստացաք անշուշտ պնարել 1906 թ. յունուարի 1-ին. բայց մինչև օրս չուղարկեցիք այլ գումարը: Խնդրում ենք ուղարկել:

ԲԱԳՈՒ. դրավանառ Անդրէաս Աւագեանին: Մեղանից դրքեր տարաք 128 ռուբլու և մինչև օրս չէք վճարել. հանեցէք կարգադրել, որ մեզ հասանելիքը վճարուի:

ԵՐԵՒԱՆ. Գրավանառ Կար. Դաբանեանցին: Ինչո՞ւ մեր դրքերի վանառումից դոյացած դրամը չէք ուղարկում:

ՆՈՐ—ՄԱՐԴԵԼԱՆ. Ղուկաս Քեմէլէճեանին. Լուծալի համար Մոսկուայ և զանազան տեղեր բաժանորդներ էք հաւաքել և մինչև այսօր դրամներ չէք ուղարկել մեզ. ի՞նչ էք մտածում:

ՄՈՍԿՈՒՍ, ԳԱՆՁԱԿ, ԱԼԷԲՍԱՆԴՐՈՊՈՂ և այլն և այլն. կարդացէք վերեւի պատասխանը:

Այս համարը ուղարկւում է անցեալ տարուայ այն բաժանորդներին, որոնք բաժնէզինք վճարել են:

ԼՈՅՍ ՏԵՍԱՒ

ՀԱՅՈՅ ՊԱՏՄՈՒԹԵԱՆ

պատկերազարդ դասագիրք

աշխ. Հայկ Տէր-Նստուածատրեանի

ԳԻՆՆ Է 45 ԿՈՊԷԿ

ՕՐ. Ն. ԱՂԱՆԵԱՆԻ

ԵԼԵՔՏՐԱՇԱՐԺ ՏՊԱՐԱՆՈՒՄ

Ընդունւում են ամեն տեսակ և ամեն լեզուով պատուէրներ:

Հասցէն—Տիփլիս, Պօլիցէյսկ., 7.